

ლიტერატურული ალმანახი

# ხორნახ უჯი

ოქტომბერი 2017



დედოფლისწყაროს სიონის საკურთხევლის ფრესკა



# № 4

# „ხმისძახი“

ფასი 3 ლარი

დედოფლისწყაროს მუნიციპალიტეტის გამოცემა

2017 წელი

## ს ა რ ჩ ე ვ ი

### იუბილე

ჯაბაძე მხარეთმცოდნეობის - 75 ----- 2  
თავანთი აღმშენებლის - 7

### პროზა

ქალაქი გელათში ----- 37  
არქიმანდრიტი ონოფრე (წულაძე) -- 40

### პოეზია

ვაჟა მთარაშიანი ----- 11  
ვახა ჯანაშიანი ----- 14  
თეა თაბაგარი ----- 16  
თამაზ ნიათაური ----- 18

### თარგმანი

ჰერმან ჰესე ----- 42  
ახალ ფარაჯი ----- 43

### ახალი სახელები

ბაქა სამთარაძე ----- 19  
ლია რობიბაშვილი ----- 21

### კულტურისტიკა

დადი სულაშვილი  
ფიროსმანი... საიდან მოვიდა  
ეს უცნაური ადამიანი?! ----- 45

### განხილვა

გოგი ავთიანი ----- 23  
ბაღარ ბაღარაშვილი ----- 25

### დედოფლისწყაროს ისტორიიდან

ქათვან მადლიანი  
ნეკროლოლოგიების სახლის  
ისტორია ----- 48

### პოეზია

ვახა ჯანაშიანი ----- 28  
ჯაბაძე მთარაშიანი ----- 30  
თაფლო ზარიანი ----- 31  
თამარ ჯანაშიანი ----- 33  
იოსებ გვინიაძე ----- 34  
ნათა ჰარადა ----- 35  
გიორგი ნიათაური ----- 36

### ჩვენი მხარე

ნათა ჰარადა  
საქართველოდან საქართველოში -- 50

### მარინა მახარაშვილი

არბოშიკი ----- 56

### შესვლად კომიტთან

ნანა ჯიჭინაძე  
სტიქიური წვიმები ----- 63




ლმანახის გამოცემაში ხელშეწყობისათვის მადლობას მოვახსენებთ დედოფლისწყაროს მუნიციპალიტეტის გამგებელს ბატონ ნიკოლოზ ჯანაშიანს, დედოფლისწყაროს მუნიციპალიტეტის საკრებულოს თავმჯდომარეს ბატონ ნუგზარ პაპიაშვილს და დედოფლისწყაროს მუნიციპალიტეტის კულტურის და ძეგლთა დაცვის ცენტრის დირექტორს ქალბატონ ნონა ჯიბლაშვილს.

რედაქტორ-გამომცემელი:  
გიორგი ნატროშვილი

აღმანახის ქუდის ავტორი:  
სარგო ქართვალიშვილი  
გარეკანი გაფორმებულია:  
გუჯა ბაჩაშვილის ნაშრომით

კომპიუტერული უზრუნველყოფა:  
გიორგი ნაწროშვილი

დაიბეჭდა მკ პოლიგრაფში



# ჯემალ მებრიშვილი 75

**შ**მა წლის თებერვალში დაბადებიდან 75 წელი შეუსრულდა ჩვენი კუთხის შვილს, მწერალ ჯემალ მებრიშვილს.

იგი დაიბადა დედაფლისწყაროს რაიონის სოფელ ოზაანში. რვანლედის შემდეგ სწავლა განაგრძო სიღნაღის რაიონის სოფელ ტიბაანის საშუალო სკოლაში, რომელიც 1959 წელს დაამთავრა.

სასკოლო არდადეგებზე და არმიაში განწვევამდე მუშაობდა კომბაინის მეცეცხლურად, მემინდვრობის ბრიგადის წევრად, მწყემსად, მიწის მზომავად, ხირსის მევენახეობა-მელვინეობის საბჭოთა მეურნეობაში კასრების მრეცხავად...

1961-64 წლებში საბჭოთა არმიაშია, საზენიტო-სარაკეტო დივიზიის მესტარტე-რიგით ჯარისკაცად. სანიმუშო სამხედრო სამსახურისთვის 1964 წლის ივნისში საყოველთაო მობილიზაციამდე რამდენიმე თვით ადრე გაათავისუფლეს უმაღლეს სასწავლებელში გამოცდების ჩასაბარებლად.

თბილისის სახელმწიფო უნივერსიტეტის ისტორიის ფაკულტეტის მისაღებ ყველა გამოცდაზე „ფრიადი“ მიიღო და სტუდენტი გახდა. ერთ-ერთ ამ გამოცდას 38 წლის შემდეგ თავის ინტერიუმი ასე გაიხსენებს ფილოლოგიის მეცნიერებათა დოქტორი, პროფესორი **ალექსი ჭინჭარაული** (1925-2012).

„...1964 წელია. უნივერსიტეტში მისაღებ გამოცდაზე ერთ მაგიდასთან ვისხედით მე და ფარნაოზ

ერთელიშვილი. შემოვიდა აბიტურიენტი — ჯარისკაცი, მშვენიერი შესახედავი, კარგი ვაჟკაცი. იმ დროს ჯარისკაცებს ცოტა არ იყო, ამრეზით ვუყურებდით, ვფიქრობდით — საიდანღაც ჩამოსულს, რა ეცოდინებო. იშვიათობა იყო, ვინმეს რაიმე სცოდნოდა.

ახალგაზრდამ აიღო ბილეთი და დახედა თუ არა საკითხებს, მაშინვე მოისურვა გამოსვლა. კი ვუთხარით — რა გეჩქარება, ჯერ კარგად მოიფიქრეო, მაგრამ დაიჟინა — მოსაფიქრებელი არაფერი მაქვს, საკითხები ვიცი და ახლავე გამოვალო. ამან უფრო გაგვაკვირვა. მე, გამომცდელს რომ ამელო ის ბილეთი, ისე ვერ მოვყვებოდი, როგორც ის ბიჭი ჰყვებოდა. იმდენად ავლელდი, რომ ვატყობ, სადაც არის, ცრემლები უნდა გადმომცვივდეს, მაგრამ იქ ტირილს ხომ არ დავინყებდი?! ფარნაოზს ვუთხარი — მე პაპიროსს მოვწვევ და გამოცდა თქვენ გააგრძელეთ-მეთქი.

გავედი დერეფანში და ვენევი პაპიროსს, მაგრამ ცალი თვალი აქეთ მაქვს — ბიჭი შეუფერხებლად პასუხობს და პასუხობს... რომ არა და არ მივბრუნდი, ფარნაოზმა ხელი დამიქნია — მოდიო და რომ შევედი, მითხრა: ახლა მეორე არნივი დაიბანს თვალს და შენ მოუსმინეო — და თვითონ გავიდა სიგარეტის მოსანევადა: თურმე იმასაც ეტირებოდა.

ის აბიტურიენტი ახალგაზრდა ჯემალ მებრიშვილი იყო — მერე ჟურნალ „ცისკარში“ ბეჭდავდა არცთუ ურიგო მოთხრობებს...”

(ჟურნალი „გზა“, 2001 წ. №20)

ჯ. მებრიშვილი სკოლის მერხიდანვე გრძნობდა წერის მოთხოვნილებას და დროდადრო იბეჭდებოდა კიდეც რაიონულ გაზეთში „ახალი შირაქი“. მას არასოდეს დაავიწყდება მაშინდელი მთავარი რედაქტორის, ვლადიმერ მჭედლიშვილის გულთბილი დამოკიდებულება... თუმცა ნამდვილი შემოქმედებითი ტანჯვა და ბრძოლა სტუდენტობის წლებიდან დაიწყო...

უნივერსიტეტის დამთავრების შემდეგ დაუბრუნდა მშობლიურ რაიონს და ჯერ მუშაობდა საქართველოს საზოგადოება „ცოდნის“ რაიგანყოფილების პასუხისმგებელ მდივნად (1969-1971), მერე რაიგაზეთის „ახალი შირაქი“ რედაქტორის მოადგილედ.

1976 წელს საცხოვრებლად თბილისში გადავიდა. აქედან მოკიდებული 2002 წლამდე სხვადასხვა დროს მუშაობდა ჟურნალ „საქართველოს აგიტატორის“ ლიტმუშაკად, საქართველოს „მონკავშირის“ პრეზიდენტის უფროს ეგერად, თბილისის ზღვის თავდაცვის ინსპექტორად, გაერთიანება „საქტეგზმრენვის“ საზღვარგარეთ ცურვის კადრების განყოფილების უფროს ინჟინრად, გაზეთ „კომუნისტის“ კორესპონდენტად, ჟურნალ „დროშის“ სპორტული განყოფილების გამგედ...

ჯ. მებრიშვილი საქართველოს მწერალთა კავშირისა და 2012 წელს შექმნილი საქართველოს მწერალთა ეროვნული აკადემიის წევრია.

თავისი მწერლური მოღვაწეობის მანძილზე გამოცემული აქვს შემდეგი ნიგნები: „მოთხრობები“ (1978), „შენი მინა...“, „ყველა გზა შირაქში მიდის“, „ცისფერი ავტობუსი“, „მაისის თავლი“, „ნაკურთხი მარილი“,



\* \* \*

რომანი „აბი“, „გინდოდა, გოგოთურსაცა წამასჯდომიყავ თავ ზედა?!“, „თავფარავენელი დედაბრის ალქიმი“, „PEN-მართონი თუ კამიკაძეთა პიკნიკი?!“, „დარდიმანდული დაუდევრობა“, პიესა „დებილთა მძევლები“, „დარდი“, „გათავისუფლება“ (ფიროსმანზე), „კითხულობს ქალუნდაური“, „ტარაკნების პროსპექტი“, რომანი „იძულებითი ასორტიმენტი...“

მწერალთა და საზოგადო მოღვაწეთა დიდუბის პანთეონის დახურვამ და მის ნაცვლად მახათას მთაზე, ივერიის ღვთისმშობლის ხატის ტაძართან ახალი პანთეონის დაარსებამ ჩვენი შემოქმედებითი ინტელიგენციის ერთ ნაწილში უკადრისი, თუმც უსაფუძვლო ვნებათაღელვა გამოიწვია, რაც დღემდე არ ცხრება!

ჯ. მეხრიშვილმა სწორედ ამ პოლემიკას მიუძღვნა თავისი ბოლო, მწვავე კრიტიკული წიგნი „რუბიკის კუბიკისებური უზნეობა“, რომელიც ამა წლის მაისის ბოლოს დაისტამბა.

წიგნს წამძღვარებული აქვს ამგვარი ეპიგრაფები.

**რად არა ხართ მონასტერში,  
არ ილოცავთ, ღმერთს არ ესავთ?  
გამოსულხართ და დასდინართ,  
ენაობთ და ჩხუბსა სთესავთ!**  
**ღავით გურამიშვილი**

**ვინც განდიდების კვერით დანაყრდა,  
რა ეშველებათ, იმ უბედურებს!**  
**ნიკო სამადაშვილი**

**სამშობლოს დასაღუპავად ერთი არამზადაც  
კმარა.**  
**ნაოლაონი**

**ამქვეყნად მართალი გზით რომ იარო,  
საკუთარი თავი ბოლომდე უნდა განირო.**  
**რენარი**

**სიტყვა-პასუხი მკვახე მაქვს და  
კაზმულ ლაპარაკს,  
მშვიდობიანობის დროს შესაფერს,  
მოკლებული ვარ!**  
**შაქსაირი**

საორიენტაციოდ გთავაზობთ რამდენიმე მოკლე ამონარიდს:

\* \* \*

აქმთელი უბედურება ის არის, მავანნი თავისთავად პანთეონს კი არა, ჩვენი მრავალტანჯული და ისედაც ტერიტორიებწარმეული სამშობლოს ერთ-ერთ მაღლიან კუთხეს იწუნებენ! ეს ხომ იგივეა, ადამიანმა თავისი ღვიძლი დედის სახე და ხატება დაიწუნოს!..

...ეროვნული ინტერესებით მსუნთქავ ნებისმიერ რედაქციას, დაინტერესებულ პიროვნებასა და ოჯახს, მით უმეტეს, საქართველოს მწერალთა კავშირის თავმჯდომარესა და „ცნობილ ადამიანებს“ წუთუ არ უნდა ესმოდე: მწერალთა და საზოგადო მოღვაწეთა პანთეონი არსდება არა მხოლოდ დღევანდელი მართლაცდა ღირსეული „ცნობილი ადამიანებისა“ თუ ფეხისხმასაყოლილი თვითმარქვია, თანაც წუნია და ბუტია „მოღვაწეებისთვის“, არამედ ერის ღირსებისთვის! აქედან: არქიტექტორ-ქალაქმშენებლების მიერ მოსახდენ ადგილას შერჩეულმა პანთეონმა — განგების ნებით კი მახათას მიდამოები სწორედ ასეთია! — საუკუნეებისა და შესაძლოა, ათასწლეულების მანძილზეც უნდა მიიზაროს ერის სასიქადულო შვილები!!!

...მაშ, რა უფლება აქვთ, მრავალი საუკუნის თაობათა და მამულიშვილების სახელითაც რომ იწუნებენ მახათას მთას, რითაც საზოგადოების მგრძნობიარე წარმოდგენას ჯალათურად აყოყმანებენ და ახალდაარსებული პანთეონის შეგუება-დამკვიდრების სასიხარულო პროცესს მტკივნეულად აჭიანურებენ!..

\* \* \*

...მრავალი საუკუნისთვის გათვალისწინებული ნებისმიერი პანთეონისთვის გამოყოფილ ვრცელ, ცარიელ მიდამოს იქ ხამად მისული ჩვეულებრივი ადამიანის თვალში, ცხადია, თავისებურად უდაბური და შეუფერებელი იერი ექნება — ახალი პანთეონი ათწლეულების, ოცწლეულების, საუკუნეების განმავლობაში თუ არ შეივსო, აბა, მისი დაარსებისთანავე საიდან, როგორ, რანაირად ექნება უკვე შევსებული, სრულყოფილი და მით უმეტეს, ყველასთვის მოსაწონი და მისაღები სახე?!

...ახალი პანთეონი ერის მგრძნობიარე ცნობიერებაში თანდათან დაიკავენს თავის კუთვნილ ადგილს და ბუნებრივად გადაიქცევა მისი თაყვანისცემის სავანედ!..

\* \* \*

...ივერიის ღვთისმშობლის ხატის ტაძარი მომავალი პანთეონის მფარველ ანგელოზს დამსგავსებოდა... მახათას დაბორცვილ მიდამოზე დაცემული მიმწუნხრის ბინდი თანდათან მუქდებოდა. ჩანურული მზის ალერსიანმა სხივებმა უფრო გამოკვეთით შემოხაზა ცივ-გომბორის თხემი... საგურამოს ქედის მთისწინეთი... ივრის ნაგრძელებული ზეგანი და იალნოს ქედი, მახათას ადგილმდებარეობა თითქოს უფლის სურვილით რომ შემოუმერავთ!

ნეტარება იმ გამორჩეულ მამულიშვილებს, ვისაც მადლიერი ერი სწორედ აქ მიუჩენს სამუდამო განსასვენებელს!.. ხოლო ის ქართველი, განუჭვრეტელი ბედილბალი მახათას პანთეონში და კრძალვის პირველობას რომ არგუნებს, ჩვენი მგრძნობიარე ხალხის წარმოდგენაში, ალბათ, ეროვნული გმირისა თუ წმინდანის შარავანდედით შეიმოსება!

ასევე ვბეჭდავთ ავტორის მიერ საგანგებოდ შერჩეულ ერთ-ერთ ქვეთავს, „თანამედროვე ცოტნე დადიანი.“



თანამედროვე ცობნა დადიანი

ახლა კი თვით ვითარება მავალდებულებს მკითხველებს დავუსახელოო ღირსეული მამულიშვილი, ვინც პანთეონებთან დაკავშირებით მავანთაგან მავნებლურად აკვამლებულმა უზნეობის მახრჩობელა ვნებათაღელვამ სრულიად ბუნებრივად აქცია თანამედროვეობის ცოტნე დადიანად!

ეს ქართველი მწერალი ნოდარ წულეისკირია!!! მთელმა საქართველომ კარგად იცის, ნოდარ წულეისკირს ბედ-იღბალმა როგორი მძიმე ცხოვრება არგუნა. პოლიტიკური ქარტეხილები ჯერ კიდევ არ აპირებდა ჩაცხრომას, 1994 წელს მართლაც და ბიბლიური მოძღვრის შესაფარდი გადაწყვეტილება მიიღო – კასტურ-პოლიტიკური სურავანდით დაავადებულ დედაქალაქს გაეცალა და ჯვარზე გაკრული სამშობლოს უფრო უკეთ მსახურებისთვის მარნეულის რაიონის სოფელ წერაქვში გადასახლდა! სწორედ მიხეილ ჯავახიშვილის მშობლიურ სოფელში, რომელიც საქმეში ჩახედულ პირველმხანველს ოდესღაც ადამაშვილების ოჯახში დატრიალებული საზარელი სისხლიანი ტრაგედიის სველ ბეჭედს დღესაც აღანდებს, რის გამოც სულით ხორცამდე შეძრულ მომავალ კლასიკოსს იქ ფეხი აღარასოდეს დაუდგამს!!!

ნოდარ წულეისკირი წერაქვის საშუალო სკოლაში ჯერ მასწავლებლობდა, მერი კი მისი დირექტორი იყო. ცხოვრობდა მწერალთა კავშირის მიერ ადრე თავისი წევრებისთვის გამოყოფილ მომცრო ნაკვეთში ანაგებ სახლში... გატანჯულ მწერალს განგება გამოცდას გამოცდაზე უწყობდა: ორი ქალიშვილიდან – ირმა და მაკა – ჯერ პირველი მათგანი გარდაეცვალა, მერე მეუღლე, ქალბატონი ეთერი...


2015 წლის 13 თებერვალს გარდაცვლილი ნოდარ წულეისკირი თავისი ანდერძისამებრ იქვე, სოფელ წერაქვში, საკუთარი სახლის ეზოში დაკრძალეს... გულში ხინჯად ჩამრჩა, ეს რომ ვერ შევიტყვევ, რათა თავის უკანასკნელ გზაზე მეც გამეცილებინა...

ახლარ. მიშველაძის „ჭირისუფლებისა“ და „მხატვრული ინტელიგენციის“ არშინით თუ მივუდგებით, აბა, როგორ არ უნდა გავხედვით – ასეთი გამოჩენილი მწერალი და მამულიშვილი რაღა „უცხო“ სოფელში დაიკრძალა, ნუთუ არ შეიძლებოდა უფრო „უკეთესი“ ადგილი გამოიხეილიყო?!

ო, როგორ არ შეიძლებოდა და თანაც რამდენგან!!! ნოდარ წულეისკირი დაიბადა 1932 წელს, მარტვილის რაიონში, ოდიშის დაბლობის მადლიან მიწაზე, მდინარე აბაშის მარცხენა ნაპირას მდებარე სოფელ ბანძაში. ეს სოფელი თავისი ისტორიით ერთ-ერთი გამორჩეულია საქართველოში – იგი პირველად გვხვდება 1639-40 წლებში სამეგრელოში რუსეთის ელჩობის აღწერისას. ვახუშტი ბატონიშვილს მოხსენიებული აქვს „ბანძა და ციხე კეთილნაშენი“, 1737 წელს შედგენილ რუკაზეც აღუნიშნავს „ბანძა-ფალაოს სასახლე“.

ჰოდა, თუკი სოფელზე მიუდგებოდა საქმე, ნოდარ წულეისკირსაც არ ერჩია, „სხვისი“ სოფლის მაგიერ ისევე „თავისი“ მშობლიური სოფლის მიწას მიბარებოდა?!

ბანძადან ახლა საქართველოს დედაქალაქში გადმოვინაცვლოთ. ნოდარ წულეისკირს თუგინდ მოკრძალებული ანდერძ-მინიშნება რომ დაეტოვებინა და მის ჭირისუფლებსაც მოენადინებინათ, დარწმუნებული ვარ, მიშვე-



ლაძისეული სწრაფი რეაგირების „ქართული ინტელიგენცია“ დიდუბის დახურული პანთეონისადმი 2015 წლის დასაწყისში უფრო ნარმატებით „იძალებდა!“ თუმცა წარმოუდგენელია, მისთანა თავმდაბალ შემოქმედსა და მოქალაქეს დიდუბის უკვე დახურული პანთეონისადმი მსგავსი ძალადობის უკადრისი სურვილი გასჩნოდა!

არადა, ნოდარ წულეისკირს მაინცდამაინც პანთეონის „ავადმყოფობა“ რომ სჭირვებოდა, მახათას მთაზე წინ ვინ დაუდგებოდა?! წინ დაუდგებოდნენ კი არა, უკანასკნელ გზას ია-ვარდით მოუფენდნენ და თავისი ბინიდან იქამდე სულ კენესა-გალობით მიაცილებდნენ, ოღონდაც ნავსი გატეხილიყო და ყველასაგან გადაჭრით დაგმობილი ახალდაარსებული პანთეონის სათაყვანო პირველი ბინადარი სწორედ იმისთანა შემოქმედი და მამულიშვილი გამხდარიყო!!!

ანდა, სულაც თაბორის მთაზე, მონასტრის საუფლოში სხვა შემოქმედებს ერთი ფეხით აასწრებდა და მაგალი თოდუას იქ დახვდებოდა! თან რა დამთხვევა იქნებოდა – ორივე სახელოვან შემოქმედს მარტვილის მიწის მანეირი ძუძუ აქვს ნანოვი!

ყველაფერს რომ თავი დავანებოთ, მივარდნილი სოფლის მაგიერ თავადაც საბურთალოს სასაფლაოზე, თანამეცხედრის გვერდით დაიბარებდა სამუდამო განსასვენებელს!

დაე, მკითხველებმა ახლა თავად განსაჯონ – კაცი, რომელიც თავისი ნებით ერთ მივარდნილ სოფელში დაიკრძალება, განა შეიძლება საერთოდ, შემოქმედის ღირსება და უკვდავება მისი სამუდამო განსასვენებლის ადგილმდებარეობასთან ჰქონოდა გაიგივებული?! მაგრამ როგორც ამ გაუთავებელი საპანთეონე ვნებათაღელვიდან ირკვევა, მრავალთაგან განსხვავებით ნოდარ წულეისკირისთვის უმთავრესი ყოფილა არა საკუთარი სამუდამო განსასვენებელი ადგილის პრესტიჟი, ადგილი და ხედები, არამედ დანაკუნებულ-განამებული სამშობლოს გაერთსულოვნებისა და გამთლიანების წმიდათა წმიდა იდეა, მისი ნატანჯი მიწა-წყლის ყოველი გოჯის ყადრი და თანაბრობა!

ჰოდა, აქ როგორ გინდათ გაუმკლავდეთ შეუპოვარ განსჯა-სამდურავს: რ. მიშველაძისეული „ჭირისუფლები“ ერთხმად იმუქრებიან – მახათამდე შვიდი კილომეტრი

შორია, იქ ვერ ვივლითო! კარგი მაგრამ, ნოდარ წულეისკირის მარტივად თუ თბილისელი ჭირისუფლები აღარ ჩაითვლებიან ჭირისუფლებად?!

არავინ იცის, მოულოდნელად პანთეონების პრობლემებით გატაცებულმა საქართველოს მწერალთა კავშირის თავმჯდომარემ მახათას მთამდე მანძილი თბილისის რომელი წერტილიდან ან რანაირად გადავიზომა, მაგრამ 7 კმ-ის სიშორით შემკრთალ-შეურაცხყოფილი მისი ერთ-სულოვანი „ჭირისუფლების“ პარალელურად მაშინ ესეც დავაზუსტოთ – ნოდარ წულეისკირის უპრეტენზიო ჭირისუფლებსა და მისი შემოქმედების თაყვანისმცემლებს რამდენი ექნებათ გასავლელ-ასავლელი.

ლოქის ქედის ჩრდილო კალთაზე შეფენილი სოფელი წერაქვი ისეთი პატარაა, რაიონულ რუკაზეც კი არ არის დატანებული (იხ. ქართული ენციკლოპედია, ტ. მე-6, გვ. 449-ე, მარნეულის რაიონული რუკა) და ოფრეთის სოფლსაბჭოსაა მიბმული. დააკვირდით ამავე რუკასა და მის მასშტაბს – სოფელი ოფრეთი რაიონის უკიდურეს სამხრეთით მდებარეობს და როგორც თვით ოფრეთი, ისე მის სოფლსაბჭოში შემავალი და რუკაზე აღუნიშნავი სამი სოფლიდან – წერაქვი, ხოხმელი, ჯანხოში – ხელის განვდენაზეა სასომხეთის სახელმწიფო საზღვარი. წერაქვი ზღვის დონიდან 980 მეტრის სიმაღლეზე მდებარეობს.

მარტივიდან თბილისამდე 281 კმ-ია. თბილისიდან მარნეულამდე 40 კმ. მარნეულიდან სოფელ წერაქვამდე? 45 კილომეტრი!!!

ესე იგი, თავიანთი სახელოვანი შვილის სამარის თაყვანისსაცემად მარტივად მარტივად 365 კმ უნდა გაიარონ, თბილისელმა ჭირისუფლებმა – 85 (ოთხმოცდახუთი) კილომეტრი!

აბა, აქ კომენტარებს ვინ მომითმენს ან რიდასთვის მოისმენენ?!

შეიძლება ვინმე უაზროდ შემომეკამათოს – ნოდარ წულეისკირი წერაქვში თავისი ანდერძით დაიკრძალაო! მეც მანდა ვარ!!!

თუკი ნოდარ წულეისკირს ისედაც დანაკუნებული საქართველოს ყოველი კუთხე-კუნჭული ბაღდადად მიაჩნდა, მაშ, წუნია „ჭირისუფლებსა“ და „მხატვრულ ინტელიგენციას“ ასე რამ გაუცივა გული, რომ ემანდ, სამეზბის საკათედრალე ტაძრის გადაღმა მდებარე მახათას ახალდაარსებული პანთეონის გაგონებაც კი არ უნდათ!..

ამრიგად, საპანთეონე ვნებათაღელვასთან დაკავშირებით ერთმანეთზე მძივისებურად აკინძული ეპოქალური მწვავე მოვლენები, აღმამფოთებელი შეხედულებები, ჯიუტი ფაქტები, თავისთავად ამოტივტივებული ისტორიული პარალელები და ეროვნული განცდები ნოდარ წულეისკირს სრულიად ბუნებრივად წარმოგვიდგენს ჩვენი გაუკუღმართებული დროის ცოტნე დადიანად!

მე თვითონვე ვგუჟანობ, მეტად სახამუშო იქნება ამის მოსმენა, ბევრმა კი იქნებ მკრეხელობადაც ჩამომართვას, მაგრამ ჩემს მოსაზრებას მაინც პიროვნულად გამოვამზებურებ. უკადრისი პირადი ზრახვებით მავანთაგან ჯალათურად დაკორტნილ-დასაჭურისებულ ეროვნულ ზნეობასთან მიმართებაში ნოდარ წულეისკირის გადაწყვეტილების მესიანური დამთხვევა მას თვით ცოტნე დადიანზეც მაღლა აყენებს!

უძლეველია ლოგიკის ძალა, თუ საკითხს სუფთა გულითა და ცივი გონებით მივუდგებით!

ახლა კარგად გავისიგრძევანოთ ცოტნე დადიანის

თავგადადების ვითარება, მიზანი და შედეგი. კოხტასთავის შეთქმულება გამჟღავნდა და მონღოლთა წინააღმდეგ ქართველების აჯანყების გეგმა ძირშივე ჩაიფუშა. ცოტნე დადიანმა კი თავისი საარაკო საქციელით შეთქმულების დატყვევებული რამდენიმე მოთავე სიკვდილს გადაარჩინა.

ნოდარ წულეისკირი ცოტნე დადიანივით არ მდგარა სამაგალითო გმირობის გამოჩენის აუცილებლობის წინაშე: რ. მიშველაძისეული „ჭირისუფლებისა“ და „მხატვრული ინტელიგენციის“ მიერ ახალდაარსებული მახათას პანთეონის საყოველთაო ბოიკოტით შებღალული ეროვნული ღირსებისა და ზნეობის გადარჩენის მხურვალე სურვილით უარი შეგნებულად ეთქვა თავისი მწერლური „გაუკვდავების“ „აუცილებელ“ პანთეონზე და საქართველოს ერთ-ერთ მივარდნილ, თანაც საზღვრისპირა სოფელში ეულად დაეკრძალათ, რათა ამ ხერხით სამაგალითო წმინდანად ან სახალხო თუ ეროვნულ გმირად მოგვეცნოდა და მწერალთა კავშირის თავმჯდომარის დემაგოგიით გზაკვალარეულნი როგორმე ქვემარტები-სკენ შემოებრუნებინა!!!

უკადრისი და უადგილო ამბიციებით წონასწორობადაკარგულ შემოქმედთაგან განსხვავებით ნოდარ წულეისკირის მიერ თავისი სამუდამო განსასვენებელი ადგილის უპრეტენზიო არჩევანში მსგავსი არაფერი არის! მისი პიროვნული ღირსებისა და მოვლენების განვითარების თანმიმდევრობის მიზეზით არც შეიძლებოდა ყოფილიყო!

ნოდარ წულეისკირის არჩევანსა და მის პიროვნულ თვისებებს სწორედ ეს ბუნებრიობა აუზენაესებს და თავისთავად აქცევს ჩვენი დროის ცოტნე დადიანად! თუმც ამგვარი განაცხადი მავალდებულებს უკიდურესად ფრთხილი და ობიექტური ვიყო! ამიტომ პირდაპირ ვიტყვი: რ. მიშველაძეს მახათას ახალდაარსებული პანთეონისა და დიდუბის ეკლესიის წინააღმდეგ მკრეხელური ჯვაროსნული ლაშქრობა რომ არ წამოეწყო და მოვლენების სრულიად ბუნებრივი მიმდინარეობისთვის ხელი არ შეეშალა, მაშინ ნოდარ წულეისკირის მიერ თავისი სამუდამო განსასვენებლის ამორჩევის მაგალითს, ცხადია, ამგვარი მასშტაბურ-ეროვნული რეზონანსი არ ექნებოდა და ცნობილი ქართველი მწერლის ჩვეულებრივ ნება-სურვილად ჩაითვლებოდა!!!

დღეს კი, როცა ოფიციალურად დახურული დიდუბის პანთეონის ძალდაძალ გაფართოების ბრმა ჟინით ატანილ „ჭირისუფლებსა“ და „მხატვრულ ინტელიგენციას“ სამუდამო განსასვენებელთან დაკავშირებით თბილისის ცენტრს იქით გახედვაც კი ზარავთ და ამიტომ აგდებით იხსენიებენ ჩვენი სამშობლოს წმინდა მიწის ერთ-ერთ ნაწილს – მახათას მთას, ნოდარ წულეისკირის წინასწარმეტყველური არჩევანი თავისთავად იძენს ეპოქალური მაგალითის ძალასა და მნიშვნელობას, რაც ქვემარტივ მამულიშვილს ცოტნე დადიანს უთანაბრებს და მასზე მაღლაც აყენებს!

აჰა, თავად განსაჯეთ და გაავლეთ პარალელები: ანისს, მონღოლთა ბანაკში ჩასული ცოტნე დადიანი თავისიანების უდანაშაულობის ნათელსაყოფად თვითონაც გვერდში ამოუჯდა მცხუნვარე მზის ქვეშ დასხმულ, მხარგაკრულ თანამოძმეებს. მონღოლები განუცვიფრებია ამგვარ საქციელს, მაშინვე ურწმუნიათ ქართველების უდანაშაულობა და ყველანი უვნებლად გაუშვესო.

აქ მემატინე მეტს არაფერს გვეუბნება, პირადად

ჩემთვის კი ამოუხსნელ ამოცანად დარჩება: ნახევარი მსოფლიოს დამპყრობი მონღოლები ნუთუ მართლა ისეთი გულუბრყვილოები იყვნენ, ცოტნე დადიანისთვის ეს ასე იოლად დაეჯერებინათ, მით უმეტეს, როცა ხელთ ჰქონდათ კობტასთავის ფარულად შეკრების ფაქტი!

არ დავიჭინებ, შეიძლება ვცდები, მაგრამ რატომღაც მე ასე მწამს: მონღოლებმა ცოტნე დადიანის ნათქვამი და საქციელი მართლა კი არ დაიჯერეს, არამედ ცოტნე დადიანმა თავისი გაუგონარი გაბედულებით მონღოლებს არჩევანი აღარ დაუტოვა – მათ უეჭველად უნდა გაეთამაშათ დაჯერების ინსცენირება!!! კი მაგრამ, რატომ? აი, რატომ: თვითონ მონღოლები უმამაცესი მეომრები იყვნენ და ახლა ამგვარი „ტყუილისთვის“ ქართველი დიდებული რომ დაესაჯათ, თავისთავად გამოდიოდა, რომ ამით დასაჯეს ვაჟკაცობა და გაბედულება ანუ სწორედ ის ქვაკუთხედი, რაზედაც დაფუძნებული იყო ჩინგიზ-ყაენის ადათ-წესებით გამონრთობილ მონღოლთა მხედრობის ზნეობა და ქველობა!

ასე რომ, ჩემი ვარაუდით, მონღოლებმა ცოტნე დადიანს ნათქვამი კი არ დაუჯერეს, არამედ ქედი მხედრულად მოიხარეს მისი საარაკო გაბედულების წინაშე და ჩათრევას ჩაყოლა ამჯობინეს – ყველანი უვნებლად გაუშვეს, რითაც ორი კურდღელი მოინადირეს: თავადაც განთქმულმა ვაჟკაცებმა, ქართველის გასაოცარ გაბედულებას ჯეროვანი პატივი მიაგეს და ამით სულიერად თავადაც ამაღლდნენ როგორც საკუთარ, ისე დატყვევებულთა თვალში! ხოლო ეს ქართველი დიდებულები კობტასთავში თუკი აჯანყების მოსამზადებლად კი არა, მართლა მონღოლთათვის მისაცემი ხარკის საქმეზე იყვნენ შეკრებილნი, მაგას რალა სჯობს! მაშინ ზიანის მეტს რალას მოუტანდათ მათი სიკვდილით დასჯა?! მაშ, ეს ეჭვიმტანილი ქართველი დიდებულები ისევ დაუბრუნდნენ თავ-თავიანთ საგამგებლოებს და უფრო მეტი ერთგულებით განაგრძონ მონღოლთა მიერ დადგენილი ხარკის კრეფა და ძლევა!!!

ასე იქნებოდა თუ ისე, ცოტნე დადიანის თავგადადებას მცირეოდენი ჩრდილი არც ერთ შემთხვევაში და არსაიდან არ ადგება!!!

ნოდარ წულეისკირი?! მოციქულივით თითქოს ადრევე გრძნობდაო, რა ხიფათიც უმზადდებოდა სამშობლოს ზნეობასა და ერთსულოვნებას – თბილისიდან ხელის განვდენაზე მდებარე მახათას პანთეონს აბუჩად აიგდებდნენ, მან, ნოდარ წულეისკირმა თავისი სამუდამო განსასვენებლის ამორჩევისას ისეთი უანგარო გადანყვეტილება მიიღო, ცხადია, თავიდან ვერავის მოუვიდოდა აზრად, მის ამ მაგალითს ძალიან მალე პარალელი ცოტნე დადიანის გმირობასთან გამოენახებოდა!

მართლაც! მათი გადარჩენის მიზნით როგორც თავგადადებული ცოტნე დადიანი მიუჯდა მხარგაკრულ თანამოძმეებს, განგებამ ნოდარ წულეისკირსაც თითქოს თავგზადაკარგულ თანამოძმეთა შესაფხიზლებლად და შთამომავლობის დასაკვალაინებლად შთააგონა „შორეული“ ქვემო ქართლის მიწაში განსვენებულ წინაპართა შორის დაკრძალულიყო, რათა თვალგონდახშულთ როგორმე თვალგონი ახელოდათ: არა აქვს მნიშვნელობა, ვინ სად დაიბადა და აღიზარდა, მერე სად ცხოვრობდა ან რა დონის შემოქმედი, მოღვაწე თუ მამულიშვილია – როცა საქმე სამუდამო განსასვენებელს ეხება, მაშინ ჩვენი გატანჯულ-დანაკუნებული სამშობლოს ნებისმიერი კუთხე-კუნჭულის მიწა თითოეული ჩვენთაგანისათვის

მსუბუქი, თბილი, სათაყვანო და ღვთის ჯილდოდ მისაჩნევი უნდა იყოს!!!

აქ კი იძულებული ვხდები, ერთგვარ შეუფერებელ, მაგრამ, ჩემი აზრით, აუცილებელ განმარტებასაც მივმართო. სამწუხაროდ, ქვეყანა მოწმეა, თვით მასობრივი ინფორმაციის საშუალებებითაც კი როგორი გაუთავებელი და „თავმოსანონებელი“ პროპაგანდა ეწევა მავანთა მონანილეობით ოდესღაც, სადღაც გადახდილ ლხინ-ქეიფებს, შემოქმედთა შორის პურ-მარილით გამტკიცებულ მეგობრობას და ამ ნიშნით ერთმანეთის ქება-დიდებას! ამიტომ ვინმეს რომ არ ეგონოს, ნოდარ წულეისკირს თვითნებურად მეც ამ მიზეზით ვასახელებდე, სახალხოდ ვაცხადებ: ამ შესანიშნავ მწერალთან და მამულიშვილთან სულ რამდენჯერმე ვარ შენახვედრი, ისიც ახალგაზრდობისას, სოფლიდან თბილისში რედაქციების შემოსავლელად ერთი დღით რომ ჩამოვიდოდი ხოლმე და მასთან თავი მუდამ მოკრძალებით მეჭირა. ამიტომ ჩვენი მოკლე საუბრების თემა არასოდეს გასცდენია სამშობლოს, ენის სინმინდისა და ლიტერატურის ფარგლებს... ჰოდა, თავს უფლებას როგორ მივცემდი, ნოდარ წულეისკირი თანატოლივით თათარიანხნად სადმე სალხენად ჩამეპატიჟებინა: სად ჩვენ მიერ განსჯილი ლიტერატურული იდეალები და სად შეზარხოშებული დამლხენებით სავსე, სიგარეტის ბოლით გამჭვარტლული და მოყაყანე... ხოლო როგორც სტუმარს თუ მასპინძლურად თვითონ შემომთავაზებდა ერთად ნახემსებას, ეგეც კარგად ვიცოდი, როგორ ავცდენოდი ეკლებზე ჯდომას!.. და რაც მთავარია, სხვადასხვა მიზეზით ჩემი ცხოვრება თავიდანვე სრულიად ბუნებრივად ისე აენყო, არც ერთ მწერალთან არ მაკავშირებს ყანწ-შამფურებით აღმოცენებული ურთიერთობა! აქ ჩემთვის უმთავრესი და გადამწყვეტი სულ სხვა რამეა: ლიტერატურის ჯარისკაცის სინდისიერება და ურთიერთგატანა!!! ამიტომ დღეს, როცა ქართველ მწერლებს ყოფნა-არყოფნის ტოტალურ ომში ჩათრეული, ყოველი მხრიდან ალყაშემორტმული სამშობლოს დაცვა გვიხდება, რა ვქნა, ასე მწამს, ასე მინდა, რომ იყოს: თვით ახალბედა მწერალიც კი, ჩემთან ერთად ჭიქა აენიოს კი არა, გვარ-სახელითაც რომ ვერ მიცნობდეს, მჯერა, როგორც თანამებრძოლს, ზურგიდან-მანაც მამაცურად დამიცავს, ისევე როგორც ჩემს ჯარისკაცურ მოვალეობად მიმაჩნია, ზურგიდან სისხლის უკანასკნელ წვეთამდე დავიცვა ნებისმიერი თანამოკალმე, ოპონენტი კი არა, პირადი მტერიც რომ იყოს!

დღევანდელ მძიმე ვითარებაში, როცა მხოლოდ საკუთარი ინტერესებით გატაცებული უმრავლესობა უჟმურად არის განწყობილი ყოველივე იმის მიმართ, რაც თვითონ მას არ უჯდება ჭკუაში, არ ვიცი, ვინ როგორ შეხედავს ნოდარ წულეისკირზე ჩემს ამგვარ მსჯელობას... მაგრამ ჩამოიძაფება მძიმე დრო-ჟამი და პანთეონებთან დაკავშირებული დღევანდელი პუბლიკაციების შემადრწუნებელ ფონზე მომავლის გადასახედიდან სულ სხვანაირად შეფასდება ნოდარ წულეისკირის მოციქულებრივი არჩევანი. ამიტომ ღრმად მწამს, მისი ხსოვნა და სახელი ამქვეყნად ყველაზე საპატიო პანთეონში – ხალხის გულში დაიმკვიდრებს სამუდამო საბინადროს! ხოლო თითოეული შეგნებული ქართველი უფრო მეტი სიყვარულითა და პატივისცემით განიმსჭვალება მარტვილისადმი, ყველაზე ძნელბედობისთვის საქართველოს ცოტნე დადიანისებური მამულიშვილი რომ უშობა და აღუზარდა!





# ლევან ალავერდაშვილი



ევან ალავერდაშვილი დაიბადა 1971 წლის 2 ივლისს, წითელწყაროს(დღევანდელი დედოფლისწყარო) რაიონის სოფელ ჯაფარიძეში(დღევანდელი სამრეკლო).

1988წელს დაამთავრა ამავე სოფლის საშუალო სკოლა და ჩაირიცხა საქართველოს ტექნიკურ უნივერსიტეტში. მისი ლექსები იბეჭდება საქართველოს ჟურნალ-გაზეთებში, წიგნებში, ალმანახებში; არის ერთი პოეტური კრებულის – „ნუ დამაჯერებთ“ – ავტორი. არის დედოფლისწყაროს მწერალთა გაერთიანების და საქართველოს მწერალთა კავშირის წევრი. ამა წლის 2 ივლისს იგი 46 წლის გახდა. ვულოცავთ მეგობარ პოეტს დაბადების დღეს. აქვე გთავაზობთ თანამოკალმეების მიერ ლევანისადმი მიძღვნილ ლექსებს და რამოდენიმე გამოუქვეყნებელ ლექსსაც მისი შემოქმედებიდან.

## გია გარსანიშვილი

\*\*\*

### ლევან ალავერდაშვილს

აღარ გათენდა. იწვის სანთელი.  
უტყვი გრძობები უხმოდ მღერიან,  
თუ ამაოა სუყველაფერი,  
სადარდებელი არაფერია.  
ამ ღამეს ვერსად დავემალე,  
ხმა ისმის, თითქოს ზარებს რეკავენ  
და ლიმნისფერი სანთლის ალები  
ცეცხლის სხეულით თრთოლით ცეკვავენ.  
ძილისთვის მოვცდე – რატომღაც არ მწამს,  
მე არ დავწვები – თუმც დავილაღე,  
შავ საფერფლეში ჩავაქრობ ნამწვავს  
და კვლავ ვუკიდებ ახალ სიგარეტს.  
ნეტავ სადაა ახლა ლევანა,  
იქნებ ზეცაში ვარსკვლავებს დასდევს,  
იქნებ ვინმესთვის ლექსი ევალა...  
და რითმით ამსხვრევს მონოლილ დარდებს.  
იქნებ ჩემსავით ახლა ღვინოს სვამს  
და გულს უთქერავს ვაების ეტლი.  
იქნებ დაეძებს ნიკო ფიროსმანს  
და ქარის წისქვილს ჩემსავით ებრძვის.  
იქნებ თამბაქოს კვამლში ეხვევა  
და ოცნებებით გასცქერის სივრცეს.  
იქნებ აწამებს შველის ფეხება  
და გულს რძისფერი წისლებით ივსებს.  
იქნებ ჩემსავით ახლა მარტოა  
და დუმს, ვით სოფლის ძველი საყდარი.  
იქნებ წუხილმა დაიმარტოვა  
და გაუთხარა ლექსში საფლავი.

დავიფერფლებით ათას ფერებად,  
ჩვენს თავს გაუჭრით ლექსში სამარეს,  
ჩვენ ჟამთა დენა ვერ მოგვერევა,  
ჩვენ თვით სიკვდილსაც დავასამარებთ.

## ეს იყო ქარი

### ლევან ალავერდაშვილს

ღამე სიფხიზლეს ვერა გუობდა  
და გულს ვწურავდი, ვით ყურძნის მტევანს,  
მე კი არა ვთქვი – ქარი ღმუოდა,  
ქარი ღმუოდა, სადა ხარ ლევან?!  
მე კი არა ვთქვი, ეს იყო ქარი,  
რომელიც ფლეთდა ღამეულ ლანდებს  
და ანჯამებზე მიბმული კარი  
ჭრიალ-ჭრიალით ამსხვრევდა ღამეს.  
მე კი არა ვთქვი, ეს იყო მთვარე  
ცაზე მიკრული შოთი პურივით,  
წისლი მოჭქონდათ ჭკვამეშილ ქარებს  
და წუხდა ღამე წინამურივით.  
თითქოს ისმოდა გუგუნი ზარის,  
რომელიც ღამის უკუნში გმინავს,  
ეხეთქებოდა ცივ მინას ქარი  
და მომბლაოდა – არც ლევანს სძინავს.  
კრთოდა სანთელი ლიმონის ფერი  
და მივხვდი, რომ ჩვენ ერთმანეთს ვგევართ,  
ღვინოს ვისხამდი და დოქის ყელი  
გაიძახოდა – სადა ხარ ლევან?!  
რალაც უსაზღვრო ვიყავ იმ ღამით,  
გაიჭრიალა ოხვრით კარებმა.  
მე კი არა ვთქვი, ეს იყო ქარის  
ამოუხსნელი იდუმალება.

ლევან ალავერდაშვილს

ლევან ალავერდაშვილს

გესლივით ვალერი ბოლმას ამ ფურცელს,  
 იდუმალებით ავსილა არე,  
 ახლა ღამეა, არაყს ვსვავ, ვუცქერ  
 ლამფის შუშაში დამწყვედულ მთვარეს.  
 არავის ეშხი აღარ მიზიდავს,  
 არავის ტრფობით აღარ ვინვები,  
 აღარც ამური, აღარც იზიდა,  
 აღარც ბავშური წრფელი მიზნები.  
 ათასგვარ ფლირტებს რა დამავინწყებს,  
 უძირო ღამით როცა ვიღლები,  
 ეგ ასულები სადღაც წავიდნენ,  
 მათ ადგილზე კი დარჩა ნიღბები.  
 მე უკვე გამცდა – ჯერი სხვისია...  
 ჩემს დაულაშქრავ გავყურებ ბექობს.  
 ერთხელ ვითხოვე ტრფობა ნისიად...  
 სიტყვა გადიქვა გაბზარულ ექოდ.  
 მწყაზარ ქალწულთა ცეცხლში გამოვლილს  
 სიძვა-ფლირტებმა ვერა დამაკლონ.  
 მე უკვე გამცდა ნავით ქარონი  
 სისხლი, ცხედრები და სასაკლო.  
 ვერ შემაჩერონ, ისევ მოვდივარ  
 იქცევა ზეცა, მთლად უპატრონო,  
 ჟამთა დინებას როგორ მოვზიდავ,  
 მალე გაიგებ, ლევან ბატონო!

შენი სხეული დაღლილია, დროა სიმშვიდის,  
 არყოფნის ჟამი ყოფიერში სხივებად ელავს,  
 ბოლო ნამები ოცნებებში შერწყმული მიდის,  
 უცხო მთიბველი ოცნებებსაც უცებ მოცელავს.  
 თანმდევი, თეთრი ზმანებები განადგურებენ,  
 ზეცისფერეთში მისავნებ საკუთარ ცხედარს,  
 თვალეში ჩვილი ანგელოზი ისადგურებენ,  
 როს აღმართავენ დედაბოძად მცხეთაში კედარს.  
 შემოილი ღამე... სულშემოილი სულს ეთხოვები  
 და მომაკვდავსაც საკუთარი ჩაგესმის კვნესა,  
 გზადაგზა აღბათ ღიმილებსაც მისთვის ტოვებდი,  
 რომ გაღიმებულს სასიკვდილო სამსალა გესვა.  
 არავინაა! გემინია! გადაფითრდები...  
 ეძებ მინაზე მიტოვებულ მაცხოვრის სხეულს,  
 მკვდრეთით აღდგომას იესოსაც ისე პირდები,  
 თითქოს არასდროს გინატრია სიკვდილი წყეულს...  
 მირონმდინარე ხატებიდან უცხო სახება,  
 უცხო სხეული, რომ ჩააცვეს ღმერთებმა შენს სულს  
 და სასოებით, სათაყვანოდ მიეახლება  
 შენი თვალეში ნაზარეთში მარიამს ორსულს...  
 მერე თენდება... ვერ პოულობ საკუთარ თავსაც,  
 გესმის საზარი შეკვილება რიჟრაჟის ბინდის,  
 ხვდები იპოვე, მიაგენი ეძებდი რასაც,  
 შენი სხეული დაღლილია, დროა სიმშვიდის.

ზიზო ბარული

შემოდგომა

ლევან ალავერდაშვილს

დღეს ფოთოლცვენა ისე დიადობს...  
 დგას შემოდგომა გრილი და ჩუმი...  
 ჩამოიხედე სულში, წყვიდადო,  
 და შემოდგომის გადაწყვე დუმილს.  
 მე უშენოდაც მგვემენ ქარები  
 და სიცოცხლისას ვერ ვიკლავ წყურვილს,  
 დანისლულია ცრემლით თვალეში,  
 დაბზარულია კედლები სულის.  
 დაჰქრის ველური ლექსების ჯოგი,  
 ზოგი უმიზნოდ გრიგალებს უხმობს,  
 თუ ეს სიშლეგე დღეს ღიმილს მოგგვრის,  
 ხვალ უსათუოდ გატირებს უხმოდ.  
 დღეს ფოთოლცვენა ისე დიადობს...  
 დგას შემოდგომა გრილი და ჩუმი...  
 მე ესეც მომკლავს, წადი, წყვიდადო,  
 და მონყენისფერს გადაჰყვე დუმილს.



ლევან ალავერდაშვილი

წყალობა

თ-ს

ამალამ მგოსანი იტირებს,  
 გედებით მიმოფენს მთა-გორებს...  
 ეს ღამე დალუპვას მიპირებს,  
 სიღრმით რომ შენს თვალეებს მაგონებს.  
 არსაით შემწე და მფარავი,  
 ბნელები მიღრჩობენ იმედებს,  
 შენს მეტი არავინ, არავინ,  
 წყალობას არავინ იმეტებს...  
 და სულში გვირილად განორჩიდი,  
 მაშრიყით რომ გამოაშუქე...  
 მითხარი, საიდან გამოჩნდი?!  
 ხვალის დღე რისათვის მაჩუქე?!

„მორჩილი“

ამ მორჩილებას სიძლიერის მოსავს მანტია,  
რა დაგიფიცო,  
ასე ახლოვ, ქცეულო სხვისად,  
შენა და ლექსი,  
აი, განძი, რაც მაბადია...  
შენს ერთ კულულს და  
ერთ ცრემლს არვის დავუთმობ ვფიცავ!  
ეს მორჩილება არ მორჩილებს ლეთას და ქარონს,  
რჩება უმნეოდ,  
შენი კდემის კართან მთეველი,  
ბედს გადავებხვევი,  
ოლონდ ჩემებრ სხვამ შეგიყვაროს  
და ცრემლით დაგტოვ,  
როგორც ტაძარს კათაკმეველი.

გაწილენა

შენ გასურდა ალერსი მარტოლა,  
გართმევენ ნეტავი რისათვის...  
და ახლა უაზრო მარტილა,  
გაცილებს უცნობი გზისათვის.  
ედლევი ლოცვიან სიშორეს,  
მონყენილს თანაბედ დასავით,  
დავკარგე?! უჩოქებ ღვთისმშობელს,  
პასუხი არსაით, არსაით...  
და სულში ნაღველი იღვარებს,  
ვით ქროლვა ულაგმო ცხენების...  
ილამებს, რა ჩქარა ილამებს,  
ალარსად იმედით თენების...  
და გინდა სიმშვიდე მარტოლა,  
გართმევენ, არ ვიცი რისათვის...  
და მხოლოდ გამწყრალი მარტილა  
გაცილებს შორეთის გზისათვის.

ეს ზოლო იყოს...

ეს ბოლო იყოს, მაპატიე, რაც რამ მოგწერე,  
ეხლა ყოველი ამაოა, ბინდით ნაფერი,  
სული მარადი ყინულია და ამის მერე,  
ალარაფერი აღარ კენესის, ალარაფერი...  
შემომხვევიან ტკივილები ყვითელ გველებად,  
მიმაქვს ცრემლებით მონიაღვრე მკრთალი ღანვები,  
აქ კი რჩებიან, იმა დღეთა უკვდავ ხსენებად,  
მწვანე ნაძვები, მარადისად მწვანე ნაძვები  
და მერე, როცა გამიტაცებს მორვეი სევდის,  
სადღაც შეწყდება მრუმე ბედის სრბოლა-დინება...  
ფიქრად ვიელვებ და თვალებით მომაკვდავ გედის  
ჩაგეძინება, აცრემლებულს ჩაგეძინება,

ჩავლიან წლები მოგონებათ ცისფერ ხეივნებს,  
ჭკნობას ნაჰყვება მომზისფერო მაღალი ვარდი...  
და მერე ნანად მიუმღერებ ძილისპირ შვილებს,  
როგორ მიყვარდი, ერთადერთო, როგორ მიყვარდი.  
ეხლა კი მორჩა, ამაოა, რაც რამ მოგწერე...  
ესაა ბოლო მუზათ ლელვა შენგან ნაფერი,  
გული მკვდარია საფიცარი და ამის მერე  
ალარაფერი აღარ მტკივა, ალარაფერი.

გაზაფხულის საპატარძლო

ფერი წმინდა ზეცის ოდეს  
დაეძებდეს დასავანისს,  
ზნე და კდემა შეგშვენოდეს  
დედოფალი ქეთევანის.  
ვისით მანგიც მოხიბლულა,  
ნუთუ მართლა შენ ხარ, ერთა,  
ნუთუ მართლა შენზე თქმულა –  
„მზე შინა და მზე გარეთა“...  
და მთიებად მემრისისა  
მე ვილოცებ მარად გასძლო...  
იყო ყინვათ ნემესიდა,  
გაზაფხულის საპატარძლო.

ლოდოს

მზე ჩასვენია ყვიციან სახეს,  
არ შემოგხედო უფრორე მიჯობს,  
აუჰ! რა წლები ნასულან, ნახე,  
რომ ასაკითაც გაგასნარ ბიჭო...  
ხან ზეციური ჰანგით ვირთვები,  
ხან თალხიანი გამსუდრავს რითმა,  
ჭლექმა კი არა, შენი ფილტვები,  
სისხლჭარბი ლექსის დახეთქა ზვირთმა.

გალაქტიონი – 17 მარტი

იყო მთანმინდის მთვარე,  
დაფნა, სურო და ხვითო...  
ის საიდუმლო მხარე,  
ის შორად ყოფნის სიტკობო...  
მაღალ ღვინოში ვარდის  
როცა ირევა მტვერი,  
ცვრიან ბალახზე დარდობს  
ეფემერული მერი...  
სასტიკს, მძლავრსა და უძლევს,  
დრო ხედავს დანტეს ახალს...  
ვერჰარნს, ძილად რომ უსმენს  
რკინის ბორბლების ხარხარს...  
და ედგა ქვიშის ტრამალს

თ – ს

თ – ს



ქართა უდროო კვენსა...  
როს ედრებოდა გრაალს,  
ლოცვით, თიბათვის მზესთან...  
იყო – ბოჰემა, ბავშვი,  
ნატვრად – ცამეტი ტყვია...  
მაგრამ ერთხელაც მარტში  
სარკმელი დარჩა ღია...

## უსათაურო ზაღები

გიორგი გაჩეჩილაძეს

როცა მზე ყინვებს ამოახველებს  
და ნავა ბალით ძვირფასი ლედი,  
გაეტირება ყვავილთა ხელებს  
დედიშობილა პოეტის ბედი...  
მაშინ ვიხსენებ, შორეულ ჩქამით,  
ანა პერენას მშობლიურ ლივლივს  
და სააპნისო, ალმაცერ ღიმით,  
თხემით-ტერფამდე სიკვდილი მივლის...  
დღეთა დღეობას რჩება სიალით  
გარდასულ წელთა შანდლები ჩალი,  
სადაც ვარდობის ღრმა იდეალით  
უსათაურო ჰყვავოდა ბალი...  
და იყო რალაც ლამაზიც ჩემში,  
რითაც მინიერს არაფრით ვგავდი,  
იადონისფერ ნისლებს ჩქერში  
ნარების ახლოს ვარდებსაც ვრგავდი...  
ინვოდა ბალი ელვის ციურში,  
ქარონის ნარბთა დანახედარი,  
როს ელსინორის ელიზიუმში  
ინვა ჰამლეტის ცივი ცხედარი...  
სადაც დუელში დაშნას თუ ნაგანს  
ადევს სიცოცხლის ალთა ნაზობა,  
ის, შერჩენილი, ლამაზი რალაც,  
თვალდაურული ახალგაზრდობა...  
და ჟამი მალრიბს სადაც ახვედრებს  
მზეს საბარძიმე ღვინით დაფერილს,  
პოეზიაში გულწასულ მხედრებს  
ვხედავ ბაღებში მიმოდაფენილს...  
იქ გეენის გასაოცრება  
გადილმურებს მგოსნეულ ბაგეს...  
დიდ პოეზიას ბადებს ოცნება,  
პოეზია კი სიმალლეს ბადებს...  
და როცა მზეებს ამოახველებს  
ყინვა და ბაღში შემოვა ლედი...  
გადაეგება ყვავილთა ხელებს  
ხელგაშვებული პოეტის ბედი

## ჩემი ლურჯი „დემონები“

რახანია რა ქარია,  
ასეთ ხილვას ვემონები,

ქრის და თავზე დამხარიან  
ჩემი ლურჯი დემონები,  
როცა სული-მარტოსული  
მავსებს სუფთა გემოვნებით,  
ხან უფსკრული, ხან ცადსული,  
მგოსნეული დემონებით,  
ყველა სიტყვა – მოთქმა, მითქმა,  
რაიც მითქვამს ხელოვნებით,  
შურით ლეთას ვერ დაინთქა  
გემოვნების დემონებით;  
ყველა ქალებს – მანგთა დარებს  
საფიცარებს მგოსნის ვნებით,  
არ გავატან მღვრიე ღვარებს  
ლურჯზე ლურჯი დემონებით  
და თუ ცრემლი ჩამომექცა,  
მთვრალი ნურვის გეგონებით,  
სავსე არის ჩემი ზეცა  
ზეციური დემონებით...  
რახანია რა ქარია,  
ამ სტიქიას ვემონები,  
ქარია და აქ არიან  
ჩემი ლურჯი დემონები.

## მე მიწოდებდნენ...

მე მიწოდებდნენ დემონს და გულქვას,  
ულმერთოდ დამგმეს, მიმტრეს, მიშარეს,  
მიშლიდნენ სიცილს, მიშლიდნენ სუნთქვას,  
ლექსი წერა კი ვერ დამიშალეს.  
მე აბლავლებით უნდა ვტიროდე,  
ბედმა იმდარად გამაღუხჭირა,  
სხვას ვკლავდი – მაშინ არ მპატიობდნენ,  
თუ თავს ვიკლავდი – არა უჭირდა.  
მაინც არ ვთხოვდი მე მონყალებას,  
თანახმა ვიყავ ამ განაჩენზე,  
რომ ჩამოეხრჩოთ სულის წვალება,  
რომ ყველა ტყვია ეცადათ ჩემზე.  
ცილისწამება დღისით და ღამით,  
თუმცა ვერაფრით ვერ გამაოცეს,  
დიდების გზები მომირწყეს შხამით,  
გზა ქვესკნელისა ღვინით დალოცეს.  
მაინც ვერ მოკლეს გული ბოლომდის,  
ძარღვებში სისხლი ვერ დამიდინჯეს,  
ვერ გადმაჩვიეს მუზის მოლოდინს,  
კალამზე ფეხი ვერ დამიბიჯეს.  
უნდოდათ მკერდზე შემხლოდა ტალღა,  
აქაფებული და გამრიყავი,  
შუბლს ვერ დაატყვეს შიშისგან დაღლა  
და შევრჩი აწყმოს ის, რაც ვიყავი...  
თუმც მიწოდებდნენ დემონს და გულქვას,  
დამგმეს, დამცინეს, მიმტრეს, მიშარეს,  
მიშლიდნენ სიცილს, მიშლიდნენ სუნთქვას,  
პოეზია კი ვერ დამიშალეს.



შენი მეუღლის თავადის ფიტულს –  
დუელში ვინვევ...  
და იქ ვანანებ...

წერილი №3

„ნეტავი იმას, ვინც თავის სუნთქვას  
შენსა ჩრდილშია მოიბრუნებდეს...“  
ნ. ბარათაშვილი

ო, სამეგრელოს დედოფალო, ჩემგან შორსა ხარ,  
ყოველდღე ხედავ ვარდზე სხივებს რომ იჭერს ნამი...  
გადაკარგულს კი ციება მკლავს, სიცხე მომხარშავს –  
ობოლ სულს ველარ უთანაგრძნობს ნახიჭევანი...

წერილი №4

ვერას მიზამდა განჯის ჰავა, ჩემო კატინა,  
შენ რომ აქ მყავდე... გიგონებ და ენა დამება...  
ამ განშორებამ იცი გული როგორ მატკინა –  
სულ მელანდება მთანმინდაზე შემოლამება...

წერილი №5

„არ დაიჯერებ, თუ ვით სატრფო ხარ“.  
ნ. ბარათაშვილი

დედაქალაქი სამეგრელოს დედოფალს ელის...  
ამბობენ უნდა ჩამობრძანდეს ქუთაისიდან...  
განჯაში ვგდივარ... შუბლზე ტილო მახურავს სველი,  
არადა ტრფობა დედოფლისა როგორ მიზიდავს...

წერილი №6

„შემონახულია ცნობა, რომ პატარძალს –  
ეკატერინე ჭავჭავაძეს ქაშუეთში  
საკურთხეველთან გული შეუწუნხდა...“  
(არქივიდან)

საკურთხეველთან გული შეგიწუნხდა, ეკა,  
თითქოს ქაშუეთის კედლებმაც დაიგმინა...  
წუთით გაირინდა ზარების რეკვა,  
მხოლოდ მნათე ბუტბუტებდა:  
„ღმერთო, ამინ...“  
ალექსანდრე ჭავჭავაძეს სახე გაეყინა –  
სამეგრელოს დედოფალს უმზერდა...  
ჰოი, ტატო, ცხოვრებისგან გარიყულო,  
დარჩენილო საკუთარ მუხებთან...  
სწორის დაკარგვა შეგრჩება ხსოვნაში,  
საყურის თამაში – იდუმალ ნანახში...  
ციება შეგხვდება, განჯაში, ოღრაში  
და ოხრად დაგრჩება სატრფო და ყაბახი...

ჰაჰა ოთარაშვილი

ექვცნება ნიკოლოზ ბარათაშვილის  
იუბილეს – დაბადებიდან (1817წ.  
4(17) დეკემბერი) 200 წლისთავს

ციხლიდან

„ბარათაშვილს გამოაქცა მერანი  
ანუ ტატოს წერილები განჯიდან  
ეხატარინა ჰავჰავაქს“

წერილი №1

აქ უშენოდ ყოფნას ქვია ტანჯვა,  
შუბლს მიცხელებს ნახჭევანის ჰავა...  
რა შორია თბილისიდან განჯა –  
აქედან კი ფიქრით წუთში ჩავალ...  
კატერინა უსასრულოდ გნატრობ,  
დუელში ვთხოვ შენს მეუღლეს – ვერანს...  
ამ ლექსს გინერს მარტოსული ტატო,  
შენთან ატანს თავისივე მერანს...

წერილი №2

„ეკატერინე აქ არის და მისმა საყურის  
თამაშმა გადამრია...“  
ნიკოლოზ ბარათაშვილის წერილიდან

ვერ მიატოვებ სამეგრელოს  
დედოფლის ტიტულს,  
ძვირფას ავეჯით სავესე ტალანებს...



„არ დაიჯერო, თუ ვით სატრფო ხარ...“  
ეკატერინე თავადზე გათხოვდა...  
და ისევ მარტო ხარ...  
და ისევ მარტო ხარ...

### წერილი №7

ო, კატერინა, ჩემო ეკავ, ჩემო კატინა,  
იასამნებით მოჩითული გახსოვს აპრილი?...  
ჩემმა განჯაში გამგზავრებამ გული გატკინა,  
თუ თვალს შეაშრა მოლოდინი – ცრემლად დაღვრილი...  
გახსოვს თბილისი? როგორ ჩანდა იმ სიმაღლიდან –  
ვუმზერდით სიონს, ნარიყალას ბებერ გალავანს...  
და რა ვიცოდი უშენობა ასე დამლლიდა,  
სხვებივით ვცოცხლობ და ამ ქვეყნად თითქოს არა ვარ...  
ნეტა გადარდებ თუ ქმრის მკერდზე ტკბილად კრუტუნებ...  
თუ უპეები ამოგივსო ჩუმმა ლოდინმა...  
ეკატერინე, ჩემო ეკა, ჩემო კატინა –  
ისევ გეძახი... განჯაში ვარ... ჩემთან მოდი, რა...

### წერილი №8

შენ ალბათ ისევ ლოტოს თამაშობ,  
არ გამოდიხარ ვიცი ჩრდილიდან...  
თუმცა მაგ კაბის ლამაზ მარმამებს  
ჩემი სიზმრები შემოივლიდა...  
აქ ნახჭევანში ქარი ქრის ცივი  
და ავაზაკებს ყოველდღე დავდექ...

სული ობოლი უშენოდ ტირის,  
ლოცვა-ლექსები თუ აღწევს ცამდე?...  
განჯაშიც ცივა და მალარია  
თითქოს სხეულში წვიმად იცრება...  
ჩემი ლექსები თქვენი ვალია –  
დაბრუნებული კუბოს ფიცრებად...  
კატინა, ვიცი არ დამივიწყებ  
და ჩვენს სიყვარულს ატარებ გულით...  
გაგახსენდება ჩემი სიფიცხე  
პოეტი – ბედით დალდადაგული...  
უკვე ზეცაში ავდივარ ეკა...  
თრთოლვით ტოვებენ ხელებს ხელები...  
ქართულ ტაძრების ზარების რეკვას  
კვლავ მთანმინდიდან მოვეფერები...

### ჭაჭოს წერილი №9

მივყარხარ... მაგრამ კვლავ ვტოვებ ტფილისს,  
ისევ მომელის წყეული განჯა...  
მიმყვება საგ ზლად ქართული ხილი  
და ცხენებისთვის ქერი და ნამჯა...  
ნავალ და ვინმეს ვემახსოვრები?  
ან ჩემი ლექსი მოძმეს უშველის?  
გონჩა-ბეგუმის ქმარის მსტოვრების  
მესმის ყბედობა – თანაც უშვერი...  
ეჰ, ეხლა მხოლოდ შენ მედარდები,  
შენ უპატრონე ჩემს ეულ პნკარებს...  
ვიცი, უეცრად გავავადარდები  
და მთანმინდაზე კვლავ ვინანკარებ...

### ჭაჭოს წერილი №10

მე მიმატოვა განჯაში ყველამ,  
ალარც ვახსოვარ გენერალ ბიძას...  
დუქანში პური გავტეხე ხმელი,  
თუთუნის ბოლი კი თვალებს მიწვავს...  
ეკატერინე თუ გახსენდები...  
თითქოსდა ღრუბლებს მივყვებით ქარში...  
მიკვნესის სული – სახვე სევდებით,  
შენ მარადიულ დედოფლად დამრჩი...

### წერილი №11

თათბირზე ვზივარ... ალიაქოთი  
მიბრუებს თავს და გონებას აზელს...  
შენ კვლავ ერთობი ალბათ ბანქოთი  
თუ ჩემზე ფიქრობ კვლავ Mademoiselle...  
ყაჩაღებს ისევ განჯაში დავდექ  
და მენატრება შენთან ამური...  
ჩემი ლექსებით ავდივარ ცამდე,  
მაგრამ ვეცემი მინას ხმაურით...



ნერილი №12

ავონიაში მყოფი ტატოს ნერილი  
ეკატერინე ჭავჭავაძეს

ნვიმის ხომ არ გეშინია, კატრინ,  
ლამის ხომ არ გეშინია, კატო...  
გაგაჩნია რა ღვთიური მადლი –  
აქ განჯაში ყოველდღე რომ გნატრობ...  
აქაც ლამის ჩამოიქცეს ზეცა,  
მე კი ცაში ყაყაჩოებს გიკრეფ...  
მტკვართან ვდგევარ, რომ იცოდე მეცა,  
ისე სწრაფად გამოვყევი ფიქრებს...  
ვერ ვიძინებ... ვწრიალებ და გდარდობ,  
გევედრები ძველებურად მენდე...  
ტფილისში ხარ?.. რას აკეთებ ამ დროს,  
ნეტა როგორ უმკლავდები სევდებს...

მთავარანგელოზ რაფაელს შევთხოვ,  
რომ მომაცილოს ამ წყეულ განჯას...  
კვლავ მელანდება ყაბახზე ვერხვი –  
რიჟრაჟზე თრთვილის რომ ისხამს მარჯანს...  
შენ დედოფლური სევდით ირთვები,  
მოვალეობის მძიმე ხარკი...  
დატყვევებულა ბეჭდით თითები,  
პირჯვრის ნერთაც ვერაფერს არკვევს...  
შენთან შეხვედრა ისევე მწყურია  
და ჩინოვნიკის მბოჭავს მუნდირი...  
კატრინ, მივდივარ... დასასრულია...  
და დასასრული არის... მუდმივი...

ნერილი №13

მოძაკვდავი ტატოს ბოლო  
ნერილი  
1845 წ. ოქტომბერი

მთელი ცხოვრება ნამდვილ სიყვარულს ვეძებ,  
დედას ვუყვარდი... ცაში წავიდა... გაქრა...  
ჩემი ოცნება ღრუბლისგან გამოვძერწე –  
ბაზალეთის ტბა... ყაყაჩოების აფრა...  
ნეტა ბოლომდე ჩემს გულისტკივილს იგრძნობს,  
ან მე გავიგებ მისი სიმების ჟღერას?  
იქნება ღამე კვლავ გაგაგონო ვინძლო,  
ჩემი ლექსების ანდამატური ბგერა...  
მე მიმატოვა ამქვეყნად ყველა ქალმა:  
X-მა, Y-მა, Z-მა, α-მ თუ β-მ...  
კატრინ, დამბუგა ამ სიყვარულის ალმა –  
ნახჭევანიდან შენსკენ მოექრევიარ კენტი...  
მითხარი, კარგო, გზაში ციება მომკლავს,  
თუ კვლავ ვიხილავ დედოფლის რძისფერ მკლავებს?..  
წუთისოფელი – ვისთვის სიზმარზე მოკლე,  
როცა ობოლ სულს სიყვარულისთვის კლავენ...

ვკვდები, კატინა...  
ვაგლახ რომ ვკვდები...  
განჯის ქუჩებიც მიაქვთ ყაჩაღებს...  
ორბელიანთა ღამაში დების  
ნაზ ღიმილს ვინლა შემომაჯახებს...  
დამიტირებენ შენი თვალები  
თუ გამწირავენ ქმართან მალულად...  
ეკა გიკვდები... არ გებრალეები,  
სიკვდილი უკვე შემოპარულა...  
შავი ყორანი გამითხრის საფლავს –  
28 წლის ვარ... ჩემი ბედისა...  
.....  
პოეტის შუბლზე დაფენილ დაფნას  
სამშობლოს მინა გვიან ეღირსა...

ნერილი №14

მადარდიანებს მონატრება – უცეცხლოდ რომ მწვავს,  
განჯაში ვგდივარ... აქ ვერ ვიგებ ტფილისის ამბებს...  
ფოსტალიონი ძველ გაზეთებს მომიტანს როცა  
გისხენებ კატრინ და ვინყველი ობოლი თავ-ბედს...  
ეკლესიაში რომ ყოფილხარ – ვილაცამ მითხრა,  
ჰო, ტფილისელი პორუჩიკი შემხვდა დუქანში...  
კვლავ მომაგონდა ქაშუეთი... მაგ ტანის მიხვრა...  
ნარდი ყაბახზედ და ზედიზედ ორი დუ შაში...  
რა ვქნა, უშენოდ რომ სიცოცხლეს არა აქვს აზრი  
ან ტყვია მომკლავს ყაჩაღისა ანდა ციება...  
გუშინ უფროსი ჩამოვიდა – ტიალი მაზრის...  
ერთი მაგისიც...  
შენგან ვითხოვ კვლავ პატიებას...





ნაა ჯავახიშვილი

გვირილა

ხან ჩაიქირქილა ქარმა, ხან იცინა,  
 პასუხიც ვერ გამცა, „ხო“-ცა და „არა“-ცო  
 და მერე გვირილამ გამანდო იცი რა?  
 ნუ დარდობ, უყვარხარ, ძალიან თანაცო.  
 სანვიმარ ღრუბლებს მზე თვალებში მისხამდა  
 და უცებ გვირილამ ღიმილით ამავესო,  
 სიყვარულს გული გრძნობს, უსმინე მის ხმას და  
 რას უსმენ ნეტავი ქარს ჭორიკანასო.

\* \* \*

ფეხზე მკიდა ქარები და  
 ღრუბლები ლეგა,  
 ისე დაგქრიან, თითქოს ქერის  
 ყანა ეთესო,  
 მადლობა ყველას, ვინც ოდესმე  
 ნახვედით ჩემგან,  
 მადლობა ღმერთს, რომ ისევ ველი  
 საუკეთესოს.  
 ჩემთვის სამყაროს არც სასრული,  
 არცა აქვს კიდე,  
 ის არ ვარ ვინც ვერ გამოსულა  
 ყოფის ნესტიდან,  
 ქუჩაში ნაგდებ გაღიმებას  
 ხელს არა ვკიდებ,  
 მისი ღიმილი უნდა მოვხსნა  
 ევერესტიდან!

\* \* \*

ცოტაც მარტოობა გადაივლის,  
 ნავა მონყენილი ქუჩები,  
 კოცნად შემოგინთებ იმდენ იენისს  
 ნყურვილს ვერ იკლავდეს ტუჩები.  
 ცოტაც გაგაგიჟებ მარტივით და  
 ავრევთ თებერვალის სარეცელს,  
 დაგლლი მოფერებით, ისე დაგლლი  
 თვალი არავისკენ გაგექცეს.  
 ცატაც და შენს სუნთქვას ნამაისევს,  
 ტანზე ვარდებივით მოვიბნევე,  
 ნიავს ოქტომბრისას გავაჭენებ  
 და შენს ნოემბერსაც მოვირბენ.  
 მერე დეკემბერი, იანვარი,  
 ნისლის გავიშალოთ ნაბადი,  
 ტანზე გადვიფაროთ ღრუბლები და  
 ფეხზე გვკიდა თუ დაგვბარდნის.  
 მზე რომ ივლისივით გაგვიღიმებს,  
 მთელი დედამიწის გრაალი,  
 განა სიყვარული სხვა რამეა?  
 ხვატი აგვისტოსიც რა არი,  
 როცა გულში ცეცხლი გიკიდა  
 იად ამოპენტილ აპრილის,  
 შფოთავს სექტემბერი, შფოთავს როგორც  
 ჩვენი სიყვარულის ნაპირი.  
 ცოტაც, მონატრებას გაგუძლოთ და  
 როცა გამოვძვრებით თოვლიდან,  
 ერთად მეცხრე ცაზე მივანეროთ  
 „ჩვენი გაზაფხულიც მოვიდა“!

\* \* \*

ციდან ოცნება ყველა ავყარე,  
 იხეტილონ ახლა ქარებში,  
 ჩემი ღიმილი ვერ შეგაყვარე  
 ვერ ჩაგიგუბე სხივი თვალებში.  
 განელდა გრძნობა წვიმაში, ქარში  
 და თავისთავად გზებიც გაიყო,  
 ხელში გეჭირა კონკიას ქოში,  
 ის ჩემი ქოშის ცალი არ იყო.

\* \* \*

ცხოვრება ასეა იავდრებს, იგვალვებს,  
 მკაცრია, ნუ ელი იმისგან „ფილიებს“,  
 ძლიერნი უსიტყვოდ ხვდებიან გრიგალებს,  
 ნკაენკავი სჩვევიათ სიოზეც ფინიებს.  
 ჩაივლის მდინარე წმინდაა თუ მღვრიე,  
 ვინც იბრძვის ის იგებს, ისიც ვინც ითმინა,

თუ გინდა რომ იყო ლიდერი უღრინე  
სისუტეს, თუ არა იყავი თრიტინა.

\* \* \*

მითხარი როდის შეგიფარვივარ,  
როცა მეხვია ღრუბლები ლეგა,  
გავიწყდებოდა, რომ მეც ქალი ვარ  
და მოფერება მინდოდა შენგან.  
მარტო სიტყვები სულს ვერ სცდებოდა,  
სხეულს სურვილის სხვა ცეცხლიც ენთო,  
უკვე განსაჯა დრომ ვინ ცდებოდა  
შენ ნახვედი და მეშენს ლანდს ვერ ვთმობ.  
ეს გზა წვიმებმა ბერჯერ დანამა,  
აქ მიყვარს მოსვლა, აქ დროს ვაჩერებ,  
სხვა იქნებ გკოცნის ჩემზე თამამად  
ასეთი გრძნობით? ვერ დამაჯერებ.  
დღეს ბედნიერის თუ ნილაბს ვირგებ,  
ქარებს ვუმალავ სევდის მანტიას,  
როდისმე წასვლას ალბათ გაგიგებ,  
არ მინდა თქვა რომ ვერ მაპატივა.

\* \* \*

მზე იცინის, გაზაფხული  
გული ფეთქავს იაში,  
რაკრაკებენ წყაროები,  
რაც კი გზა-გზა სმენიათ,  
ისევ ისე დაკარგული  
ვარ ჩემს უტოპიაში,  
რა გახდა ეს სიყვარული  
ველარ მოუსვენია.  
ცა სულ გადავიზებირე,  
ვარსკვლავებიც დავთვალე.  
ლაყვარდებმა ვერ მოლაღეს  
ყმანვილური ის ფრთები,  
ცხვირზე წამოსკუპებული  
ვერ მაღინჯებს სათვალე  
და ცხოვრებავ ახლა უფრო  
მეტად მევარდისფრები.

\* \* \*

ხან სევდა მომეძალება,  
ირყევა ფიქრის ქანები,  
რატომ დადიან ცალებად  
ნეტავ პოეტი ქალები.  
გინდა ცრემლებში იტბორონ,  
არჩეულ გზას არ იცვლიან  
და მარტოობენ მიტომ, რომ  
მათ სიყვარული იცინა.

გზა არ ჩანს ნისლების ქაფებში  
და წვიმა მთელ სხეულს მილოშნის,  
შევდივარ მომდევნო კაფეში,  
რომ ეს დღეც ჩავახრო ღვინოში.  
თეთრ ვარდებს ჰყიდიან ბოშები,  
ვილაცაც არიგებს მოსანვევს,  
ილევა დათვლილი გროშები,  
„ბარმენი“ მთავაზობს მოსანვევს.  
სუნი დგას მყრალი და ჰაერი  
მეხება ბინძური ტუჩებით,  
სასმლის და თამბაქოს ნარევით  
ყირაზე გადადის ქუჩები.  
ზედიზედ სიგარეტს ვუკიდებ,  
წვიმით თუ ცრემლებით ავივსე...  
და ერთი ვარდი მეც ვუყიდე  
სიყვარულს, შენ რომ არ მაღირსე.

\* \* \*

პატარ-პატარა ბორძიკები  
არ ღირს ნუნუნად,  
მოფერებას ჰგავს ქარის მერე  
ღარტყმა ნიავის,  
არ ვიცი, იქნებ დავიბადო  
შემდეგ წრუნუნად,  
მაგრამ ახლა მე გზას გავდივარ  
ადამიანის!  
ფეხს თუ წამოვკრავ, მადლს ვუტოვებ  
მე მაინც იმ ქვას,  
სიკეთეს ასხი ხეს ფოთლებად,  
ერთიც არ ხმება,  
ძნელია ეს გზა, უძნელესი  
სჯობს ასე ითქვას,  
ადამიანად ვინც იცხოვრა  
დამეთანხმება.

\* \* \*

სხვა ცას არ ამოვფარვივარ,  
თუ წაველ, დავალ უცაო,  
შენთვის მე ისევ ფარი ვარ  
სხვაგვარ მაცოცხლა ნურცაო.  
არ გამიცვლიხარ ფიქრითაც,  
სამოთხეც მომცენ, არა გჯობს,  
ამ ცხრა მთა, ცხრა ზღვის იქითაც  
მე დარიალთან გდარაჯობ.





თაა თაბაგარი

„არაფერია“

აქ ფერწერული ტილოები ჰგვანან ვიტრინებს, დამთვალე რებლებისათვის მყუდრო სივრცეა, დიდ შერძნებებსაც დავინყება გააციმბირებს არსებულს იქით, სადაც უკვე ბუდობს სიკვდილი.

არაფერია, - ამბობ ასე, ვითომ მარტივად, და ჩემს თვალებში შენს საკუთარ სულს უღრმავდები, ვარსკვლავებისგან იკვეთება მთვარე მარტვილი, როგორც გუშინნინ, ან შარშანნინ, უცებ ღამდება.

მერე წამებზე იცვლებიან საუკუნენი, აღარცერთს ერჩი, კარგად იცი, დროა მეძავი, გბორკავს სხეული, სენს რომ არქმევ განუკურნებელს, მაინც თავს აღწევ აპათიებს, როცა მეძახი.

ღრუბლის ქანები ცის გულ-მკერდზე ვნებებს ლენავენ, ყოველ მათგანს კი, შენ უდგახარ იქვე თავდებად, ღებავ სიმშვიდეგამორეულ ფერებს, მენამულს, და ყველა შენი სინანული მყისვე მთავრდება.

ფერმკრთალ ღანვებზე მაკვირდები და მიაღერსებ, წამნამებს ცრემლი ებჯინება, მაგრამ არ ვტირით, შენ მპირდები, რომ აღარასდროს დამინერ ლექსებს, არაფერია, - თვალებს ვხრი და ვამბობ მარტივად...

და ფერწერული ტილოები ჰგვანან ვიტრინებს.

არ მკითხო

მკითხე, ჩემი თვალები  
ფერს თუ იცვლის ხანდახან,  
ანდა სული ქარებმა  
როგორ დამიავადეს,  
(მწვანე ოცნების ველი  
ასე რატომ გადახმა),  
ან რის ფიქრში ვატარებ  
მარტოობის საათებს.

მე ვიქნები გულწრფელი,  
რა თქმა უნდა, ძვირფასო,  
და ჩვეული სიმშვიდით  
გამოგინვდი პასუხებს,  
მკითხე ყოველ წვრილმანზე  
და ვეცდები ძირფესვი-  
ანად გითხრა, რა მტკივა,  
მახალისებს, მანუხებს.

მკითხე, თუკი რამ გინდა  
ჩემ შესახებ გაიმბო,  
ჩამითვალე თუნდ ბავშვურ  
ახირებად, კარგი, ჰო...  
(ბანალური ვიქნები -  
ყველა განცდა მიაქვს დროს),  
ოღონდ, მონატრებაზე  
არაფერი არ მკითხო.

პოეტს

ჩემო პოეტო, უშენობას ველარ გავუძლებ,  
ფიქრი გზის პირას დავაფინე და ზედ დავდივარ,  
შენ მოხვალ, ალბათ, ამალღების დღესასწაულზე  
და ფეხაკრეფით ამომიყვან ჩემი დარდიდან.

მანამ კი, ამ სულს სიცივისგან ჟრჟოლა დაუვლის,  
ბოლო ფიფქი რომ დაადნება თითის ბალიშებს,  
მაგრამ იმედი გადარჩება მაინც და გულიც  
გამოიდარებს, გაზაფხული თავს რომ აიშვებს.

ატმის კვირტებს რომ მზე სხივებით თმას შეუღებავს  
და ტირიფები მოქარგავენ უმწვანეს ფარდას,  
შენ მოხვალ ჩვენი მარტოობის დასასრულებლად  
და შენთან ერთად დამაბრუნებ საკუთარ თავთან.

უინსტრუქციოლ

სასიმღერო

შენ მაძლევ ინსტრუქციას,  
თუ როგორ დაგივიწყო,  
მე ვიცი, თეორია  
რომ უფრო იოლია,  
დრო გავა და ტკივილიც  
ჩაცხრება, გაივლის, ჰო,  
ეს არის ნუგეში და  
ერთგვარი ირონიაც.

ისეთი ჰაერია,  
უთუოდ ჩამოთოვა,  
სადმე, მთის კენწეროზე,  
მთვარეც კი მოჰგავს გუნდას...  
სახეზე აშკარაა  
ლიმილის ნაკლებობა,  
თუკი რამ ნატვრასავით  
ტკბილი არ მომაგონდა.

მერე კვლავ გრძელდებიან  
უკუნი ღამეები,  
ზამთარი ძალაშია,  
რას ვიზამ, ვეგუები,  
და გული სისხლდარღვებში  
იღვრება გამეტებით,  
და თვლემენ ერთგულებად  
ქცეული ბელურები...

ქარი უკოცნიდა ხეებს ტანს,  
მზერას გარიდებდი სახიდან,  
ან რა მაფიქრებდა მეც, ნეტავ,  
რომ ეს სიახლოვე არ ღირდა.

შფოთვით მიდიოდნენ დღეები,  
განცდებს ვაცილებდი ფანჯრიდან,  
მსურდა დავიწყება, მერე კი,  
გულის მობრუნება დამჭირდა,

რადგან გამიჭირდა გაძლება,  
ან რა მაცოცხლებდა უშენოს,  
სუნთქვა დამინმინდეს ნაძვებმა  
ღმერთმან ჰოეზიას უშველოს.

მართლა მიაშებდა ტკივილებს,  
სულსაც მიმშვიდებდა ხანდახან,  
ზოგჯერ, სასჯელადაც მივიღე  
შვება, რომელიც მას თან ახლავს.

ქარი კვლავ უკოცნის ხეებს ტანს  
და მეც ურუანტელი მერევა,  
შენი სიახლოვე ამიტანს,  
სხვები რას იტყვიან,  
მერე რა.

ზედმეტის შედეგი

შენ ანუ უშენობას

ისევ მიაშებ რამე სულის უკვდავებაზე,  
მიმახლოვე ღმერთს, რომელსაც ყოველდღე ვკარგავ,  
თორემ ისე ვარ, ამ შეგრძნებით უკვე ველარ ვძლებ -  
რომ არაფერი იქნება კარგად.

ხეებს შიშველი იარები მოუჩანთ ქარში,  
ჰაერი თეთრი სასნაულის მოვლენას ელის  
და ვდგავარ, თვალუბნანვიმარი მოხუცი ბავშვი -  
ცისკენ აწვდილი ორივე ხელით.

ნურაფერს მეტყვი იმ დღეებზე, რომლებიც გვექონდა  
და აღარასდროს დაბრუნდება, მაგრამ ჩვენია,  
მე სიყვარული მომივიდა ზედმეტი, ჰოდა -  
ტკივილის გარდა, რა დამრჩენია...

ზოგჯერ, იქ იწყება, თურმე, რომ გეგონა დამთავრდა,  
ცოდვით დაცემას ჰგავს ახლა ეს დაცემა მუხლებზე,  
სიტყვა არ დამიძრავს, სუნთქვაც შევიკარი, მაგრამ რა -  
შენკენ გამოქცეულ ფიქრებს ველარაფერს ვუხერხებ.

ქარმა ცა დატოვა ერთი ციდა ღრუბლის ამარა,  
ღამით მარტოობამ თავი უფრო მძაფრად იჩინა,  
მეტად გართულდება აწი უშენობის დამალვა,  
ბგერებს, დავიწყების მსგავსი, მორევით სიჩუმე.

თავქვე გამირბიან გზები, ჩრდილს დავყურებ უძრავად,  
ისევ მოთმინება მცდის და მეც ვაბარებ გამოცდას,  
მაგრამ რით ვუშველი, როგორ გადავარჩენ, ვუზამ რას -  
შენკენ გამოქცეულ ამ სულს, სხეულსაც რომ გამოსცდა.



## თამაზ ნიალაური

N-ს

შენგან შორს მყოფი და მარტოსული  
შენს სილამაზეს ვუმღერ მზისფერო,  
მინდა, ლექსები შენთან მოსული  
მარგალიტებად რომ შეიფერო.

ეს მონატრება სულზე თბილია  
მგონის გულში და სისხლში მცურავი.  
ჩემი ლექსები მზის მანდილია  
მზისფერ ასულის თავსაბურავი.

ეს ჩემი გრძნობა ტრფობის მითია  
შენს სილამაზეს რომ სცა თაყვანი,  
ჩემი ლექსი კი მარგალიტია  
შენს ბეჭდის თვალში ამოსაყვანი.

ჩემი განცდები ხან ცის ნამია,  
ხან გაუშლელი ვარდის კვირტები.  
ჩემი ლექსები ყელსაბამია  
შენს ბროლის ყელზე დასაკიდები.

ეს სიყვარული უფრო ნაზია  
ვიდრე აპრილის სიო ნატრული,  
დღეს ყველა ლექსი ფიანდაზია  
შენს სავალ გზაზე მიმოფანტული.

ეს მონატრებაც უფრო თბილია  
მგონის გულში და სისხლში მცურავი.  
ჩემი ლექსები მზის მანდილია  
მზისფერ ასულის თავსაბურავი.

N-ს

ან მანდვე დარჩი, ან ნამო,  
დამწვი გრძნობების ლადარში,  
როდემდე უნდა მანამო  
ქარში, დარში და ავდარში?!  
ჩემს უმწეობას განვიციდი,  
ვერ შეგიძულე ძალათი,  
შენ რა დაგარქვა, არ ვიცი  
ქალი, ქაჯი, თუ ჯალათი.  
სიცოცხლის წყარო დამიშრე,  
სუნთქვაც დამიხშე სიოსი,  
სიკვდილის გზა მიმანიშნე  
შავბნელი საიქიოსი.  
შენთან უდაბნოს მზე მწვავდა,  
რავი რა ცეცხლით მდაგავდი?!  
არ ვიცი, შენ რა გენადა,  
შენ გამო ჭკვას რომ ვკარგავდი.  
არ ამისრულე სურვილი,  
არ მირიჟრაჟე ცისკარი,  
შენს გვერდზე შენი წყურვილი  
ვერა და ვერ მოვიკალი.  
ან მანდვე დარჩი, ან ნამო,  
დამწვი გრძნობების ლადარში,  
როდემდე უნდა მანამო  
ქარში, დარში და ავდარში?!

## ზიძინა ჩოლოყაშვილი

ქართული სულისკვეთებით  
ცეცხლი ავანთე ომისა,  
ცას ძრავდა ჩვენი კვეთებით  
ზრიალი ბახტრიონისა.  
ხმალი ხევსურეთს ნაჭედი  
წიოდა, მეხად ელავდა,  
ო, იმ დღეს ჩემი კახეთი  
მთელ სპარსეთს გადაქელავდა...

## ბერი თევდორე

მარტო ვიდექი მომხდურთა შუა  
მეფის გაცემას მთხოვდა მზაკვარი,  
რა მექნა, მაშინ რომ არ მეცრუა,  
არ ამერია მტრისთვის გზა-კვალი.  
მომკლეს, მოწმეა ის ღამე ბნელი,  
წავედი, სადაც ღმერთი ჰგიებდა.  
ვიცოდი, მწამდა, რომ ღვთისმშობელი  
იმ ერთ სიცრუეს მაპატიებდა.

ბექა ზამთარაძე



ექა ზამთარაძე დაიბადა 2002 წლის 9 აპრილს. სწავლობს თბილისის კორნელი კეკელიძის სახელობის 29-ე საჯარო სკოლაში. დაჯილდოებულია დიპლომებით და სერთიფიკატებით საერთაშორისო კონკურსებსა და პროექტებში მონაწილეობისათვის. მისი შემოქმედება ქართულ პერიოდულ გამოცემებში იბეჭდება 2014 წლიდან. 2017 წელს მთარგმნელთა კონკურსში წარმატებისთვის დაჯილდოვდა სიგელით. ლექსებსა და ჩანახატებს წერს როგორც ქართულ, ასევე ინგლისურ და რუსულ ენებზე. მისი გატაცებაა: სპორტი და ნიგნები. არის წარმატებული რაგბისტი.

ვახტანგ გორგასლის პოლიტიკის ფსიქოლოგიური ანალიზი

ვახტანგ გორგასლის შესახებ ინფორმაციას ვეცნობით ჯუანშერ ჯუანშერიანის თხზულებიდან „ცხოვრება ვახტანგ გორგასალისა“. ამ ნაწარმოების თაობაზე ისტორიკოსთა აზრი იყოფა, ზოგს ავტორი XI საუკუნის მოღვაწედ მიაჩნია, ზოგიც თვლის, რომ ის VIII საუკუნეში ცხოვრობდა, ზოგსაც ვახტანგის თანამედროვე ჰგონია. აზრთა სხვადასხვაობა როგორც არ უნდა იყოს, ცხადია, რომ მეფის შესახებ სრულ და ამომწურავ ცნობებს სწორედ ეს თხზულება იძლევა. თუმცა ისიც აღსანიშნავია, რომ ვახტანგის დაბადებისა და გარდაცვალების თარიღებზე დღემდე ვერ შეთანხმებულან მეისტორიენი. ჯუანშერი თხრობას ვახტანგის მშობლებით იწყებს, ის მირდატისა და საგდუხტის შვილია, მათ სამი შვილი ჰყავთ: ხვარანძე, ვახტანგი და მირანდუხტი. ვახტანგს მამა შვიდი წლის ასაკში გარდაეცვლება. ამ დროისათვის ქართლს რეგენტის უფლებით დედამისი განაგებს, რომელიც აღმოსავლეთ ამიერკავკასიის მარზპანის, ბარზაბოდის ქალიშვილია. დედოფალს სწორედ ის ეხმარება სამეფოს მართვაში, ანუ ქართლი ამ დროისათვის სპარსეთის ექსპანსიას განიცდის. ასევე ხშირია გადამთიელთა შემოსევებიც, მეისტორიე გვაუწყებს, რომ ვახტანგი როცა 10 წლის იყო, ქართლში დარიალის გზით შემოიჭრნენ „ოვსნი“, მათ მრავალ უბედურებასთან ერთად ვახტანგის და მირანდუხტის გაიტაცეს კასპის ციხიდან.

თუ უცხოურ წყაროებს დავეყრდნობით, ბიზანტიელი დიპლომატის, პრისკე პანიონელის, თხზულების ფრაგმენტში ეს მოვლენა 448 წლით თარიღდება. V საუკუნის სურათი ასეთია: აღმოსავლეთ საქართველოში სპარსეთი მძვინვარებს, ხოლო დასავლეთი ბერძნებს აქვთ ანექსირებული. ბიზანტიამ ეგრისის ტერიტორიები ეგრისის-წყლიდან ციხეგოჯამდე მიითვისა და სწორედ მისი ხელდასმით ხდება მეფედ კურთხევა. ვახტანგის გამფების შემდეგ, მისი მთავარი მისია ქვეყნის გაერთიანება და დამოუკიდებლობაა. გორგასალმა თავისი მიზნის განხორციელება სპარსეთის ომიდან დაბრუნებულმა დაიწყო. 459-484 წლებში სპარსეთი ჰუნებს ებრძვის. ჰუნები კიდარიტები (მათი მეფის კიდარას მიხედვით) თოხარისტანში, ირანის აღმოსავლეთით მოსახლეობდნენ. მეფე ვახტანგი 466 წელს უნდა დაბრუნებულიყო ქართლში, როცა ამიერკავკასიაში ჩრდილო-კავკასიელი მომთაბარეები გამოჩნდნენ. მეფის საზრუნავი გადამთიელთა დამორჩილება და „ივერიის კარის“ (დარიალანის) აღება იყო. რადგან სპარსეთისათვის ძალიან მნიშვნელოვანი იყო ამიერკავკასიაში გადმოსასვლელი ზეკარების კონტროლი, ვახ-

ტანგი ამ გარემოებას თავის სასარგებლოდ იყენებს. დარიალის ხეობაში გამართული დიდი ბრძოლა ვახტანგის გამარჯვებით მთავრდება. გორგასალმა სტრატეგიული ჩანაფიქრი განახორციელა და დაიმორჩილა „ოვსნი, ყივჩაღნი, შექმნა კარნი ოვსეთისანი („დარიალან“ ირანულად ოსეთის კარს ნიშნავს), ალაშენა მას ზედა გოდოლი მალაღნი...“ ამ ბრძოლის დროს მეფემ დატყვევებული და გამოიხსნა.

ვახტანგმა ჩრდილოეთიდან ქართლის უსაფრთხოება უზრუნველყო. დაიმორჩილა რა ჩრდილო-კავკასიელი, იქიდან დასავლეთში გადავიდა ქლუხორის გზით („გზასა აფხაზეთისასა“). აფხაზეთიდან ის ეგრისში შედის. ამ დროს, როგორც ზემოთ აღვნიშნეთ, ეგრისს ბიზანტია განაგებს, ეგრისის მეფე გუბაზი მათ უჯანყდება, მას იმპერიისგან დამოუკიდებლად თავის თანამოსაყდრედ შვილი აჰყავს ტახტზე. ეს აჯანყება ეგრისელების მარცხით მთავრდება. გუბაზი შვილის სასარგებლოდ თმობს ტახტს. როგორც უკვე ვიცით, მათი დაპირისპირების მიზეზი ტერიტორიებზე პრეტენზიებია, ბიზანტიამ 465 წლის ომის შემდეგ ეგრისს ჭანეთის ზღვისპირეთიც წაართვა და საზღვარი ხუფათის ციხესიმაგრესთან დაუდო (ახლანდელი ხოფა, თურქეთი). ეგრისში ამ ვითარების შესახებ მოგვითხრობს პრისკე პანიონელი. როგორც აღვნიშნეთ, 465 წლის ომის შემდეგ ბიზანტიამ მნიშვნელოვნად გაზარდა გავლენა ეგრისზე. ამ პერიოდში სვანებსა და ლაზებს შორისაც დაძაბული ურთიერთობაა, სვანები სპარსელებისა და იბერიელთა დახმარებით ლაზების წინააღმდეგ იბრძვიან 466-468 წლებში. ლაზებს მხარს უჭერს ბიზანტია. ვახტანგმა დასავლეთ საქართველოში არსებული კრიზისით ისარგებლა. მისი ინსპირირებულია ლაზები-სადმი სვანების დაუმორჩილებლობა. გორგასალმა დაიპყრო აფხაზეთის ციხე-სიმაგრეები ციხეგოჯამდე, ანუ მან მთელი დასავლეთ საქართველო შემოიერთა. მეფემ მთავარი მისია შეასრულა – ქვეყანა გააერთიანა, ეს პროცესი 466 წელს დაიწყო და 469 წლისთვის დაასრულა. ცენტრალიზებული სამეფო საერისთავოებად დაჰყო. მის საერისთავოებში სახელდება: შიდა ეგრისის, სვანეთის, მარგვეთის და თაკვერის. დასავლეთ საქართველოს ჩრდილო-დასავლეთი საზღვარი კელასურზე გადიოდა, რადგან აფხაზეთი ბიზანტიის საზღვარი იყო (აბაზგია ბიზანტიის პროვინციად მოიაზრებოდა), ვახტანგმა ის იმპერიის სასარგებლოდ დათმო.

ვახტანგი ბიზანტიის წინააღმდეგ ირანის მოკავშირეობას იყენებს და სამხრეთ-საქართველოს მიტაცებულ ტერიტორიებს იბრუნებს: კლარჯეთი, აჭარა, სამცხე, არტაან-ჯავახეთი. ქვეყნის ეს ნაწილი ბიზანტიას 100 წლის განმავლობაში ჰქონდა ანექსირებული. გორგასალი როგორც დასავლეთის, ისე აღმოსავლეთის საზღვრებს აფართოებს და ქართლს ცენტრალიზებულ სახელმწიფოდ აყალიბებს. აღმოსავლეთ პერიფერიებში, ჰერეთი-საერისთავოდ გამოაცხ-

ადა. დაჩის საუფლისწულოდ ალაზნის გაღმა მხარე, კამბე-ჩოვანი და შიდა ქართლის ნაწილი მისცა. მან ქართლს დაღესტნის მთიანი ნაწილი ნუქეთიც შემოუერთა. ქართლის საზღვრები გადაჭიმული იყო სამურის სათავეებიდან „ზღუამდე სპერისა“ და ხუნანიდან კლისურამდე (მდინარე კელასური). მთელი ქვეყანა, როგორც უკვე ვიცით, დაყოფილი აქვს 9 საერისთავოდ ანუ სასპასპეტოდ. ჯუანშერი „ვახტანგის ცხოვრებაში“ მოხსენიებულია ქართლის სპასპეტად (სწორედ ეს ჯუანშერი მოიაზრება თხზულების ავტორად ზოგიერთი ისტორიკოსის მიერ), რომელსაც ემორჩილება დანარჩენი საერისთავოები, ხოლო ეს უკანასკნელი (საერისთავო) „ხევების“ ერთობლიობას წარმოადგენს, სამხედრო ადმინისტრაციულ ერთეულს, დამყარებულს ლაშქრის პრინციპზე.

ქვეყნის კონსოლიდაციისთვის მთისა და ბარის გაერთიანება სტრატეგიული პოლიტიკა იყო ეკონომიკური თვალსაზრისითაც. ჰერეთ-კამბეჩოვანის ტერიტორია გარდა მესაქონლეობისთვის მნიშვნელოვანი ფაქტორისა (საზამთრო საძოვრები), ის სავაჭრო მაგისტრალსაც წარმოადგენდა. მთის დამორჩილების შედეგად ხდებოდა მისი არაქართული მოსახლეობის ასიმილაცია. ქალაქ უჯარმის გაშენება მთისა და ბარის ერთდროული კონტროლისა და ექსპლუატაციის ნიშანი იყო. სავაჭრო-სატრანზიტო მაგისტრალი სწორედ უჯარმაზე გადიოდა და თბილისიდან მცხეთისკენ მიემართებოდა. მთისა და ბარის ურთიერთშერწყმა, ქვეყნის ტერიტორიული გაერთიანება, აღმოსავლეთის გაფართოება, ეს ყოველივე თბილისის სამეფოს ცენტრად გადმოტანის განმაპირობებელი იყო. კახეთ-ჰერეთი უფრო ადვილად კონტროლდებოდა და ახლოს იყო თბილისთან, ვიდრე მცხეთასთან.

ქვეყნის გაერთიანებასთან ერთად ვახტანგ გორგასალი საეკლესიო რეფორმის გატარებასაც იწყებს. 451 წელს ქალკედონიაში ჩატარებული კრების შედეგად ბიზანტიის ოფიციალურ რელიგიად დიოფიზიტობა გამოცხადდა, რამაც დაძაბულობა გამოიწვია ეგვიპტეს, სომხეთსა და სირიაში მათი მონოფიზიტური რელიგიის გამო. კონსტანტინეპოლის პატრიარქი იძულებული იყო 482 წელს შეთანხმების, ერთიანობის ბრძანებულება გამოეცა – „ჰენოტიკონი“, რასაც მხარი დაუჭირა ვახტანგმა. სწორედ ამ მიზეზით ქართლის მთავაეპისკოპოსი მას უპირისპირდება. მეფემ მთავარეპისკოპოსი მიქაელი გააძევა და მღვდელმთავრად თანამოაზრე პეტრე აკურთხა. გორგასალმა ქართულ ეკლესიას ამით ავტოკეფალია მიანიჭა. ეს, სავარაუდოდ, მოხდა 484-485 წელს. მეხუთე საუკუნის მიწურულს ქართლის სამეფოში კლარჯეთიდან ჰერეთამდე საეპისკოპოსოები მრავალადა. 506 წლისთვის ქართლში 33 საეპისკოპოსოა. ეს ფაქტი ამკარად მიუთითებს ეკლესიის გავლენის გაძლიერებაზე, რაც ასევე აისახა ახლადშემოერთებულ ტერიტორიებზეც. ქრისტიანობა კავკასიონის ქედს მიღმაც გადავიდა: დვალეთი, ოვსეთი, ღურძუკეთი, დიდოეთი, ნუქეთი. ეკლესიის გავლენა სამეფო ხელისუფლების სიძლიერეზე მეტყველებდა. საეკლესიო დალიტერატურული ენა ქართული იყო, რაც ნიშნავს არაქართული მოსახლეობის გაქართველებას. ჰერეთიც, სადაც ქართულ-ალვანური მოსახლეობა იყო ასიმილირდა. ამ პერიოდში ეკლესიების მშენებლობამაც მასიური ხასიათი მიიღო.

ქვეყნის დასავლეთის და აღმოსავლეთის გაერთიანება, მთის დამორჩილება, ბიზანტიასთან პოლიტიკური მორიგების შედეგად მიღწეული მჭიდრო სავაჭრო და კულტურული კონტაქტები, საეკლესიო იერარქიის შექმნა, ეკლესიის ავტოკეფალია, ციხე-ქალაქთა და ტაძართა

მშენებლობა ეს ყველაფერი ცხადლივ მიუთითებს, რომ ქვეყანაში ირანული პოლიტიკა შესუსტებულია. აქვე უნდა აღვნიშნოთ, რომ ამიერკავკასიაში ანტიირანული აჯანყების მოთავე გორგასალი, მართალია სომხების ლალატის შედეგად მარცხდება, მაგრამ ირანს აიძულებს მთელ რიგ დათმობებზე წამოვიდეს: სომხეთი ნახევრად დამოუკიდებელ ქვეყნად სცნო, ალბანეთში მეფობა აღადგინა, ხოლო რაც შეეხება ქართლს, 482-484 წლების აჯანყების შემდეგ გორგასალმა ფაქტობრივად დამოუკიდებლობა მოიპოვა. ამ აჯანყების შესახებ მწირად გვანვდის ცნობებს სომეხი მეისტორიე ლაზარ ფარპეცი, რომლის გადმოცემითაც ქართველთა როლი დამცრობილია, მოთავეებად სომხებს ასახელებს. თუმცა ამის საპირისპიროდ შეიძლება მივიჩნიოთ ტექსტში მოტანილი შაჰის ბრძანება, რომ სომხეთში მარზპანად შაპუჰ მიჰრანი დაენიშნათ, ხოლო ქართლის მეფე მოეკლათ ან ქვეყნიდან გაეძევიებინათ, როგორც ამ ფაქტის მთავარი დამნაშავე. შაჰის ეს ბრძანება ცხადყოფს, რომ სწორედ ვახტანგი წარმოადგენდა სპარსელებისათვის მთავარ პრობლემას.

ამ დროისათვის ქვეყნის საგარეო პოლიტიკაში იძულებითი მშვიდობა სუფევს, ირანსა და ბიზანტიაში არსებული შიდა თუ გარე პოლიტიკური კრიზისის გამო.

ვახტანგის ცხოვრების არც ერთ ეტაპზე არ ყოფილა სიმშვიდე, მუდმივ ბრძოლებსა და ქარტახილებში იღწვოდა ჩვენი დიდი მეფე. მის ცხოვრებას თანსდევდა ლალატი და სწორედ ლალატის შედეგად აღესრულა კიდეც. სპარსეთის კარზე გაბატონებულმა კავადმა ქვეყნის ძლევამოსილების აღდგენა დაიწყო. მან ამიერკავკასიაში, სავარაუდოდ, 499-502 წლებში გამოილაშქრა. ეს ბრძოლა ირანელებსა და ქართველებს შორის „იორსა ზედა“ მოხდა, რაც ვახტანგის სიკვდილითა და ქართველების დამარცხებით დასრულდა. არსენ ბერის მიხედვით, ვახტანგი სპარსელებთან ომის დროს შეთქმულების შედეგად მოკლა მისმა „მონათყოფილმა“ მონამლული ისრით. გორგასალი დაკრძალულია სვეტიცხოველში.

დაბოლოს, ვახტანგ გორგასალმა უდიდესი სახელი დატოვა და მის ღვანლს დავით აღმაშენებლისას ადარებენ. მან წარმატებით მოიგერია მთის შემოტევა, საბოლოოდ დაიმორჩილა კიდეც, ამას მონიშნავს მშენებლობა. ვახტანგმა მოახდინა ქვეყნის კონსოლიდაცია, მან შექმნა რეგულარული ჯარის პრინციპზე დამყარებული ლაშქარი. სამეფოს ფარგლებში შემოჰყავს ალვანეთი; ირანის ექსპანსიის საწინააღმდეგოდ კახეთ-ჰერეთში აგებს ციხე-ქალაქებს: ხორნაბუჯი, ჭერამი, უჯარმა. სამხრეთ დასავლეთით, კლარჯეთში არტანუჯის ციხესიმაგრე; ჩრდილოეთით ამაგრებს უღელტეხილთა კარებს. ქართლის გავლენას ავრცელებს ჩრდილოეთ კავკასიაზე, თბილისის ამიერკავკასიის ცენტრად გადაქცევის პროცესს უდებს სათავეს. ქვეყანას ფაქტობრივ დამოუკიდებლობას მოუპოვებს. მას სურდა, შეექმნა ერთიანი ცენტრალიზებული სახელმწიფო, რის გამოც უწევდა რთული პოლიტიკის გატარება, ორ მტერს ერთმანეთის საპირისპიროდ იყენებდა. სეპარატისტების შემოტევებს მუდმივად იგერიებდა, თუმცა მაინც ლალატის მსხვერპლი შეიქმნა საბოლოოდ.

ვახტანგ გორგასლის სახელი სიძლიერის, სიმამაცის, შეუდრეკელობის ეპითეტი იყო და იქნება მარად, სანამ ივერია იარსებებს. „გორგასლიანის“ დროშა მუდამ იფრიალებს საქართველოს თავისუფლებისა და ერთიანობის სიმბოლოდ.



ლია რობიაშვილი

ღ

ავიბადე 1957 წლის 27 აპრილს ნითელწყაროში (ამჟამად დედ-ოფლისწყარო). აქვე დავამთავრე პირველი ქართული საშუალო სკოლა. 1982 წელს ნითელ დიპლომზე დავამთავრე პუშკინის სახელობის პედაგოგიური ინსტიტუტი. 1979 წელს შევექმენი ოჯახი. 1982 წლიდან 2005 წლამდე ვმუშაობდი სოფელ სამრეკლოს პროფესიულ - ტექ. სასწავლებელში ოსტატ - მასწავლებლად. ამჟამად ვარ პენსიონერი, ქვრივი. მყავს ერთი შვილი და სამი შვილიშვილი. ვიბეჭდები პირველად.

„თქვა ღმერთმა: აღმოაცენოს მიწამ მცენარეული - ბალახი, თესლის მთესველი, ხე ნაყოფიერი, თესლოვანი ნაყოფის მომტანი მიწაზე თავისი გვარისდა მიხედვით. და იქმნა ასე.“

ბიბლია. ძველი აღთქმა. დაბადება. თავი პირველი.

კაკლის ხე (ვუძღვნი დედას)

რ

ავარდება მიწაში თესლი და საფუძველი ჩაეყრება ახალ სიცოცხლეს...

ეხლაც ასე მოხდა: კაკლის ხეს მოსწყდა ნაყოფი, მოხვდა ნოყიერ ნიადაგში, გალივდა, გაიბერა, ჩანასახმა გახეთქა ნაჭუჭი, ამოიწვერა მიწიდან და იქცა კაკლის ხედ. იქამდე კი, სანამ სასურველი ნაყოფის მომცემი გახდებოდა, დიდი გზა ჰქონდა გასავლელი...

ხის ტოტზე მარტო ისლა იყო დარჩენილი... ერთ დღესაც დედამ ხელი გაუშვა და დამოუკიდებლობისკენ უბიძგა - „ყველაფერს თავისი დრო აქვს“.

არადა რა კარგი იყო თავის და-ძმასთან ერთად ცხოვრება! რა მხიარულად ატარებდნენ დღეებს: ჟრიალულად ზღაპრობდნენ, ხმაურობდნენ, ნიავის დაბერვისას ერთმანეთს ეხეთქებოდნენ და სიცილისგან იხოცებოდნენ. განსაკუთრებით მზიანი დღეები უყვარდა. მოსწონდა, როცა სითბო მთელ სხეულში დაუვლიდა, გაათბობდა, მიეალერსებოდა და ახალი ენერგიით აავსებდა. ზოგჯერ წვიმაზეც არ ამბობდა უარს. უარს კი არა, პირიქით, ელოდებოდა, როდის დაეცემოდა წვეთი. დედის რძესავით შეისრუტავდა, პირს ჩაიკოკლოზინებდა და კმაყოფილებისგან გაიბადრებოდა. ნელ-ნელა იზრდებოდა, მსხვილდებოდა და ძლიერდებოდა. მალეიდან დაჰყურებდა მთელ სამყაროს და სიცოცხლით ტკებოდა.

ხშირად კაჭკაჭები მოდიოდნენ სტუმრად. ჩამოსხდებოდნენ ტოტებზე და ქვეყნის ამბებზე ეჭორავებოდნენ, არაფერი რჩებოდა მათი გაუგებარი. ზოგჯერ მუდამ რაღაცაზე უკმაყოფილო ბელურები ეწვეოდნენ და წუნუნით გულს უწყალებდნენ, მთელი დღე უაზროდ ჭყპინებდნენ. კიდევ კარგი, ახლოს ბულბულმა გაიკეთა ბუდე და ცხოვრებას სულ სხვა ელფერი შესძინა. არაფერი სჯობდა ყოველ დღით მისი სიმღერის მოსმენას. შვილებიც რა საყვარლები ჰყავდა!... ხანდისხან ის ბიჭი, სულელი ლიოხა, მის ახლოს აივლიდა, ჩაივლიდა, თან ლობეს ჯობს

ურტყამდა და დაჭრილი დათვივით ბურტყუნებდა. პირველად, მისმა დანახვამ ძალიან შეაშინა, მაგრამ მერე ისე მიეჩვია, რომ მის გამოჩენას და ჯოხის ბრახუნსაც კი ელოდებოდა... ნეტავი, ეს პატარა ჭიანჭველები რაღას დაცუტუნებდნენ? მთელი დღე დარბოდნენ, ქაქანებდნენ, შრომობდნენ, სულ რაღაცას ეძებდნენ. დალლა რა იყო, არ იცოდნენ. არაფერს უშავებდნენ, მაგრამ მაინც ვერ იტანდა. მათ დანახვაზე რატომღაც ყოველთვის ნერვები ეშლებოდა.

ეჯავრებოდა, როცა ლამდებოდა. არა, თვითონ ღამის სანინალმდეგო რა უნდა ჰქონოდა. პირიქით, როგორც კი მოსალამოვდებოდა, ირგვლივ სასიამოვნო სიწყნარე ისადგურებდა, ჰაერიც კი თითქოს ნელ-ნელა ძილს ეძლეოდა. ღამურები, საღამოს იდილია არ დავარღვიოთო, ხმას არ იღებდნენ, ისე იჭერდნენ მწერებს. მაგრამ ვინ მოგცა მოსვენება, როგორც კი აბეზარი ჭრიჭინები გამოჩნდებოდნენ, იმისთანა ხმაურს ატეხდნენ, კაცს ეგონებოდა, მთელი ორკესტრი უკრავსო. განსაკუთრებით ერთი ჭრიჭინა ჰყავდა გადამტერებული. რომ ჩაირთვებოდა, გამორთვა აღარ იცოდა. ჭრიჭინით იკლებდა ქვეყანას. თანაც თითქოს ჯიბრზე, ყურის ძირში ჩამოუჯდებოდა და მთელი ღამე „სერენადებს“ უმღეროდა.

მერე ნელ-ნელა, სათითაოდ, მისი და-ძმები შეუმჩნევლად ტოვებდნენ დედას და სადღაც იკარგებოდნენ. ის კი არა და არ აპირებდა მშობლიური კუთხის მიტოვებას, მაგრად ებლაუჭებოდა თავის ტოტს. მაგრამ ყველაფერს ხომ თავისი დრო აქვს. მისი ჯერიც მოვიდა... კიდევ კარგი, მოახერხა და სადაც დედამისი იდგა, იქვე ახლოს ჩამოვარდა.

- მიწას კარგად ჩაეხუტე. - ეჩურჩულებოდა დედა და ქარის ყოველ დაქროლვაზე ტოტებს არხევდა, ფოთლებს აყრიდა თავის ნაბოლარას, - „არ შესცივდესო“. ასე ხომ სიცივისგანაც იცავდა და უცხო თვალისგანაც. პირველად ძალიან გაუჭირდა დედასთან განშორება, მაგრამ მერე ნელ-ნელა მიეჩვია მარტოობას... ლოყით მიეკრა მიწას. ესიამოვნა, გაიტრუნა, გაყურდა და ღრმად დაიძინა...

- ვა!... ეს აქ როდის ამოვიდა? რა ლამაზია? რამხელა გაზრდილა?

უცხო კაცმა ბარი მიწაში ჩაასო და ფესვიანად მოთხარა. მერე სახლში წაიღო და ცოლს მიუტანა: - კაკლის ნერგი მოგიტანეო.

რა ფაფუკი და თბილი ხელი ჰქონდა იმ ქალს! სათუთად ჩარგო სახლთან ახლოს ორმოში. მოეფერა, „გაიხარე, გამახარეო“ და წყალიც დაუსახა.

იმ დღის შემდეგ რაღაც უცნაური, მისტიკური კავშირი დამყარდა მათ შორის. რაოდენ გასაკვირიც არ უნდა იყოს, ეს იყო სიყვარული, დიახ, სიყვარული მცენარისა და ადამიანისა.



ქალი მზრუნველობას არაკლებდა ხეს. უსხავდა წყალს, ებრძოდა მავნებლებს და ცდილობდა, არაფერი მოეკლო მისთვის. ხესწრაფად გაიზარდა. ტანი აიყარა, გაიბარჯა. დედამისივით მაღალი, ძლიერი და ლამაზი, ფესვებით მძლავრად ჩაეჭიდა დედამინას. ტოტები აქეთ-იქით თამამად გაეშალა და ირგვლივ სასიამოვნო ჩრდილს აყენებდა. ერთი ტოტი კი ქალის ოთახის კენ ისე ჰქონდა გაშვერილი, თითქოს ფანჯარაში შეჭყეტვას აპირებსო. იქნებ ასეც იყო? მას ხომ ძალიან შეუყვარდა ეს ქალი. მისი დანახვისას ხე სიხარულისგან ათრთოლდებოდა, ტოტებს შეატოკებდა და ფოთლებს ააშრილებდა, თითქოს ეძახდა, „მოდი რა, ჩქარა, ჩემთან მოდიო“. ქალიც თითქოს მიუხვდაო, მივიდოდა, ფოთლებზე მიეფერებოდა, მერე ოდნავ გასრესავდა, დაყნოსავდა და ტკებებოდა მისი სურნელით. საერთოც ბევრი ჰქონდათ: ორივეს უყვარდა ეს ადგილი, მინა, წყალი თუ ჰაერი. ორივე დედა იყო და სიგიჟემდე უყვარდათ შვილები. როცა დრო მოდიოდა, ორივე უშვებდა მათ დამოუკიდებელი ცხოვრებისკენ.

მაგრამ ( მართლაც რომ ) ყველაფერს თავისი დრო აქვს. ერთხელაც ქალი სადღაც წავიდა და აღარ დაბრუნდა...

ელოდა კაკლის ხე პატრონის გამოჩენას, მაგრამ ტყუილად.... ის აღარ დაბრუნებულა, სხვა სამყაროში გადასახლდა. გაემოიწყინა, დარდისგან ფოთლები გაუყვითლდა, ტოტები ხამოფიგა, გაუშავდა და გაუხმა.

- რა ადრე გახმა? ის ხომ ჯერ ახალგაზრდაა. - უკვირდა ყველას.

ესლა კი დგას მარტო, ფოთლებზე მოძარცვული და გამხმარ ტოტებზე თოვლი დასდებია. ან იქნებ, თოვლი კი არა, უბრალოდ ჭაღარაა...

... შეუცნობელია არსი ბუნებისა!..

- არ გახმე რა! გეხვეწებით, არ გახმე. - დედის მაგივრად ეფერებოდა მის საყვარელ ხეს შვილები და ხეში ეძებენ დედის სიტბოს.

- გვენატრები, დედი !!!..

**მთა**

ქვის გული აქვსო... რაღას არ იტყვის კაცის ენა... ძან იციან, როგორი გული აქვს...

დგას უძრავად, ხმას არ იღებს. ზევიდან დაჰყურებს ქვეყანას. გულში ინახავს წყენასაც და სიხარულსაც. არ ანუხებს არავის. არის თავისთვის, ყველასგან მოშორებული, ღრმად ჩაძირული თავის ფიქრებში.

არ ახსოვს, როგორ გაჩნდა ქვეყანაზე. ისე კი, უნდა ითქვას, მისი ხნოვანებისა ქვა არ დაგორავს დედამინაზე. ეამაყება კიდევ თავისი ასაკი. არავის უმხელს წლოვანებას. ვისი რა საქმეა? ყველამ თავის თავს მიხედოს.

სულელები... მოსვენებას არ აძლევენ... მოდიან და გულს უწყალებენ თავიანთი ხვეწნა - მუდართით. მიაკრავენ სანთელს გვერდზე და ათას რამეს ეხვეწებიან: გამოგვაჯანმრთელო, მიშველე, ესა მტკივა, ისა მტკივაო. რომელი მკურნალი ესა ნახეს, შველა რომ შეეძლოს, თავის თავს უშველიდა. დაიღალა ერთ ადგილზე დგომით.

ხან წვიმა მოიყვანეო, კარგი მოსავალი მოგვეციო, მტერი მოგვაშორეო, რა ვქნათ, როგორ მოვიქცეთ, ჭკუაზე დაგვარიგეო...

ეჭე ჰეეეეეეეე... ის ხომ ქვაა, გულიც ქვისა აქვს, მაგრამ მაინც გასკდა გული ამდენი დარდით. კარგით რაა, ღმერთი არა გნამთ? აღარ შეუძლია მეტის ატანა. ცრემ-

ლებს სხვას რომ ვერ აჩვენებს, გულში ინახავს. გული სახვე აქვს ცრემლების ტბით....

კიდევ კარგი, ხანდისხან მაინც ტოვებენ მარტოს. ცოტა ამოსუნთქვის საშუალებას აძლევენ.

მაგრამ ვინ მოგცა მოსვენება!...

ეს რა სიცილ-კისკისის ხმა ესმის? ბავშვები?... ბავშვები ძალიან უყვარს. სიამოვნებს, როცა მის კალთებზე პატარები დარბიან. გულზე მალამოსავით ედება მათი მხიარული ხმები. ასე ჰგონია, ისიც პატარაა და მათთან ერთად დარბის, დახტის და იცინის...

კიდევ კარგი, მოიფიქრა და ერთმა ღვთისნიერმა, წმინდანის სახელი დაარქვა. ახლა კი, მართლა სათაყვანებელი გახდა. იქნებ შეძლოს და ამ წმინდანის მეშვეობით დაეხმაროს გაჭირვებულებს?... მაგრამ ეს რას ნიშნავს? ნუთუ, ქრთამს აძლევენ?

ფ უ ლ ი ?... კალთებზე ფულს დებენ. ნეტავი რაში სჭირდება?...

აი, სამი ბიჭი მოვიდა. ხურდა ფული იპოვეს. როგორ გაუხარდათ? ალბათ ამათთვის დატოვა მოხუცმა. წავლენ ახლა, ლიმონათს და „ბულკებს“ იყიდიან. ბავშვები არიან, გაიხარონ...

ამ ქარაფშუტა ნიაგმა ხომ შეანუხა. რით ვერ გაიგო, რომ ერთმანეთის შესაფერისები არ არიან? წარამარა ეს ტუმრება, ნაზად მიეალერსება. ხან ერთი ლოყით მიეკვრება, ხან მეორით. ყველანაირად ცდილობს მისი ყურადღების მიქცევას.

ნეტავი რამ მოაწონა ასეთი ცივი, გოროზი, მიუკარებელი მთა? რაღას არ აკეთებს, რომ თავი შეაყვაროს: ადრე გაზაფხულზე ნაირ-ნაირ თესლებს აყრის კალთებზე. ზაფხულში - აყვავებულ ყვავილებს არხვეს და მათ სურნელს სუნამოსავით აპკურებს გულზე. შემოდგომაზე მისი ყურადღების მისაქცევად, სასიამოვნო მელოდიებს უსტვენს. ზამთარში - სპეტაკი ფიფქებით გვირგვინს ადგამს მაღალ შუბლზე. კვდება მისი სიყვარულით.

ის კი დგას გულგრილად, ზედაც არ უყურებს. თითქოს ეუბნება: სად შენ და სად მეო? გაჰქვავებია გული. ვერა გრძნობს მისი სიყვარულის ტკივილს.

გულზვიადი კი ჩანს, მაგრამ ეგ შორიდან, უცხოთათვის არის ასეთი. სინამდვილეში, მრავალთათვის ნუგემის, იმედის მიმცემია. დგას მარადისობის ფიქრში ჩაძირული მდუმარედ და მთელი არსებით იცავს ირგვლივ არემარეს. უყვარს ყველა და ყველაფერი, რაც მის ირგვლივაა. არ ამჟღავნებს, თორემ ეს სულელი ნიავიც უყვარს. მოსწონს, როგორ ელამუნება ლოყებით ძლიერ გულ - მკერდზე.

მოვიდნენ, დაანთონ სანთლები. აქედან ხომ უფრო ახლოს არიან ღმერთთან. რომ შეეძლოს თითის წვერებზე დადგებოდა და აინევდა მაღლა, მაღლა, მაღლა და სულ უფრო მაღლა, ცაში აიყვანდა ყველას, ვისაც სჯერა, სწამს, უყვარს. იქნებ, მართლა მიაწვდინონ უფალს ხმა? რატომაც არა?! მოვიდნენ, გულში ჩაიკრავს, სიყვარულის ცეცხლით გაათბობს, რწმენით, ნუგემით, იმედით აავსებს.

ქვის გული აქვსო, ვერაფერს გრძნობსო, განა მართალია?! როგორ შეიძლება, საუკუნეების სიბრძნით გაჟღერებული გული ქვისა იყოს?...

ხოდა, რაღას არ იტყვის გაბრაზებული კაცის ენა?...

ის კი დგას ამაყად, ნელში გამართული. ზევიდან დაჰყურებს მის კალთებზე გაშენებულ სოფლებს და თავის მადლს და მზრუნველობას არ აკლებს იქ მცხოვრებლებს...



ამ ქვეყნის ორმოტრიალში ალბათ მეც მათებრ ვხუნდები. ნლები გადის და სიბერემ ხელ-ფეხზე დამდო ხუნდები, მეც იმათსავით სიტურფეს ვერასდროს დავუბრუნდები. ასე სცოდნია ყველასთვის სიცოცხლეს სანარნაროსა, „იგი წავა და სხვა მოვა ტურფასა საბაღნაროსა“. ველარ შევხედავ მათსავით გაკაშკაშებულ მთვარესა, მეც სამუდამოდ დავხუჭავ დღეს გაბრწყინებულ თვალებსა.

მაღლოზა

გოგი ჯავთიაშვილი

**გ**ოგი ჯავთიაშვილი ერთ-ერთი შთამომავალია იმ მთიულებისა, რომელნიც მეოცე საუკუნის გარ-იჟრაჟზე ვაჟა-ფშაველას ინიციატივით ჩამოვიდნენ და შირაქში დასახლდნენ.

გოგი დაიბადა 1937 წელს სოფელ ზემო ქედში, ძალიან პატარა, სულათი თვის, მამით დაობლდა და დუხჭირი ცხოვრება გამოიარა დედასთან და ხუთ დასთან ერთად.

გოგი ბავშობიდანვე ნერდა ლექსებს, მაგრამ მამინდელი ყველა ლექსი დაკარგულია. 1985 წელს, მეგობრების თხოვნით, კვლავ დაინყო ლექსების წერა და უკანასკნელ ამოსუნთქვამდე ნერდა. მისი ლექსები გამოირჩევა გრძნობათა სინრფელით, პოეტური განცდების სისადავითა და სილალით. იგი იყო არა მარტო სახალხო მთქმელი, არამედ შესანიშნავი მომლერალი და არა ერთი სიმღერის ავტორი, რომელსაც საკუთარ ლექსებზე ქმნიდა იმ ანსამბლის გულისათვის, სადაც თვითონაც უკრავდა და მღეროდა.

გოგი ჯავთიაშვილი გარდაიცვალა 2011 წლის 11 აპრილს.

მაყვალა ნიალაური

ზემო ქედის ხალხურ საკრავთა სახალხო ორკესტრის და მომღერალთა გუნდის ხელმძღვანელი

ვერასდროს დავუბრუნდები

როგორც ჭკნებიან ჩემს თვალწინ ია-ვარდების გუნდები,

რაც უნდა ბევრი გეფიცოთ ვერ დაგაჯერებთ ვერვისა, რომ დღეს პირველად მართლაც და ბედნიერება მეღირსა. ჩემია თითქმის მნათობი ჩემია თითქმის ცისკარი, ჩემია დღეს ამ დარბაზში ლექსთა ფრქვევით რომ ქრის ქარი, ამიტომ გიხდით მაღლოზას, ამიტომ გკოცნით ყველასა, ჩემი უბრალო გულის თქმა რომ ათქმევინეთ ენასა.

სწოდნია მარტოოზასა

სულ სხვის კარებზე ვალამებ გამოგდებული ძალივით. ჩემს სახლს გავუბრუნე რატომღაც შეშინებული ბალივით. მართლაც, რომ ძნელი ყოფილა მთლად მარტოობა სულისა, აუტანელი სიჩუმე, უხმოდ დახშობა ყურისა. ხან სიმწრით გაგელიმება ეინი მოგივა შურისა, სცოდნია მარტოობასა გადაგვარება გულისა.

## სამშობლოს

დედამ მითხრა იავნანად  
შენი ტრფობა-ნეტარება,  
რომ მიყვარხარ დედასავით,  
ეჭვი ხომ არ გეპარება.  
დავაქროლებ შენს სიყვარულს,  
ვით ჯირითში ფეხმარდ ქურანს,  
მიხარია, რომ ყრმას შენსას  
შენი ზეცის ქუდი მხურავს.

## ვარდი ადიდეს


ვარდი ადიდეს, ალექსეს,  
ზოგამათლად გააზვიადა,  
მე კი მსურს მრავალ გაზაფხულს  
ლიმილით მნახოს იამა.  
ნეტავ იცოდე მაინცა,  
იას რად გარქმევ ღვთისაო;  
შენი სურნელით ვითვრები,  
ყნოსვა არ მიყვარს სხვისაო.  
შენ მართლაც იის სადარად  
ლურჯ ბოლო კაბას ატარებ,  
მორცხვად დახრილი თვალებით,  
თავს როგორ არ შემაყვარებ.  
თვალ-წარბ ნახატო, ტანკოხტავ,  
შეკრულო იის კონადა,  
ნეტავ უარს არ მეტყოდე,  
გამომყვებოდე ცოლადა.  
ცის ქვეშ არ გაგაჩერებდი,  
არ გაგთელავდა წვიმაო.  
გალიის ჩიტად გაქცევდი,  
მეყოლებოდი შინაო.  
იქნება ერთხელ შემკითხო,  
თუ რად შეგარქვი იაო;  
მიტომ რომ შენი სახელი,  
ჩვენ ორივესა გქვიაო.  
მსურს ერთად ვიყოთ, ვილხინოთ,

ერთად გვიქროლოს ნიავმა.  
ერთად დაგვატკბოს სურნელით  
ამ გაზაფხულის „იამა“.

## მერხვარის ნაცვრა

როგორ ვნატრულობ შენს ნახვას  
ქალაო, მთვარის შუქზედა.  
დაგიკოცნიდი შავ თვალებს,  
ჯვარს დაგასვამდი შუბლზედა.  
ბარში დაგტოვდი ლამაზო  
შუბლზე დასმული ნიშნითა;  
ჩემზე დანიშნულ პირიმზეს  
ვინ შეხედავდა შიშითა.  
ცხვარს გავყვებოდი იმედით,  
დავადგებოდი შარასა,  
თუ ჩემად დაგიგულედი  
ქალასა შენისთანასა.  
ბნელში ნუ დამტოვ, გულით გთხოვ,  
უქმად ნუ გავლევთ არესა.  
თუ მოხვალთ, გულში ჩაგიკრავთ  
შენ და გაბადრულ მთვარესა.  
ბარად დაგტოვებ ქალაო,  
მთას ცხორს გავყვები მღერითა,  
გულს ჯავრს ნუ შემოიყენებ,  
თვალს ნუ აივსებ ცრემლითა.  
შენ მანდ პატარებს მიხედე,  
როგორც გვაქვს დანაპირები.  
სამშობლოს უნდა უზარდო  
შენ ჩვენი მეცხვრის შვილები.  
წინ გავუძღვები ჩემს ფარას,  
ნისლებს ავყვები მთებშია.  
მთის ყოილთ მივესალმები,  
ჯიხვებს ჩავკოცნი რქებშია,  
ვითომც შენ გეალერსები,  
ხელს გიფათურებ თმებშია.  
ერთ ნუთს არ გავწყვეტ შენზე ფიქრს,  
სულ მეყოლები გვერდშია.

ბადურ ბალარაიშვილი



დაიბადა 1946 წლის 28 თებერვალს.  
 დაამთავრა თელავის მე-2 საშუალო სკოლა.  
 სწავლა გაგრძელა თბილისის სახელმწიფო უნივერსიტეტის ფილოლოგიის ფაკულტეტზე, რომელიც 1970 წელს დაამთავრა.  
 იბრძოდა აფხაზეთის ომში. ომის შემდეგ საცხოვრებლად გადავიდა მშობლიურ თელავში, სადაც სიცოცხლის ბოლომდე ცხოვრობდა.  
 წლების განმავლობაში იყო თელავის თეატრის მთავარი ლიტერატურული წარმომადგენელი.  
 გარდაიცვალა 2012 წლის 16 თებერვალს.  
 2012 წლის ოქტომბერში გადაეცა ლიტერატურული პრემია „გალა“ ლექსების კრებულისათვის „კიპარისები“, ნომინაციაში: წლის საუკეთესო წიგნი.  
 გამოცემული აქვს კრებულები: თელავის ჭადარი, მდინარე, კოქტილბარი „რებუსი“ და კიპარისები.  
 ასევე არის სცენარის ავტორი ფილმებისა: „გოლა“, „ნისლი“, „ხარება და გოგია“ და „მარტივი პასიანსი“. გთავაზობთ ბევრისთვის საყვარელი ავტორის დაუბეჭდავ ლექსებს.

\* \* \*

მიფრენენ საპნის ბუშტები – მცირე რამ თრთოლის ტყეები –  
 დავინყებულები სიზმრები და ნანვიმარი ტყეები.  
 მიფრენენ როგორც ფიფქები, ცამ ციმციმით რომ დათოვა,  
 თუმცა მჩატენი არიან, მძიმეა უიმათობა.  
 მიფრენენ დავინყებულები და სანატრელი დღეები,  
 ცასავით გამჭვირვალენი, ცასავით უდარდელეები,  
 გასაოცარი სიზმრები და ნანვიმარი ტყეები  
 მიფრენენ, იკარგებიან და მიაქვთ ცისარტყელები.  
 ხან თითქო ცაში ადიან, ხან თითქო დაქანდებიან,  
 ეკალს უწევენ და უმალ უკვალოდ იკარგებიან.  
 მიფრენენ ჭრელი ბუშტები – მცირე რამ თრთოლის მონები,  
 უფროვე პირქუშდებიან ქალაქის ლამპიონები.

მიფრენენ... საით მიფრენენ? იქით უცხოა, შორია...  
 „მიმინო მყავდა...“ მაგრამ რა? – მყავდა და არცა მყოლია.  
 დავინყებულები სიზმრები და ნანვიმარი დღეები  
 სულს ისე ავალალებენ, ვითარცა მოხარკეები.  
 და რა ძნელია გარჩევა სიზმარისა და ცხადისა,  
 და სამუდამოდ არჩევა დასაფიცარი ხატისა.  
 და რა ტანჯვაა – პირქუში ჭემმარიტების ჭაპანი,  
 და მთელი ჩვენი ცხოვრება – ძილისპირული ზღაპარი...

მიფრენენ, იკარგებიან საპნის ფერადი ბუშტები,  
 ვითარცა უილაჯობით კლდეს შელენილი მუშტები.  
 მიფრენენ საპნის ბუშტები მცირე რამ ვნების ტყეები –  
 გახუნებული სიზმრები და დაკარგული დღეები.

სიკვდილი

მივყვები წლების გაცრეცილ მესერს, ხან მივალ ახლოს, ხანაც ვშორდები –  
 „ვერ დაიჭირავს“ – უთქვამს და მეც მსურს, გავკადნიერდი განმეორებით.  
 ასე იყო და ასე იქნება, შევთქმულვარ ლამის ფიცის მიცემით –  
 სიკვდილი, როგორც მშობელი დედა, თვალყურს მადევნებს გაფაციცებით.  
 დრო მოვა, ალბათ მეც გალმა გავალ და მოვიშუშებ მტკივან იარებს –  
 სიკვდილი, როგორც პირქუში მამა, ბოლო რჩევასაც გამიზიარებს.  
 უსიყვარულოდ ცოცხლობენ როგორ, რა წარმართული სთესეს წესები –  
 სიკვდილი, როგორც პატარა გოგო, მეკეკლუცება თვალთა კვესებით.  
 ვერც მე ვჩერდები, უკვე შევტოპე, დღეები თვლიან მანძილს ციფრებად –  
 სიკვდილი, როგორც ტოლი მეტოქე, გამარჯვებაშიც შემეცილებს.  
 ძვირადა ფასობს სიცოცხლის ნიჭი, დღესასწაულთა აკაშკაშება –  
 სიკვდილი, როგორც პატარა ბიჭი, თავდავინყებით მეთამაშება.  
 ყეფს განსაცდელის ავი ნაგაზი, როგორც ასავალს, ისე დასავალს –  
 სიკვდილი, როგორც ძველი ძმაკაცი, მახსენებს განვლილ თავგადასავალს.  
 ასეთი ვნება მხოლოდ აქ არის, სიამის გამო ტანჯვა, წვალეა –  
 სიკვდილი, უკვე ბებერი ქალი, კვლავ სიყვარულზე მეჭორავება.  
 და ჟღერს სილალის ღვთიური ქნარი, წინ არაფერი არ მელოდება –  
 სიკვდილი, როგორც მარადის კარი, საზღვართან დგას და მიახლოვდება.  
 მივალ, შევალე, შევდგები წამით – რა საოცრება ნეტავ მომელის –  
 შევალ და ვიცი: დადგება ჟამი, სიკვდილთან ჩემი დამშვიდობების.

## ზაფხული

ირგვლივ ზაფხულია და მზე თაკარა –  
 ნამკალში მიაბიჯებს აგვისტო.  
 გაგანებს გაგანია, ზეცაა ანკარა  
 და გამჭვირვალე მთათა გვირისტი.  
 ბედნიერებაა აქ გარინდება  
 და სხივებივით მწველი, –  
 სული უცაბედად ისე აფრინდება,  
 როგორც ნამკალიდან მწყერი.  
 სადღაც ალაზანს გასძახებს იხვი,  
 ლელეები ზანტად ლელავენ,  
 ცივისკენ მოჩანს ერეკლეს ციხე  
 და აღმართს აპყლია თელავი.

## ფერიცვალება

ჯ. პ. — ს

იყო აგვისტოს მიწურული, ვიყავით ჩვენ და  
 ტყე იყო ირგვლივ დასიცხული, ტყე და მინდორი.  
 ცას ჰგავდა მინა შეყვითლებულ ბალახის ღერთა.  
 არ იყო დარდი მომავალი უამინდობის...  
 მე შენს თვალეში დავინახე ის, რაც არ იყო  
 და დამწყდა გული. შენ თუ გახსოვს ასეც გითხარი.  
 ჯობდა, რომ ის თვე არასოდეს არ მომკვდარიყო –  
 აგვისტო: ვნებადამცხრალი ქალი.  
 როგორ მიყვარდი...  
 როგორ მძულდი...  
 როგორ მიყვარდი –  
 შენ კი ვერაფერს ველარ გრძნობდი, არა და ვერა,  
 იყავი ცივი როგორც სარკე, როგორც სიმართლე,  
 შეუცვლელი და შეუვალი, ვით ბედისწერა.  
 და გამწარებით ჩავეჭიდე აგვისტოს მინას,  
 ვერ ვიფერებდი მისტერიას ფერიცვალების.  
 რა მოგდის? – მითხარ – წინ სავალი რამდენი გიძევს,  
 ნუ გეშინია, შენც ოდესმე შეგიყვარებენ...  
 ასე მითხარი. როგორ მახსოვს – რა დამავიწყებს,  
 მაშინ მინდოდა, რაღას ვაქნევ ან შეყვარებას...  
 ჩვეულ სიფრთხილით ვადგამ ახლა ჩვეულ ნაბიჯებს  
 და მოთმინებით ველი ყოველ ფერიცვალებას.

## მატარებლიდან

ვინრო სარკმლიდან ქროლა მინდორთა –  
 გამცილებელი – მგონი ბერძენი –  
 ვიცხოვრე, არა როგორც მინდოდა,  
 არამედ ისე, როგორც შევძელი.  
 მინდა გაგანდოთ ნაკრებ ქვებიდან  
 რა ჩაიკარგა გულში, ბებერში –  
 ის რაც მოჩანდა მატარებლიდან,  
 რადგან აღმოვჩნდი მატარებელში.

ჩამჭკნარი ღერო ნაზი ენძელის –  
 ფეიერვერკები ჭრელ – ჭრელ ხვითოთა –  
 მოგიყვით მინდა ის, რაც შევძელი  
 და არა იგი, თუ რა მინდოდა.

## გაზაფხული 98

(თელავური ქრონიკა)

როგორც იქნა შეამჩნია და ზაფრულმა ხალხმა:  
 ახალ ბალის კიდის დიდი ტირიფი რომ გახმა –  
 მერე რა და გულმა მწარე ჩაიხვია თალხი  
 და ნალველმა შემომტირა, ვით პატარა ბაღმა.  
 რაცა ხდება, ისე ხდება, როგორც უნდა მოხდეს –  
 რადგან ხმება, მაშინ ხმება, როცა უნდა გახმეს –  
 ვაჰ მე, დედიჩემის ღმერთმა, კარგიც უნდა მოკვდეს –  
 მატლისა და ჭიალუას ლუკმა უნდა გახდეს.

## იღბალი

კუთვნილების ურჩივით, ყველა იმას უჩივის –  
 თავის სარჩოს ვერ სცნობენ, სხვის – ითვლიან უნციებს  
 და ბოლომდე არ სჯერათ საკუთარი არჩევნის,  
 თითქოს არ უნდოდან და ძალით ამოურჩიეს.  
 უჩინარად სახავენ, ხოლო ცხადლივ შიშობენ,  
 ცოდვა მადლის ბეზმენზე ხეირს ანგარიშობენ –  
 ასხენებენ საფიცრად ყველა ჯურის საქმის წინ,  
 როგორც მექსიკელები გვადელუპეს ღვთისმშობელს.  
 თუმცა ყველა სწორია, რადგან შარა შორია –  
 ხეირის და ზარალის შუა ვინრო ზოლია –  
 ბოლოს ყველა მოელის, ბოლოს ყველას ერგება  
 ორი წყვილი ფიცარი – როგორც გამიგონია.

## გიგაშვილის კატა

ვუყურებ კატას. მაგიაა კატის მზერაში  
 და ყურადღებას ვერაფერი ველარა ფანტავს –  
 ნაცრისფერია ანთებული ცისფერ მელანში  
 და მონუსხული სიმარტოვით მაკვირვებს კატა.

ვუყურებ კატას: ჩვენ ორნი ვართ კატავ მე და შენ,  
 სხვა ვერვინ გეტყვის ამაზე მართალს  
 და ვვანებულვართ სხვადასხვაგვარ ეფემერიდში –  
 ერთი ალთას და მეორე ბალთას.

თუ აკრძალულში შემოვიჭერ, დიდი ბოდიში,  
 დანთებული მაქვს წმინდა სანთელი...  
 შენ სიამელი, მე ფესვებით ზემო ბოდბეში –  
 შენ კატა ხარ და მე კი ქართველი.

### შუამთის გზაზე

შინ მოვდივარ: ლურჯ ღამეში მარტოდმარტო ვბრუნდები.  
 თავზე მთვარე დამნათის და ვარსკვლავების გუნდები.  
 შორით მოჩანს კავკასიის ვერცხლისფერი ქედები.  
 ფუძე მელის მშობლიური, განა დასაყვედრები.  
 შინ მოვდივარ, მოვლიდინებ უღრან ტყეებს კაკლიანს –  
 სულს ვუმაღავ დაღლილობას, ან და რა საკადრია.  
 აღარაფერს აღარ ვნატრობ, არაფერი მაკლია:  
 სხვაგან ყოფნა ღალატია – დაბრუნება მადლია.

### მოგონება-იუმორესკა

ჯ. გოლეთიანს

სამნი ვისხედით ვერაზე ბალში:  
 მე, ჯემალა და „გოლი ჩორტიკა“ –  
 გაოგნებულნი: ტელევიზორში  
 პირველად ვნახეთ აერობიკა.  
 მახსოვს რეზონი მეტი იმაზე,  
 კაცმა, რომ დადგა ფეხი მთვარეზე,  
 ლაპარაკობდა მთელი ქალაქი  
 ჭრელ ტრიკოიან ქერა ქალებზე.  
 გაჩნდა იმედი აკრძალულ ხილის –  
 შენც ხომ კბილს გაჰკრავ, არც შენ აგცდება,  
 მერე იხუვლეს ონანისტიკა,  
 ლესბიანობა, პედერასტიკა.  
 უცებ გამრავლდნენ, ვით ორგანიზმში  
 პარაზიტები – მრგვალი გლისტები:  
 ოელოველნი, კრიშნაიტები,  
 ბაპტისტები თუ ადვენტისტები.  
 მაშინ რა უჭირს, ბალში ვისხედით:  
 მე, ჯემალა და „გოლი ჩორტიკა“ –  
 განვიხილავდით: რით განსხვავდება  
 პორნოგრაფია და ეროტიკა.  
 – ერთი წინ უსწრებს მეორეს როგორც,  
 ჯაჭვიან არაყს წინწანაქარი...  
 – არ აგერიოს, ჩორტიკა-ჯან – მეთქი...  
 ჩორტიკამ მითხრა: – შენ პირს შაქარი...  
 ეჰ, რა დრო იყო... სად იყო სპიდი,  
 ან და საბაზრო ეკონომიკა...  
 გუგულებივით ვისხედით ბალში:  
 მე, ჯემალა და „გოლი ჩორტიკა“.

### ნუთისოფელი

სოფელი წუთიც არ არის, სოფელი უფრო წამია,  
 ან და ეგ წამი რაღაა, მაგრამ რამდენი რამეა.  
 მაგრამ რამდენი სევდაა, ან სიხარული ხალასი,  
 საშინელების მხედარიც – მსახური დარდუბალასი.  
 რამდენი სიყვარულია, რამდენი სიძულვილია,  
 რამდენი გაყიდულია, რამდენი შეპყრობილია.  
 გატაცებაა როგორი – ჯილაგის ვნების ავდარი,  
 მოკვდეს მაგისი მომგონი – ქვეყნად ღალატი რად არი.

რამდენი ძმა გიპოვია და მტერიც უეცარადა.  
 სუფრა სიცოცხლის ფონია – პერსონაჟია თამადა.  
 სოფელი წუთიც არ არის, სოფელი უფრო წამია:  
 გაიხედავ და დილაა, გამოიხედავ – ღამეა.

### შორეული მოტივი

კარგი იყო ის დრო და გული ძალუმ იძროდა,  
 დავინწყებას მიეცა ის, რაც იყო ხინჯებად –  
 აქნეულმა ტოტივით, სულმა სივრცე იგრძნო და  
 ბანგით გონგათანგული სადღაც მიაბიჯებდა.  
 სადღეგრძელო ისმოდა – ისევ მიყვარს ის მოდა  
 და მოტივის ისმოდა: სიყვარულზე გოდება,  
 მელოდია მაცთური, როგორც ფლიდი ყისმათი –  
 ლხინს სტოვებდა და სადღაც მარტო მიაბოტებდა.  
 აქნეული ტოტივით მობარბაცე ლოთივით,  
 სადღაც მიაბოტებდა შორეული მოტივი  
 და იმ მოტივს, ჯიუტად, როგორც რეჩიტატივი,  
 ისევ იმეორებდა ეხო მიკოტივით.

### ძველი ლექსი, ანუ ღრუბლები

რა კარგები ხართ ღრუბლებო,  
 რა კეთილი გაქვთ ჯიშია,  
 თქვენში მზის ამობრწყინება  
 ჩვენში მადლი და ნიჭია.  
 მაქციეთ ღრუბლად – მოგდიოთ –  
 გუმანმა აგრე მიჩნია,  
 აქ სულ ტყუილა ვაგდივარ,  
 დათარსული მაქვს ბიჯია...  
 ბაადურ ბალარჯიშვილი  
 ერთი სანყალი ბიჭია.

### ბოდბე

ფორთოხალივით ფერუხვი მზე და, გორები მორუხო –  
 წყნარი ბაო და ბალახი – მტვერითაც ვერ შენალახი –  
 ბროლი არის და ბადახში ფთილა ღრუბლების ნახევი,  
 ჩრდილი მიჰყვება სანახებს გარემოების კარნახით.  
 ხილულის ბანგის წყალობით, წარსულს მიჰყვივის ფანოლი –  
 სალხინოა და სამოთხე – აქედან გადასახედი –  
 სულს სიამაყე ეამა, ვით შველს მარილი სალოკი –  
 ვახ! ფიროსმანის ნახატის გამოფენილა მაკეტი.  
 ცრიატს ციალი ფერების, სივრცის სილაღეს ახამებს –  
 აქიკურნება ღვთიურად ყველა წყლული და სახადი,  
 კაცურად თბილი სალამო სიკეთეს შემოგახარებს:  
 აქ არის ჩვენი საყდარი და წმინდა ნინოს საფლავი  
 და ისმის სივრცის გალობა გამჭვირვალობით ჰაერის  
 და ისმის შორი ზარები: მნუგეშებელნი სულისა...  
 ისეა ბოდბე შეთხზული, როგორც რუსთველის შაირი –  
 იმისი მადლი გვწყალობდეს – საიდან სადაურისა.





## ნა ხვანტალიანი

### კოლიზეუმი

„Qvo vadis Domine?“

მემ არეკლა გუმბათებზე სისხლისფერი,  
კოლიზეუმს გადაეკრა ჩრდილი,  
გორაკებთან გაირეკა მწყემსმა ფარა,  
გზაზედ მგზავრმა ხელი მოიჩრდილა.

რომი გახდა ვაების და ტანჯვის ცენტრი,  
ტვირთი მისი მძიმეა და რთული.  
ტოვებს ქალაქს მოციქული წმინდა პეტრე,  
ქრისტესათვის კაცთა მებადური.

ანედებიან ტალღებით ამფითეატრს,  
ხალხის მალე დაიწყება დენა...  
ქრისტეს მსახურთ მერამდენე უკვე თვია,  
განსაცდელი კვალში დაედევნა.

წმინდა პეტრეს, ცრემლი მოსდის თვალზე ღვარად,  
დაიღარა თვალნი, როგორც ცვილი.  
უცებ გზაზე ციდან შუქი დაიღვარა  
და მოხარა თავი შევერცხლილი.

ნათლის სვეტში ხედავს მისკენ, მოდის ქრისტე,  
საუკუნედ მოეჩვენა წამი...  
შეეკითხა: „საით მიხვალ, უფალოო? – „რომში“ ისევ,  
უთხრა – „რომ ვენამო“...

მიხვდა პეტრე, მისი ჟამი რომ დასრულდა,  
მყისვე ადგა მონინებით მდგომი...

და მაშინვე ქალაქისკენ შემობრუნდა,  
მასაც ჯვარცმით ელოდება რომი...

დღეს კი, როცა განთიადზე კოლიზეუმს  
მენამულის ლალი გარს ევლება,  
ისევ ახსოვს დროებისგან თითქოს ეულს,  
ისტორიის ძველი გაელვება.

## მონატრება

(ემიგრანტებს...)

გულით თან დააქვთ, უცხო მიწაზე –  
სამშობლო, როგორც უფლის ხატება  
და მოგონების უწყვეტი ხაზი,  
სულში ელვარებს ვით მონატრება.

თითქოს მის ფესვებს მოსწყვიტეს ვაზი,  
ქარში ფოთლები გაეფანტება,  
მშობელი მიწის სურნელი ნაზი,  
ვერსად იპოვეს ემიგრანტებმა.

მოფრინდებიან ყოველ გაზაფხულს  
შორი ქვეყნიდან ჩვენთან მერცხლები,  
მალე დაბრუნდით, სანამ დაზაფრულ  
მწვერვალებს თოვლი შეევერცხლება.

## ვენერია

ცა ხავერდისა, ლაჟვარდოვანი  
ზღაპრულ ფერებით არ შეწყვეტს ციალს.  
დღითა და ღამით ვით ბანოვანი  
ყელმოღერებით დგას ვენეცია.

თვალეზე დროის ნიღაბს ატარებს  
მზის გვირგვინი კი მოირგო თავზე  
და ანტიკური ხანის საღარი  
ქუჩები მუდამ წყლით არის სასვე.

დღით ზურმუხტი, ღამით ფირუზი  
და მარგალიტის დღისით თვალთა,  
პოეტების და მხატვართა მუზა  
ადრიატიკის დედოფალია.

## პარიზი

ღამის ტერასები წყვილებს ელოდება  
და მოედინება მშვიდ ტალღებად სენა.

ბალის ხეივანების ძველი მელოდრამა,  
მონეს სურათივით გულმა გაიხსენა.

ტადრის გოთიკა და ურბანული ქუჩა  
ლათინური კვარტლის სურნელება ძველი.  
გაოცებულ მზერას საზღვარი არ უჩანს,  
გადმოჰყურებს ქალაქს დინჯად ეიფელი.

სიო აუყვება ელისეის მინდვრებს,  
ბანოვანი... ყავა... თითქოს კაპრიზია...  
სინათლის და ტრფობის ქალაქს კვალში მივდექვ,  
ირგვლივ საღამო და ჩემი პარიზია...

### ნარწერა შანდორ პეტეფის ლექსზე

„მიყვარხარ ძლიერ, ძლიერ,  
რაც გადის დრო და ხანი“.

შ. პეტეფი

გადაშლილ წიგნთან იწვის სანთელი  
და ალი ცეკვავს თავგამეტებით.  
რითმები ტრფობის ცეცხლით ათვლილა,  
სატრფოს უმღერის შანდორ პეტეფი.

ვამთავრებ სტრიქონს, კითხვამ უეცრად  
გულში ფიქრები არივ-დარია.  
სიყვარულს ხომ ვერ შეიძენ ვერცხლად,  
სად ადამის ძე თანაბარია.

ვფიქრობ და გულში ათასი ფიქრი  
ირევა, დარდად იქცევა ანდა...  
ჩაქრა სანთელი და ღამე მიქრის...  
ჩემი ფიქრებიც გაუჩინარდა...

\* \* \*

რითმები, როგორც მიჯნურთა წყვილი,  
ლექსში დარჩა და ტრფობით განმანყო.  
წყარომდე ალბათ მომკლავს წყურვილი...  
ნარსულმა თითქოს დაიპყრო ანმყო.

მოგონებების ლაბირინთები  
გზებს მიუყვება, მოსჩანს მალლობი  
ფიქრი მზესავით ამოინთება,  
ვილიმებოდი... თანაც ვნაღვლობდი.

არ გძინავს?... რატომ?... იკითხავს ისევ,  
გამოხმობილი ფიქრებით ექო..

მე კი, ლექსების მუსიკას ვისმენ,  
გულის სიმებს რომ ნაზად შეეხო...

\* \* \*

ძლიერ მიყვარდა პალმა, უდაბნო..  
ათასწლეულთა ქვის პირამიდა...  
ცას საიდუმლო უნდა ვუამბო,  
მარტოს, გრძნობები გულში რად მინდა...

ქვიშისფერია საზღვარი სივრცის,  
ჰაერში სიცხის ადის აღმური.  
რა საამოა, როდესაც იცი —  
გაქვს ოაზისი გადამალული.

ქარი შეიცვლის მიმართულებას,  
სილის კიბეთა იშლება რიგი...  
ზოგჯერ ცხოვრება ისე რთულდება,  
ვით აუხსნელი იეროგლიფი...

ციკლიდან:

„ეკატერინე ჭავჭავაძის წერილები  
ნიკოლოზ (ტატო) ბარათაშვილს  
განჯაში... 1845 წ.“  
(მოგონებებიდან...)


\* \* \*

...და მაგონდება არაგვის გასწვრივ,  
ზაფხულის ღამის ძველი ტრფიალი.  
გათენებამდე პირთამდე მასვი,  
პოეზიის და ვნების ფილა.

სული მარტოა და მანდ ვარ თითქოს,  
ვხედავ, მიზიდავს უჩინო ძალა.  
ამ სიშორეზე გულს ვინ გამითბობს,  
დატყვევებული ვარ ამორძალი...

აქ, დარბაზების მდიდრულ ბარხატებს,  
შენთან ხეტიალს ვირჩევდი ეტლით.  
სანთლებს ავუნთებ ცრემლებით ხატებს,  
უფალმა იცის, მალულად გეტრფი.

თვალწინ მაქვს ისევ არაგვის ჭალა...  
აქ, სტუმრებს ველით და მეფისნაცვალს...  
ჭალთან სანთლების ირევა ჭავლი,  
შენი ლექსებით მსურს თავის დაცვა.



### ჯამბარ უთრუთაშვილი

#### გასევდიანებს მამულის სენი

თამაზ წივნივაძეს

მტრის შემმუსვრელი, მოყვრის დამცველი,  
შენი კალამი ისევ ელვარებს,  
დედინაცვალზე დედის გამცვლელი  
რომ მოგვიმრავლდნენ, ის გამლელვარებს.  
ბასრი ხმალივით ენა კვლავ გიჭრის,  
ებრძვი ხორცმეტებს და ქვედაბუნებს,  
საკბილოს პოვნა არასდროს გიჭირს,  
რადგან ბევრი გყავს, ვინც ხალხს უგანეს.  
გასევდიანებს მამულის სენი,  
ეკლად გესობა მოყვასის ჭირი,  
შხამად შეერგოს მას დედის ხსენი,  
ვინც ვერ გაიგოს, რისთვისაც ყვირი.

#### დასჯაზნი დარდს და იარებს

ნათელა მაჭარაშვილს

ბარაქალა შენ, ქალო, დის დარო,  
მუზით და ლექსით გულდახანჯლულო,  
ლექსებით უნდა გამოიდარო,  
ლექსებში ჯერ მთლად არ დახარჯულო.  
ასეთი მწარე ბედი რად გერგო,  
ჭეშმარიტ პოეტს და სათნო დედას,  
სიკეთე გინდა ხალხს ჩაუნერგო,  
მაგრამ შენს ვარამს ვერავინ ხედავს.  
შენი დარდები მეც გადმომედო,  
ამიწყლიანდა ბებერს თვალები,  
იქნებ ჯიბეში გროშიც არ გედო,  
წუხდი ბედკრული ქვეყნის ვალებით.  
ზეობს რამდენი ბრიყვი და შტერი,  
დაფნის გვირგვინით შეამკეს ქლესა,  
წუთისოფელის გახადეს გერი,  
ვინც ხალხის გულებს სიამით ლესავს.  
რას ვიზამთ, ზოგის ბამბაც ჩხრიალებს,  
სიკეთის ნერგიც ხშირად არ ხარობს,  
დასჯაზნი ყველა დარდს და იარებს,  
ბრიყვებს ქედი რომ არ მოუხარო.

\* \* \*

ნეტავ იმდენი შემეძლოს  
ჩემზე უმწნოს ვშველოდე,  
გულს გინდა დარდი მიხრავდეს,

მტრის ჯიბრზე მაინც ვმღეროდე.  
მოყვარე აღარ მეგონოს  
ადამიანი – ჰეროდე.  
ამ ტიალ წუთისოფელში  
მხოლოდ უფლისა მჯეროდეს.

\* \* \*

„ლექსო ამოგთქომ ოხერო,“  
რომ ეგებ გამანუგეშო,  
თორემ ცრუ წუთისოფელში  
მომკლა სვლამ უგზო-უგეშომ.  
არავინ გაიზიარა  
ჩემი ფიქრი და დარდები,  
კაცი ბებერი, უფულო,  
აბა, ვის შევუყვარდები.

\* \* \*

არავისაც არა ვგეგვარ,  
არც მინდა რომ ვინმეს ვგავდე,  
დე, სანამდე ფეხზე ვდგევარ,  
სულ სიკეთეს ვთესდე, ვრგავდე.  
ჩემი ხმა და ჩემი კილო  
ჩემი ჭკვიტ და გზით ვატარო,  
რომ არავინ არ გამკილოს  
და არ ავყვე ბრიყვ-ტარტაროზს.

\* \* \*

ჩემი დღენი და მოსწრება  
ოფლისღვრით გამოვიარე,  
მშიერმა თვალცრემლიანმა  
სხვის ჭირი გავიზიარე.  
სხვის სიხარულით ვხარობდი,  
სხვისი ტკივილი მტკიოდა,  
მე არვინ მეკითხებოდა,  
ცრემლები რატომ მდიოდა.

\* \* \*

ნეტავი კაცი მაჩვენა,  
ბედზე რომ არა ჩიოდეს,  
ან მითხრას ღმერთმა გამჩენმა,  
კარგ ყმას რად უნდა შიოდეს?!

\* \* \*

დღისით მზე გეალერება,  
ლამ-ლამით მთვარე პირბადრი,  
მე გული ჯავრით მევსება,  
ბეჩავს თავს რომ არ მიყადრი.

\* \* \*

გულს ვერ მოვგვარე სიამე  
ტირილითა და გლოვითა,  
ტკივილიც ვერ დავიამე  
მამულის ძუძუს წოვითა.

\* \* \*

თუ ასცდი უფლის ბილიკებს,  
ბრიყვიც კი გაგაქილიკებს.



### ჩემი ვაშლის ხეს

შენი ლანდია თოვლზე მძინარი  
 ხევ — უცნაურო ...  
 ყური მიუგდე იის სიცილს  
 ცას — უხმაუროს,  
 ადამიანზე მეტად გესმის  
 ვიცი — სიჩუმის,  
 ჩემი ტკივილის ნაფიფქია  
 ეს ჩამი — ჩუმი ...  
 ხელში მეტევა შენი ტოტი,  
 ხევ — უცნაურო...  
 მუხლებს მიყინავს კაბა სველი  
 — აურზაურით,  
 ჩემი სითეთრის საათია,  
 დროა — გვამური,  
 დრო — ულამური,  
 დრო — უდღეურს ელაციცება...  
 შენი ლანდია, რომ იღვიძებს  
 ხევ — უცნაურო...

### თაფლო ზარიძე

\* \* \*

თენდება,  
 შველივით გამისხლტა,  
 ლამისას  
 ნაფიქრი სტრიქონი,  
 ვიჯერებ,  
 რომ ისევ მაისად  
 ამღვრეულ  
 ქალაქში გიპოვნის...  
 ვიპარავ  
 ვარდისფერ განთიადს  
 და  
 ხელის გულებში გინახავ.  
 შიშველი  
 ღრუბლები მაცვია  
 და  
 წვიმის სუნთქვაში ბინა მაქვს...  
 ვანებებ  
 გაცრეცილ მზის ტილოს,  
 ცისფერი  
 ტალახის ნარჩენებს,  
 მე  
 უნდა უმანკოდ ვიტირო  
 და  
 თოთო ბავშვივით გავჩერდე ...  
 მე  
 უნდა ვიფიფქო თოვლივით,  
 დამღალოს  
 სამყაროს ტრიალმა,  
 რომ  
 მქონდეს სამზეო მოვლილი  
 და  
 ერთი სიცოცხლე მთლიანად ...

### პოეტურ სურნელს

მუხლისთავებზე მეზრდება ყინვა  
 ნააბორტალი ჩვილის სხეულად...  
 ჩემს უთვალეზო სარკმელთან მივალ,  
 მინის სურვილში რომ გავვხვდები ...  
 ართავს ობობა მისტიურ ძაფებს,  
 რომ გაიმძაფროს წყურვილი მსხვერპლის  
 და შორით მთვარე საკმეველად აკმევეს,  
 სიტყვებს, რომლებსაც დუმილად ვენვი ...  
 შიში მაქვს სისხლის, სისხლში მაქვს ომი,  
 სული ეხება სიცოცხლის წყრომას,  
 გენში მაქვს სიო, თვალეზი მგოსნის,  
 ვარ მისტიური ქარების ქროლვა ...  
 ღრუბელი ჩემი კაბაა თეთრი,  
 ვარ დემონური მუზა ვრუბელის,  
 მხოლოდ უმაღლეს მწვერვალებს ვერწყმი  
 და ვემონები პოეტურ სურნელს ...

### ანწყოს

დგას სიჩუმე იასამნის  
 და სიმძიმე ლოცვისფერი ...  
 ანწყოს ჩრდილი მოასვენებს,  
 კრთიან დროის მოისრენი.

გუბებში რძე ჩაგუბდა,  
 ჰაერია შხამიანი ...  
 მოიკიდოს თითო გუდა,  
 ვინც ქვეყანას აშრიალებს...

გზა, გზად რჩება,  
 მრუდე, მრუდედ.  
 დაიჭირეთ მინის ჩარჩი,  
 მინა - მინას დაუბრუნეთ!

ჟამი ხედვას ანამქერებს,  
სული ძვრება ყველა სტრიქონს...  
ვერასოდეს ვერ იქნება  
ლექსი ის, რაც ჩემთვის იყო!...

თავში თავნი თავდებიან,  
ცა მტვერდება სიცრუენით,  
ვინც სიმართლის თანმდევი  
ყინულებზე აცურებენ...

ყველა მტყვანი ქადაგია,  
მზეს ამტვრევენ ღამურები,  
ღამის კოშკებს ვაქანდაკებ,  
დღესთან აღარ დავბრუნდები!...

დგას სიჩუმე იასამნის  
და სიმნარე ლოცვისფერი,  
ანმყოს ჩრდილი მოასვენებს,  
მომავალი მოიხსენით ...

მშვიდობით მინდორო —  
პეპლების გალიავ ...  
ნიაგმა სამყურას სულიდან იმღეროს,  
მზე ჩემი ვალია ...  
სიცივეს დავტყუებ უკბილო ხეივანს  
და ქარებს ვნებდები,  
და შორით მოჩანან ველური სინაზით  
აშლილი ნერგები ...  
ღრუბლებმა ფლოქვებით ცა შეაზანზარეს,  
კანკალებს ხვიარა ...  
წვიმებმა ყამირი ჰაერი გათოხნეს  
და მიწა ეამათ...  
ჩიტებმა ჟიჟივით  
კვლავაც მიაშურეს ბუდეებს ლალიანს  
იტყრონ ღრუბლებმა,  
წვიმებმა იარონ,  
მზე ჩემი ვალია ..

## შავი ტიტასავით

მოვა უნაზესი,  
შავი ტიტასავით  
თხელმხრებმოკანკალე  
სიკვდილი ...  
და მე გიშრისფერი  
გრძნობის დედოფალი,  
სიხარულისაგან ვიტყვებ ...  
წავალ ამ ქვეყნიდან  
და გზად გამაცილებს  
გუნდი იისფერი მტრედების.  
წვიმად ამოვანთხევ  
გაუტკივარებულ,  
წამით გაცოცხლებულ იმედებს ...  
წავალ,  
(არა დამრჩა  
გარდა სიყალბისა,  
დედამინაზე რომ ვიჩუქე )  
სადაც ვარდისფერი  
სხივთა მირაჟია,  
ხოდა სულო ჩემო — იყურე!  
მოდის უნაზესი  
შავი ტიტასავით —  
თხელმხრებმოკანკალე  
სიკვდილი...

## მზე ჩემი ვალია

მშვიდობით,  
მშვიდობით ენძელის სურნელო,


## ზამთარს

სადღაც შრიალებს შენი ვერცხლი  
თოვლის საბანო,  
შენი ფიქრები სპეტაკია,  
დაუსაბამო ..  
იქნებ უხეში ქარტეხილი  
შენც გაციებდეს,  
ნეტავ შემეძლოს,  
—სისასტიკეს აგაცილებდე ...

ლაჟვარდიანად  
შეიმჩნიო უნდა — ცის კარი ...  
ყოველ წელიწადს  
განმეორდე  
—დაუვინყარი ...

## ღმერთო მიყანი

ძველი ლანდი ვარ არსად წამსვლელი,  
ჩემს ნასახლართან მსუსხავს ჭინჭარი ..  
მოლოდინები დაიმსხვრევიან  
და აქ მომსვლელი არავინ არი ...  
ვხედავ — წალკოტებს ყელში ამოსდით  
მზედ მონათლული სველი გვირილა,  
ვერც მან შეიცნო ჩემი ამბორი  
და ნიავ — ქართან გამაიგივა ...  
მოვაირგვლივე ლექსი მიწიდან,  
განა მისანი —  
ვარ ანგელოზი ნათელ — ციციანა,  
ღმერთო მიცანი ...



### თემურ ჯახნაია

#### უპოეზიოდ

ქარის სიმძლავრე ვუპოვე სიოს,  
 ღრუბლიდან თქემის მომასკდა ჭავლი,  
 ცხოვრებად ვერ ვთვლი უპოეზიოდ  
 გაცვეთილ დღეებს, ულექსოდ ჩავლილს.  
 ხშირად ვმასპინძლობ მაჟორს და მინორს,  
 შევხარი ზუსტი რითმების ვარვარს,  
 სტრიქონი უკრავს მზის ვიოლინოს,  
 ლექსებს ვწერ, მაგრამ პოეტი არ ვარ.  
 შევდივარ წლებში ბრმა დროის ეტლით,  
 მთრგუნავს ცხოვრება კუმტი და მკაცრი,  
 მე ყველა ლექსში სინრფელეს ველტვი,  
 მგოსნებს დროის ღრმა საცერი გაცრის.  
 თავს წერით დაღლილს ვგრძნობ ქაოსურად,  
 ვიხადე ლექსთა ძვირფასი ხარკი,  
 ვუმზერ დღენაკლულ ცხოვრების სურათს,  
 რომ მჭყლეტს მტევნისებრ ბედის ჭახრაკი.  
 ვაფრქვამ ბნელში შუქი მზის ჭალმა,  
 ცივ მინას შეხვდა სხივები მზიდან,  
 სიკვდილი თუკი მომართავს ჩახმახს,  
 მე პოეზიის საუნჯე მზიდავს.

#### განწყობილება

ყველა ნავიდა და  
 შემოვრჩი მთვარის ამარა,  
 შმაგი პეგასი მღვრიე  
 ღამეს უფროთო, უბელო,  
 ჩემი ოთახი-პოეტური  
 სევდის სამარე,

რომელშიც ვწევარ,  
 როგორც ცაში მარტის ღრუბელი.  
 ხელს ვაფათურებ  
 ბლოკნოტებში, ყვითელ  
 ქალღებებს, მორიგი ლექსის  
 ემოციად დავენერები,  
 ჩუმად ვლოცულობ,  
 თავდახრილი ღმერთს შევლაღადებ,  
 ბროლის ჭიქაში  
 იები და ენძელები.  
 მე საკუთარ თავს  
 სარკაზმით რომ გავაქილიკებ,  
 მჩატე სხეული  
 უძილობით მომეთენთება,  
 განთიადისკენ შევუყევი  
 ღამის ბილიკებს  
 და აივნიდან ვაკვირდები,  
 როგორ თენდება.  
 სრულდება დილის მოკლე  
 კადრი და ზანტი ტემპით,  
 ცაზე ნისლები  
 გამოდიან უშნო ტიტრებად,  
 თითქოს ნეკნებზე დამაჭირა  
 სამყარომ ტერფი,  
 მოვიდა მძიმე კაემანი და გაფითრება.

#### ნიკო ფიროსმანს

ღარიბი მხატვრის ნიჭს  
 ხედავდნენ ადრეც მკაფიოდ,  
 ნიკოც ხატავდა ერთი  
 ჭიქა ღვინის სანაცვლოდ,  
 ყველა შედევი საფირონის  
 ცაზე გავფინოთ  
 და – „ფიროსმანი“ ხმამალა და  
 რიხით დავმარცვლოთ.  
 ის ძუნწ თავადებს უხატავდა,  
 თურმე სურათებს,  
 მაინც არავის უხაროდა  
 მხატვრის აღმასვლა,  
 მაგრამ დრო-ჟამი ბნელ  
 გონებას ყველას უნათებს,  
 კიბის ქვეშ ფიქრით,  
 მან აიგო ოქროს ქარვასლა.  
 ღვთითნასწავლ მხატვარს  
 არ გადარებ და ვინჩს, რენუარს,  
 შენ სიდუხჭირემ ვერ დაგჩაგრა,  
 დიდო ფერმწერო,  
 ტანშიშველ ქალებს კირით  
 აცვამ ღამაზ პენუარს,  
 დიდების ხეზე შენ  
 გეკუთვნის მხოლოდ კენწერო.  
 თუ ხელოვანი ცივ ალკოჰოლს  
 ფიქრთან მიიტანს,  
 რომ გზები გახსნას  
 დარდებიდან გამოსასვლელი,  
 ახლაც სავსეა დუქნები  
 და გულქვა მიკიტანს



კოეზის

გული არ უზამს დაენანოს  
შენთვის სასმელი.  
ნიკო ხატავდა მშვიერი და  
მთვრალი, ნახატებს,  
ბევრი ბრძენკაცი იგერიებს  
ღვინით კაეშანს,  
როგორც ჯერ დღეა, საღამოს  
კი უნდა დაღამდეს  
და სივრცის შუქი დედამინას  
ზურგზე დაეფშვნას.  
აღბათ ის ახლაც ნამთვრალევი,  
სადმე ღვინოს სვამს,  
ხელში უჭირავს დაღეული  
ფუნჯის ნამტვრევი,  
ჟამი ვერ მოკლავს ხელალებით  
ნიკო ფიროსმანს  
და ჩვენს გულებშიც  
არ კვდებიან დიდი მხატვრები.

ჩემო სოფელო

სხედან გლეხები და ხარობენ მორჩენილ მოროდს,  
ქორფა აღერდმა შეაფრქვია მშვიდ ცას აღმური,  
ცხოვრების ხნულში დღე არ გადის უიუმოროდ,  
შაშვის გალობა მესმის, როგორც ხმა საღამურის.  
გრძელ ტალავერზე დაქანაობს ზანტად კიმელი,  
ნედლი მინდორი უმასპინძლებს უბელო ჭაკებს,  
მნატრობს სოფელი, სათნო დედა, ვიცი, კი მელის.  
ჩხენიშის ქარი ნისლებს აშლის, ზეცის ლეჩაქებს.  
ვხედავ, ჭალაში მარჯვე კაცთა გამრჯე ლეგიონს,  
ვერხვის გრილ ჩეროს შეეფარნენ და სხედან გარეთ,  
მამაჩემს, ვგრძნობ, რომ უსურდოს და უაღერგოს  
ძარღვში უღელავს წითელ ღვინის ღრმა სიანკარე.  
სექტემბერში რომ კუხე მტევენებს ამნიფებს ზვარი,  
რკინის ჭახრაკში გავატარებთ ყურძნიან კუფხალს,  
ქუში ღრუბელი ფრთებს გაიშლის-უენო მგზავრი,

ზეცის ბუდეში ქათამს მოჰგავს, კუმტი, ნაკრუხალს.  
დაჭყლეტილ ჭაჭას საწინახელში ერთბაშად ჩავყრით,  
ათი დღის შემდეგ გადავწურავთ ღვინოს ყვიბარში,  
უსკდებათ ჭუკებს ცხელი კლერით სავსე ჩიჩაყვი,  
„კუხნის“ წინკარში შემოსულებს უმაღ ვყრი გარეთ.  
მინდვრიდან მხდალი ბელურები აშალა შურამ,  
რკინის მესერთან მზე შეათბობს ტურფა ენძელებს,  
მე ძმაბიჭებთან ლხინით დავლევ ცივ შალამურას,  
საქართველოს და გლეხის მარჯვენს სულ ვადღეგრძელებ.  
ვიხსენებ ახლა ნალვლიანი ცელქ სიჭაბუკეს,  
ასეთ ფიქრებში მივეცემი ტკბილ განცდის მაჟორს,  
თუ ქართველი ხარ, უნდა გქონდეს მხნეს სიჩაუქე,  
ჩემო სოფელო, რა ახლოს ხარ და თანაც რა შორს.

ჩემს სიყვარულს

ღრუბელი – ქუფრი ორთქლის საცერი,  
ზეცის სიზღანტემ, თეთრად გაცრიცა,  
ბნელი კოსმოსი ჩანს, ვით კარცერი.  
წარმტაც ფანტელებს, როცა გაცრის ცა  
შენ მოხვალ ჩემთან – ზღაპრული ელფი,  
გზას გაგიბრწყინებს ციდან ისიდა,  
მოხრილი მთვარე, როგორ ჰგავს დელფინს,  
ცა გრანელივით გვიხმობს, გვიზიდავს.  
ტრფილის აღმა ეს გული დანვა,  
შენ მატორტმანებ, როგორც ქარი, ზღვას,  
მოვიდა თოვლი და გზებზე დანვა,  
ტყემ იგრძნო ქარის შფოთვა და რისხვა.  
ქრისტეს უჭირავს ჯვარი თითბერის,  
და თითქოს ჩვენ ორს მოგვიხმობს ტაძრად,  
როგორც ლოცვისას შუბლზე თითბერი,  
მივიდებ კალამს და სტრიქონს დავძრავ.  
გარეთ კი ბარდნის, თოვლი, ვით ბამბა,  
და მთები იცვამს ნისლის ბიალონს,  
ყველა გაიგებს, ამ ფაქტს, ამ ამბავს,  
მზად ვარ მუდამ ჟამ რომ გეტრფიყო.



იოსაბ ბავნიძე

ჩოლოყაშვილს

სიზმარი ვნახე ნუხელის,  
ახსნას მპირდება მსაჯული,  
ისმოდა მთების ქუხილი,  
უნუხდათ გული ტანჯული.  
თეთრი მანქანა მიქროდა  
კავკასიონის თავებზე,  
უცხო ცხედარი მიჰქონდათ –  
ზემით ასაფლავებდნენ.  
თოვლიან მთების ქვედა ზღვარს  
მწვანე გასდევდა სავერძეთს,  
ვარსკვლავთა დასი ცეკვავდა  
ბრწყინვალე მთების თავებზე.  
გამომეღვიძა, ვინამე,  
რასაც უსირცხვოდ მაღავდნენ.  
მთანმინდის ნათელ მინაზე  
ჩოლოყაშვილსა კრძალავდნენ.



### ნათა ჰარადა

### უშვილო ნინა და მართა

როგორ იყურებოდა შილდის სახლში,  
 დედაჩემის დედინაცვლის მხარეს,  
 უფანჯრო ოთახის ირმის თავიანი კარადა,  
 კავკასიონის ქედით დაქრუშული,  
 ჭინკებშეჩენილ კავკასიონის ნისლით გაბრუებული.  
 აივანზე, ადუღებულ რძეში ვცურავდით,  
 სადაც სუსხი მწვერვალებზე  
 დადებული უკვდავი თოვლის სითეთრთით  
 გვეხვეოდა და გვწვავდა.  
 ცეცხლზე და ყინულზე  
 ერთნაირად გინითლდება ხელ-ფეხი,  
 ერთნაირად გვწვავს ორივე –  
 ცეცხლიც და ყინულიც.  
 ნინა პაპაჩემის მესამე ცოლი,  
 სომხის ოქროსკბილა ქალი,  
 უცნაური სიცილით ჩემდანახავი, უშვილო.  
 ის ცოცხალი იყო, როცა ერთ აღდგომას,  
 როცა 18 წლის მონიფული ქალიშვილი გახლდით,  
 წავედით მე და დედა შილდაში,  
 დედის მშობლების საფლავებისთვის  
 ნითელკვერცხებიანი  
 და სანთლებიანი მოწნული კალათით.  
 დედაჩემი - ნითელქუდა,  
 სასაფლაოს გზაზე ნითლდებოდა, ლუოდა,  
 სიხარულისგან.  
 დღეების დარჩა თავის დედას,

დედამისი სისხლისგან დაიცალა,  
 მდინარეზე რეცხავდა ჩვილის საფენებს და  
 ისე გაცივდა, 28 წლისამ მიატოვა სამი პატარა.  
 დედაჩემს მივყავარ ნაბოლარა,  
 დედაჩემი ულიმის მამამისს,  
 დედა მისთვის კი ისევე უცნობია.  
 იმ საფლავზე თითქოს მოვინათლე,  
 ხელისგულებით წამოვიყოლე სინათლე და  
 საფლავიდან ფოსფორით ამოსული  
 პაპ-ბებუის სითბო.  
 უკან მობრუნებულეებს,  
 ნინა დაგვხვდა ბოსტანში,  
 გოგრისხელა პომინვდრებიდან ოქროსკბილით  
 ილიმოდა ჩვენ შემხედვარე.  
 იმ ღამით,  
 ისეთ ფუმფულა ლოგინში დამაძინეს,  
 დედამ და დედინაცვალმა,  
 საწოლის ქვეშ სიმონა პაპას მოკლული დათვი  
 მენვა და მდარაჯობდა,  
 მზემ გამაღვიძა, მომდგომოდა, რომ დილით,  
 თავისთავად მეთქვა:  
 – ასე კარგად არ მძინებია –  
 ნინას სახე აუვარდისფრდა.  
 და, როცა ჩემი ბავშვობის სკივრში თავით ვეყუდები,  
 თითქოს პურებს ვაკრავდე გახურებულ თონეს,  
 ხელები მენვებოდეს და სახეც,  
 ამოდის ხოლმე მართას სახეც.  
 მართა ბებიაჩემის დედინაცვალი,  
 დიდ პაპის მიხას მეორე ცოლი, ისიც უშვილო.  
 ახალსოფლის კარალიოკების ხეებში მჯდარი,  
 სიბერისგან გამოჭმული გულით,  
 როგორ ასწია გამობრული მკლავები და  
 უკბილო სიხარულით ჩამეხუტა:  
 – ისე არ ვკვდები, ეს ბალლი ახლა  
 ღმერთმა მაჩუქა.  
 ისე გამაცია, ერთიანად ავკანკალდი.

### იყიდება სახლი

ფშავი ქალია,  
 დედაბრული სიჩუმით მდგარი,  
 მამისეულ ხის მოხრილ სახლის  
 მოლიავებულ ჭიშკართან და დოინჯშემოყრილს,  
 მხრებზე, ბუერა ბალღებივით,  
 მთებს ადენილი ნისლი შეუსვამს.  
 დაბალ-დაბალი ვაშლის ხეების  
 გასწვრივ, სავსე ფურის ჯიქანივით, რძეგამოსულ  
 მსხლის ყვავილობას  
 ისე ასცქერის, თითქოს ვაჟმა  
 პატარძალი შემოაგელვა.  
 ლელვის ბუჩქებს კი,


უყვავილოდ და თავდაპირველად,  
ნაყოფთ გამოსხმულთ,  
ვარდიტაბლობას, ღელვით გამოკრეფს,  
დამწიფებულნი, ძველ სკივრებში ისე ჩაფუთნოს,  
თითქოს საზამთროდ, მადლი უნდა გამოიზოგოს.

ფშავი ქალია,  
დედაბრული გულმოდგინებით,  
მინდორზე მოკრეფს ნაირფერად მოჩითულ ბალახ-  
ბულახთ და სახლის ჩრდილში გაახმობთ.  
უცბად რომ სოფლის იშვიათ მცხოვრებს,  
სამთვარეულომ წამოუაროს,  
მცენარეებს წამოადუღებს სულზე  
სალბუნად რომ დააფინოს,  
სიცარიელით დარდგაღვივებულ გამვლელ-გამომვლელს.

ფშავი ქალია,  
მთათ განაბულ ღვთისშვილთა დაბლობს,  
მამისეულ ხის სახლსა სახლობს.  
დევის გმირებთან ნაბრძოლებთან,  
კაცთა სულელების შემგროვებთა,  
მიდგომილ ქალთა დამხმარეთა,  
მარტო სულელების შემჭირვეთა,

მარიამწმინდა, იახსარ, კოპალა,  
საფშავლოს დაბრძანებულთა,  
ერთქალას საქონელს მიმხედავთა,  
მის სახლის ბანს ჩამომსხდარხართ,  
დედაბერი შინ არ გახლავთ,  
ქრისტეს დედის მოსალოცად  
საყდარს, წირვას  
წასულია,  
დამცხვარ ქალებს კიდობანში,  
თიხის დოქში ცივ-ცივ ღვინოს  
ალბათ თქვენს სახელზედ ნახავთ.  
გაიხარებს, რომ გაიგოს,  
მის სახლს უფლის სტუმრებია.  
ფშავი ქალია,  
მოხუცია.  
მოღიავებულ ეზოს ჭიშკართან ხელის მოჩრდილვით,  
თაემალთ მდგარი,  
მხრებს ბაცალიგოს ნისლი, დობილივით შემოხვეული.

სიჩუმეში თუ ატყდა ქარი, გულზე აბრა: „იყიდება სახლი“,  
ხევისბერის თავსაფრებიან, ნაირფერა დროშასავით  
ზანზალაკების ხმით გადაივლის,  
მთებსაც, ხატ-ჯვრებსაც.



გიორგი ნიალაური

\* \* \*

იქნებ მომიყვე, გაზაფხულამდე  
როგორ სციოდა პატარა სხივებს,  
როგორ ნატრობდა, როგორ უყვარდა,  
სიცოცხლისაგან გადაღლილ ხნიერს.  
მათრობს და მკოცნის, უკვე კისერთან,  
ახლად შეშლილი სხივების კონა,  
მინდორზე, ცვრიან ბალახის სურნელს,  
შეყვარებია მოლურჯო დილა.  
უკვე მრავალჯერ გაღიმებული,  
მივინყებული პოეტივითა.

დილა ახალი პაემნების და,  
დილა ახალი სიყვარულისა.

### სხეულზე სურნელი არ დაგრჩეს...

დამალე ახალი ნაყიდი ქოშები,  
ვინ იცის მეუღლემ იეჭვოს რაიმე,  
არ გინდა, გულსაბნევს ნუ ჩამოიკიდებ,  
გააქრე, შე ქალო, ან სადმე წაიღე.  
დაბრუნდი დროულად და სახლში მისულმა,  
წყლით ჩამოირეცხე სხეულზე სურნელი,  
არ დაგრჩეს სინითლე კისერზე კოცნისგან,  
არ არის ნამდვილად ეგ კაცი სულელი.  
სახელი მრავალჯერ, მრავალჯერ წარმოთქვი,  
კოცნისას სხვისი რომ არაფრით წამოგცდეს,  
მიყვარხარ, კანკალით აჩუქე ალერსი,  
რომ როგორც არასდროს არაყით გამოთვრეს.  
წაშალე ლექსები, არ დაგრჩეს ფეისზე,  
გალანძლე ცხოვრება ორგული ქალების,  
და როცა შეატყობ ღრმად ჩასძინებია,  
დაიწყე სიცოცხლევ გადახდა ვალების.  
დამალე ახალი თვალების კაშკაში,  
და ძველი ნიღბიდან მოირგე ღიმილი,  
მზრუნველად უსწორე საყელო პერანგის,  
სახლიდან გავა და მობრუნდეს ვინ იცის.  
დამალე ახალი ნაყიდი ქოშები,  
ვინ იცის, მეუღლემ იეჭვოს რაიმე,  
არ გინდა, გულსაბნევს ნუ ჩამოიკიდებ,  
გააქრე, შე ქალო, ან სადმე წაიღე.



ქარა გელაშვილი

ჭანუ

ს მაურით გაიღვიძა დედაქალაქმა. ათასობით ადამიანმა კიდევ ერთხელ უთხრა ღმერთს მადლობა მშვიდობიანი დილისთვის. ზოგს კი, საერთოდ არ გახსენებია უფალი! უმცირესობისთვის კი, იქნებ არასოდეს არ არსებობდა, ან არ აღიარა, რადგან ვერასდროს იგრძნო მისი არსებობა!... დილა დილაა, როგორც სიკვდილი, ისიც არ არჩევს ადამიანებს. წარმომიდგენია რაც მოხდებოდა ერთეულებისთვის რომ თენდებოდეს! ღმერთმა დაგვიფაროს! მხოლოდ ბუნებრივი მოვლენები ვრცელდება ჩვენზე თანაბრად! მხოლოდ უფალი არ განგვასხვავებს არც სქესით, არც სოციალური მდგომარეობით, არც განათლებით...

ასე თენდება სოფელშიც. თუმცა, მისგან განსხვავებით ნაკლებად რომანტიულია დილა ქალაქში. მალვიძარას მოვალეობას არ ასრულებენ ბიბლიოდანითლებული მამლები, არც ჩიტების საამო ჭიკჭიკი ავსებს სულს სიამით, არც მხიარული გადაძახილები ისმის – მისალმებას რომ მოსდევს ხოლმე მეზობლებში. მაგრამ თბილისი მაინც თბილისია, ძლიერი რიტმით და იმედიანი ხვალით! თუმცა, აქაც და იქაც, ერთნაირად ფიქრობენ ადამიანები, ერთნაირად ნუხან, ერთნაირად უხარიათ. სამწუხაროდ, არის რალაც, რაც ინდივიდიალურობას ემორჩილება და რატომღაც სხვადასხვაგვარად ესმით. იყო დრო, როცა ასე არ იყო, მაგრამ, სამწუხაროდ, დრომ მოიტანა, ასე არის და, ასე იქნება!...

ტიპიური თბილისელია გიორგი. მოაზროვნე, თანამედროვე. აქ დაიბადა, აქ გაშალა ფრთები მისმა სიჭაბუკემ. თბილისით სუნთქავს მისი წარსული, აწმყო და მისი მომავალიც ისაა. საბავშვო ბაღში შექმნილი მეგობრებიდან დღემდე შექმნილი უახლოესი ადამიანებითაა სავსე მისი სამყარო. ყველა სიკეთეს ყოველთვის თბილისს მიანერდა. თითქოს რომ არა ის, არც სიყვარული ეწვეოდა

და ვერც მამა გახდებოდა ვერასოდეს... ეს, ამ მინამ ჩაიხუტა მისი მშობლებიც... ჯერ მამა, სულ ახლახანს კი-დედა. ქალი, რომელიც დედაბოძად იდგა მის სამყაროში და, გამოეცალა...

თოთხმეტი წლისამ, მამის ცხედართან მდგომმა იგრძნო, რა უსუსური იყო თვითონ და რა დაუნდობელი ცხოვრება. ამაოდ შეჰყურებდა ყველას მუდარის თვალით-მამა ვერავინ დაუბრუნა! მამის თავისუფალ სანოლში დაკოდლი გული ჩაანვინა და დიდხანს, დიდხანს აღარ გაუღიმა. დედამ სასწრაფოდ მოირგო ღიმილის ნიღაბი და მისი მეშვეობით, სახლის ყველა კუთხიდან, უკვალოდ გაქრა მარტოობის აჩრდილი. დედის დახმარებით დაძლია სიკვდილის სიახლოვით გამონვეული შიში და ტკივილი. მდგომარეობიდან გამოიყვანა და ხალისი დაუბრუნა. მერე გაცვალეს როლები, მაგრამ...

ახლა დგას დედის ბორცვიან საფლავთან. აქვეა მამაც, მაგრამ რატომღაც გრძნობს, რომ მამა ძალიან შორსაა, დედა კი, აქვე, თითქოს ხელის შეხებაც შეუძლია... თბილად მოკალათებულა მის სულში... მისი სუნთქვაც ესმის და მისი სურნელიც ძველებურად ავსებს... მხოლოდ ცივი ქვიდან მომზირალი სევდიანი თვალები უმღვრევს გულს. იქნებ სჯობდა, მხოლოდ ჯვარი ყოფილიყო აღმართული საფლავზე და სხვა არაფერი!...

დღეს ხარებაა-შვიდი აპრილი. დედის დაბადების დღე. დილით მთელი ოჯახი ტაძარში იყო. პანაშვიდი გადაიხადეს. ცოლ-შვილი შინ მიაცილა, თვითონ კი, რატომღაც, მარტომ ისურვა მშობლების საფლავზე მისვლა. ასე მეტად თავისუფალია. ხმამაღლა შეუძლია ესაუბროს, მხოლოდ და მხოლოდ შვილი ერქვას...

მამის საფლავის ქვიდანაც შუბლმეკრული მამაკაცი უმზერს. რატომღაც ეჩვენება, თითქოს მამის წყენის თვალების ობიექტი მხოლოდ ისაა.

კაცი ფიქრითაა და ისიც ხშირად ფიქრობს. ფიქრობს მშობლების დამოკიდებულებაზე. მათ სიყვარულზე და ურთიერთპატივისცემაზე... არასოდეს ყოფილან მდიდრები, მაგრამ უსაზღვრო იყო მათი ბედნიერება. არც ქონებით ასულან ცამდე და არც არქონით დამარცხებულან. სხვისი სიკეთით ტკბობა იყო მათი სიმდიდრე. ასეთივე ადამიანებთან მეგობრობდნენ და სულიერი სიმდიდრით ყიდულობდნენ სიმშვიდეს, რაც ბევრისთვის მთელი ცხოვრების მანძილზე, ხელმიუწვდომელია. მათთვის, ტკივილიანი თემა, მხოლოდ ქვეყნის ბედ-იღბალი იყო, რომელიც მარწუხებში გმინავდა და ვინ იცის, თავს როდის, ან რის ფასად დაიხსნიდა. ასე გადიოდა დრო, შემოდგომას ზამთარი მოსდევდა, ზამთარს - გაზაფხული, გაზაფხულს ზაფხული და ისინიც თავისი დანაზოგით ყოველთვის ახერხებდნენ ქალაქიდან გასვლას. თვლიდნენ, რომ ეს იყო ისევე აუცილებელი, როგორც წყალი და ჰაერი! თითქმის საქართველოს ყველა კუთხე მოინახულეს, სალოცავები მოილოცეს. მამა ამბობდა: ჯერ შენი ქვეყანა უნდა გაიცნო და გარეთ მერე უნდა გაიხედო. ყველაზე კარგად შოვში გატარებული დღეები ახსოვს. ბოლო ზაფხულიც, რომელიც მამასთან ერთად გაატარა, შოვს უკავშირდებოდა... საღამოობით მირზა გელოვანის ლექსებს უკითხავდა დედა და მასზე ესაუბრებოდა. ასევე გამოჩენილი ადამიანების ცხოვრების ტრაგიკულ შტრიხებზე ამახვილებდა ყურადღებას და ბოლოს ასე დასძინდა: სრულყოფილი ბედნიერება არ არსებობს, აი, ასეთი ადამიანებიც კი, როგორი ტკივილით ცხოვრობდნენო... ასეთი იყო დედა. ამიტომაც,

რომ ყოველი წინ გადადგმული ნაბიჯი და სინათლე დედასთანაა დაკავშირებული. ყოველთვის, კრიტიკულ სიტუაციაში, მამის სიძლიერისა და და დედის დიდსულოვნების შენარჩუნებას ცდილობდა. დედის სინათლე კვებავდა მის სულს და ყოველთვის გრძნობდა მის სიახლოვეს. შოვი... შოვი გარკვეულწილად შემოიჭრა მათ ცხოვრებაში. ლამაზი იყო დედა, ხორბლისფერი პირისახისა, საშუალოზე ოდნავ მაღალი. ყოველთვის კოხტად და გემოვნებით ჩაცმული. ძაძა არ უყვარდა. ახალგაზრდა ქვრივმა შავები სამოთხ ნელინადმი გაიხადა. „გულია მთავარი და არა სამოსიო-ამბობდა. გიორგიც ასე თვლიდა, რადგან არ ეგულებოდა ქვეყნად ქვრივი, რომელსაც მისი დედისებრ, ღირსეულად შეეძლო ეტარებია ტვირთი მარტოქალობისა თუ დედობისა. საბავშვო ბაღის ამღვრდელი ხელს არ უშლიდა ექარგა, ეხატა. ყოველივე ეს კი, საზოგადოების გარკვეულ ფენებთან აკავშირებდა. დედის აქტიური ცხოვრება ძალიან მოსწონდა გიორგის. თვითონაც სულ მის გვერდით იყო, მაგრამ ხანდახან, როცა თავს ოჯახის ერთადერთი მამაკაცის ამპლუაში მოიაზრებდა, ეჭვის ჭია აულიტინდებოდა და აფხიზლებდა. თუმცა, არასოდეს, გარდა კეთილშობილებისა და სისპეტაკისა, სხვა არაფერი დაუნახავს დედის ღრმა, თაფლისფერ თვალებში. წლებმა თავისი თქვა-ოჯახი გაიზარდა, შეივსო... აჭიკჭიკდნენ ბავშვები და სწორედ მაშინ, როცა ვალმოხდილ ქალს ბედნიერად უნდა ეცხოვრა, იგრძნო, რომ შინაგანად გამოიფიტა. ამკარად მოეშვა, ფიქრს დაემონა... სადაღა იყო ის ბობოქარი ქალი, რომელიც ცხოვრების ყველა დარტყმას გონივრულად იგერიებდა და დაჩოქების უფლებას არ აძლევდა არც თავს და არც მის გარშემომყოფებს. გაქრა თვალში სხივი, სახეზე ღიმილი... მისმა მდგომარეობამ ოჯახური იდილია დაარღვია და გააუფერულა. ექიმები მის სულიერ დეპრესიაზე საუბრობდნენ და შენუხებულ შვილს აიმედებდნენ, რომ დედა სავსებით ჯანმრთელი იყო და მის სიცოცხლეს საფრთხე არ ემუქრებოდა. ეს არაფერი ნუგეში იყო, რადგან მშობლის ასეთი ამო ყოფა გულს უკლავდა და არ იცოდა რით მიშველებოდა. არც ქალაქგარეთ გასვლამ, არც მონატრებული ნაცნობ-ნათესავების მონახულებამ, არც საჩუქრებმა და ვერც ხვეწნა-მუდარამსაკუთარ თავს მოერიეო, ვერაფერი შეცვალა. გიორგიმ უახლოესი მეგობარი მოინახულა. გამოცდილმა ფსიქოლოგმა მისი სულიერი მდგომარეობის ახსნა დაიწყო: წარსულში განცდილი ტკივილი და სიხარული ახლა ამოლილა, გარს შემოჯარვია და ანწყოს სწყვეტს. ხშირად ხდება, წარსულით ცხოვრობენ და ანწყოს ეთიშებიან... რამ შეიძლება დააკავშიროს აწყმ-წარსული?! უნდა ვიფიქროთ... ეს პირველი პრობლემა იყო მის ცხოვრებაში, რომელიც დედის გარეშე უნდა მოეგვარებინა. პრობლემა, რომლის ატანაც გიორგის აღარ შეეძლო. ერთ საღამოს ახლობლებმა მოინახულეს თამარი. საუბარში შოვი ახსენეს, – ამ ზაფხულს შოვში დავისვენეთო. კმაყოფილები იყვნენ. ამდენხანს მდუმარედ მყოფმა თამარმა, შოვის ხსენებაზე, რამოდენიმე კითხვა დაუსვა ახლობლებს. ბოლოს ამოიხრა და დასძინა-ბევრი კარგი მოგონება მაკავშირებს ქუთაისთან და შოვთანო... მერე ისევ სივრცეს გახედა და ჩაფიქრდა... გიორგის არ გამოპარვია დედის ნუთიერი გამოცოცხლება. „წარსულით ცოცხლობს...“ გაიფიქრა და... შოვი... „ყველაზე უკეთ თავს იქ ვგრძნობო“-იტყოდა-ხოლმე დედა. მისი მოგონებები ბავშვობიდან უკავშირდებოდა შოვს. რამოდენიმე მეგობარი ქალიც სწორედ იმ ლამაზი წარსულიდან მოსდევდა. ისინი თავს არ ანატრებდ-

ნენ დედას. ასე, რომ... კიდევ ერთი საინტერესო პიროვნება გაიცნეს და დაიმეგობრეს შოვში. ეს იყო ქუთაისელი ძია ალექსი. ძია ალექსს, რომელსაც უფრო ხშირად საშასაც ეძახდნენ, მარჯვენა ფეხი ავტოკატასტროფაში დაუკარგავს. ადვილი წარმოსადგენია, რამხელა ტრამვა იქნებოდა ოცდაორი წლის ახალგაზრდისთვის ინვალიდობა. არც დაოჯახებულა და თითქმის ყოველ ზაფხულს, როცა შოვს სტუმრობდნენ, ძია ალექსიც იქ ხვდებოდათ. ყოველთვის ივლისის მხურვალე მზე იყო მათი მასპინძელი. „ფეხი და სიყვარული ერთად დავკარგეო“-სევდიანი ღიმილით იტყოდა-ხოლმე ძია ალექსი... თუმცა კი, სიყვარული ჩემი დაუდევრობითო-დასძენდა-ხოლმე ბოლოს. იგი მთელ დღეებს ბავშვების გვერდით ატარებდა. ყველაფერს იხსენებდა, რაც კი საინტერესო გადახდებოდა ან მოესმინა ვინმესგან. თითქოს არაფერი ანუხებდა-სულ იცინოდა, ხუმრობდა, ნარდს აგორებდა... თვითონაც ხალისობდა და დამსვენებლებისთვისაც წარმოუდგენელი გახდა შოვი ძია ალექსის გარეშე. განსაკუთრებული დამოკიდებულება ჰქონდა გიორგისთან. გვერდიდან არ იშორებდა. არიგებდა და უფრთხილდებოდა. გიორგიც სულ მასზე საუბრობდა, შინ ხშირად იმეორებდა ძია ალექსის მონათხრობ საინტერესო ისტორიებს და წუთს არ კარგავდა, ისევე მისკენ მიემუქრებოდა. – ჰო, არ გამოცვლილა, ადრეც ასეთი იყო!... ისევე ისეთი ხალასი და მხიარულიაო-თქვა ერთხელ დედამ. -ადრეც იცნობდი?-თვალეები აუციმციმდა გიორგის. -განა წინა წლებში არ ვიცნობდით?!-გაელიმა დედას და ლანვეები შეეფარკლა. მან სხვა წვრილმან-მსხვილმანთან ერთად ისიც გაიხსენა, მამის იქ არყოფნის პერიოდში, ვარდების დიდი თაიგული რომ გაატანა დედასთან ძია ალექსმა ბარათით: „თბილისის უჭკნობ დედოფალს დაძმური სიყვარულით! – ალექსი“ დედამ მიიღო ვარდები, მაგრამ არაფერი უთქვამს. გიორგიმ ბავშვებთან თამაში განაგრძო. ძია ალექსი რომ არ გამოჩნდა, ბინაში მიაკითხეს ბავშვებმა. კარი ღია იყო. ძია ალექსი პირაღმა იწვა, თითქოს ეძინა. ბავშვების ხმაზე წამოიწია და ნაძალადევად გაიღიმა. გიორგის მოეჩვენა, რომ ნამტირალეები თვალეები ჰქონდა ძია ალექსს. იქნებ ისიც მოეჩვენა, რომ მაგიდაზე სწორედ ის თაიგული იდო, ცოტახნის წინ რომ დედასთან გაატანა... შინ დაბრუნებულ გიორგის დედისთვის არაფერი უკითხავს... ერთხელ, უკვე თბილისში ყოფნისას, შოვში გატარებულ დღეებზე რომ საუბრობდნენ, გიორგიმ სხვათაშორის იკითხა: ნეტავ ვინ უყვარდა ძია ალექსს და რატომ ამბობდა-ფეხთან ერთად დავკარგე სიყვარულიო? -ალბათ ფეხის გამო თვითონვე უთხრა უარი სიყვარულს, ეგონა, ასე უკეთესი იქნებოდა ორივესთვის... -თითქოს თავის თავს ესაუბრებო, ჩაილაპარაკა დედამ. -რალაც შენ და დედაშენი ძალიან დაგაინტერესათ ძია ალექსის ბედმა, არა?-გაზეთის ზემოდან ღიმილით გადმოხედა მამამ გიორგის. საუბარი შეწყდა. მას შემდეგ, ძია ალექსზე, აღარც უსაუბრიათ. ათეული წლები გავიდა და აი, რატომღაც ისევ ძია ალექსს დაუბრუნდა მისი ფიქრები. ასე სწრაფად ჯერ არცერთი გადანყვეტილება არ მიუღია! მორჩა, აუცილებლად უნდა მოძებნოს ძია ალექსი. უნდა გაიგოს, სადაა, როგორაა... ჯერ კიდევ არ იცის რისთვის, მაგრამ გულის კარნახით უნდა იმოქმედოს! გული არასდროს ღალატობდა და თუ ყური არ ათხოვა მის ხმას, იცის, ინანებს... ინტერესი გაუათმადგა! უნდა იპოვნოს!..

და რაც მაშინ არ იცოდა გიორგიმ, დედის გარდაცვალების შემდეგ მის გაცრეცილ უბის წიგნაკში ამოიკითხა...


გიორგი მზად იყო, ძია ალექსის მოსაძებნად მთელი ქუთაისი ფეხდაფეხ შემოეფლო, მაგრამ არ დასჭირდა. საოჯახო ალბომში იდო რვეული, სადაც თითქმის ყველა მეგობრის მისამართებს შორის ძია ალექსის მისამართიც იყო ჩანიშნული. ბუკიას ქ. N13 გულგახსნილი მეგობარივით შეხვდა ძველი კოლხეთის სამეფოს დედაქალაქი. მრავლისმთქმელი- ბაგრატის ტაძრის ნანგრევებით, გელათის მონასტრით, გეგუთის სასახლით, სათაფლიის მღვიმური ნაკრძალით... ძველი დიდების ელფერით გაციცკროვნებულიყო ერთ დროს გაერთიანებული საქართველოს სატახტო ქალაქი.

ამაყად მიაბიჯებდა თავისი ქვეყნისა თუ პირადი წარსულით სავსე გიორგი და ისეთი გრძნობა ჰქონდა, თითქოს ქუჩები ერთმანეთს შერწყმოდნენ, გაერთიანებულიყვნენ და იქ თავდებოდნენ, ვისი მისამართითაც ახლა იგი მიემართებოდა. „მთავარია, კარგად იყოს!..“ იგრძნო, ძია ალექსთან ერთად ბავშვობას ეძებდა და აუცილებლად უნდა ეპოვნა, აუცილებლად!.. ვერ იცნო! წლებს დაუნდობლად გაეძარცვა ერთ დროს სიცოცხლითა და ხალისით სავსე ადამიანი. თუმცა, არც დავრდომილს ჰგავდა და არც დაუძღურებულს... გაოცებული დარჩა ძია ალექსიც: „შენა ხარ, ბიჭო? მართლა შენა ხარ?! რა გადაწყვიტე, გინდა ჩემს მხრებს გაცვეთილი და უფერული ნაბადი მოხსნა, ხომ?“ -ძია ალექსმა გაიცინა და ამ სიცილით ისევ იმძია ალექსად აქცია, გიორგი რომ იცნობდა. გამოცოცხლდა, თვალები გაუცისკროვნდა, თუმცა, მის ფსკერზე დალექილ სევდას რა გააქრობდა?! ისაუბრეს... მარტოობით დაღლილი კაცი ცოტა ჯანმრთელობასაც უჩიოდა. „ერთადერთი ძმისშვილი მყავს თბილისში, ხვალ ველოდები, ცოტა ხნით წამოდი, მოგხედავო... ნავალ, არც აქ მოვაკლდები ვინმეს და არც იქ მივემატები...“ - გაელიმა და სამზარეულოში ხელჯოხით გავიდა. გიორგიმ პატარა ოთახი მოათვალიერა. გამრჯე დიასახლისის ხელი ემჩნეოდა ყველაფერს! -ალბათ, დამხმარე თუ ყავს, თორემ სხვა თუ არაფერი, ინვალიდი კაცი ვერაფრით შეძლებდა ასე მოენწრიგებია სახლი! ამასობაში ძია ალექსიც მობრუნდა. ცალ ხელში ერთ თეფშზე მოთავსებული ძეხვი და ყველი ეჭირა. -ნუ წუხდებიო, ფეხზე წამოდგა გიორგი. -მაშინ გადი და, რაც მაგიდაზე დევს, თვითონ გამოიტანეო-გაიცინა ძია ალექსმა. დასხდნენ. გიორგიმ კედელს შეხედა და თვალს არ დაუჯერა- გადახუნებულ ხის ჩარჩოში ისეთი სურათი იდო, თვითონ თვალითაც რომ არ ენახა! ჯერ დედის სახემ შემოანათა. თვალი ვერ მონყვიტა! თითქოს პირველად ხედავდა... გული შეუტოკდა! მერე სხვებსაც დააკვირდა- თვითონ გიორგი და კიდევ ორი პატარა ბიჭი იკრიჭებოდა სურათიდან. ძია ალექსმაც სურათს ახედა: - ამ ფოტომ მიხსნა მარტოობისგან! დედის უძღურება არ უხსენებია, მივლინებით ჩამოვედი და არ შემეძლო არ მომენახულებინეო- ტყუილი დასჭირდა. თუმცა, ამ ტყუილმაც დიდად გააბედნიერა მარტოსული ალექსი. შეთანხმდნენ, თბილისში ჩასულ ალექსს აღნიშნულ მისამართზე მიაკითხავდა გიორგი და სტუმრად მიიყვანდა ოჯახში. ორი დღის შემდეგ, ძია ალექსმა თავისი ხელით შეარჩია ნითელი ვარდების თაიგული და შიგ წინასწარ მომზადებული ღია ბარათი ჩააცურა- წარწერით „თბილისის უჭკნობ დედოფალს დიდი სიყვარულით! ალექსი“. „გული მართლა უბერებელი ყოფილაო“-გაიფიქრა გიორგიმ და რალაც უცნაური, სხვისი გაბედნიერებით მიღებული სიამოვნება იგრძნო. ალექსის თხოვნით, თაიგული წინასწარ აუგ ზავნეს ადრესატს... ცოტა ხანს ეზოში ჩამოსხდნენ. შემოდგო-

მის მზე ბეჭებს უთბობდა მათ და რალაც სულ სხვანაირად ელამუნებოდა. ეს იყო ის საოცარი წუთები, როცა ადამიანის გონიერებით იმსხვრევა ხიდი ასაკთაშორისი და ერთმანეთს ავსებს, აძლიერებს და აღამაზებს ანმყო წარსული... დროის ერთ მონაკვეთში მოთავსებულიყო ძველი და ახალი, რამეთუ ძველის გარეშე საზრდოს კარგავდა მეორე, ახლის გარეშე კი ფერი ეკარგებოდა პირველს. დედა მარტო იყო (ასეთი დრო შეგნებულად შეარჩია გიორგიმ). თავისთავად, კარიც მან გააღო. ამკარად დაბნეული და სახეშეცვლილი ჩანდა ოჯახის დიდი დიასახლისი. ჯერ ალექსს შეხედა, მერე-გიორგის. მერე ისევ ალექსს და ისე დააკვირდა, თითქოს სურდა, ვინც არ უნდა ყოფილიყო, იმ ადამიანად მიეღო, რომელმაც რამოდენიმე წუთის წინ წარსულში დააბრუნა! ალექსმა კი ნამდვილად იცოდა, რომ ახლა მის წინ, შეცვლილი, მაგრამ მაინც მშვენიერი თამარი იდგა! რა დაავინწყებდა თვალებს, რომელზეც მთელი ცხოვრების მანძილზე ხატივით ლოცულობდა! -ალექს!!!-სხვა ვერაფერი თქვა თამარმა და მერე გიორგის შეხედა. -ჰო, თამარ, მე ვარ, მე! ფეხმომტვრეული ქარიშხალი! რა გეგონა, ცალი ფეხით ვერ გიპოვნიდი?! -მთელ სამყაროს აამოძრავებდა ამ სიტყვებში ჩატეული სითბო და სიყვარული! ამ ხმაში იყო კიდევ რალაც სხვა, უფრო იმედი და სურვილი, დაისის წამიერად შეჩერებისა, რომელიც ახლა ორივეს ერთნაირად ეჭირვებოდა... კიდევ ათი დღე დარჩა დედაქალაქში ძია ალექსი. ამ ხნის მანძილზე ყოველ საღამოს სტუმრობდა ოჯახს, სადაც გრძნობდა, რომ მასში უნდნელ ალექსს ხედავდნენ და არა უზადრუკ, მიუსაფარ ინვალიდს, რომელსაც უღიმამო სიცოცხლის წლები თავდაღმართში მიაქანებდა... ამკარად გამოცოცხლდა თამარიც... ამეტყველდა, ფიქრს გაემიჯნა. ალექსის გამოჩენამ (როგორც ფსიქოლოგი ვარაუდობდა), რეალურ სამყაროში დააბრუნა. წარსული დაუახლოვა და ანმყოთი დააინტერესა. შეიძლება სხვა ფაქტორსაც ასევე ემოქმედა, მაგრამ ამ შემთხვევაში ესეც საკმარისი აღმოჩნდაო-ასკვნიდა ექიმი. გიორგის შინ დაბრუნება უხაროდა. დედას ისევ გრძნობდა, დაიბრუნა ის, რისი დაკარგვაც ცხოვრებას მშვენიერი ფერებისაგან ძარცვავდა, ანადგურებდა... ოჯახი გათბა, ახმაურდა... ქუთაისში დაბრუნებული ალექსი კვირაში ერთხელ, ყოველ კვირა საღამოს ტელეფონით ეხმაურებოდა ოჯახს, საიდანაც მხოლოდ რამოდენიმე სიტყვის მოსმენა აბედნიერებდა: თამარი კარგად იყო და არაფერი უჭირდათ!...ასე გრძელდებოდა სამი წლის მანძილზე. მერე სატელეფონო ზარის შუალედი გაიზარდა და ბოლოს საერთოდ შეწყდა! რადგანაც შეწყდა სიცოცხლე ერთერთი იმათგანისა, ვინც კარგად უწყობდა რა იყო სული, და რა ერქვა იმას, რასაც სხვები სახელს ნაკლებად მოუძებნიდნენ... აღარაფერი უკითხავს თამარს, საერთოდ არაფერი! მიხვდა, დასრულებულიყო ის, რასაც ადრე თუ გვიან წერტილი უნდა დასმოდა. გიორგიმ კი, ამაოდ სცადა, ერთი მუჭა მინით დაეპურებია საფლავი, რომელიც მისი ბავშვობის ღამაზ წუთებს შთანთქმას უქადდა

და ისევ, ტაბუ დაედო თემას, რომელიც ვერც გონის, ვერც ბგერის შეხებას ვეღარ აიტანდა, რადგან ბროლისებერ კრიალა იყო, სხივისებერ ხელშეუხებელი და ნაუბილწავი!... მზე უკვე მენამული ღრუბლით იბანდა ნასიცხარ სხეულს. გიორგიმ მშობლების საფლავს ხელი გადაუსვა. მერე ის ხელი გულზე დაიდო და იგრძნო, როგორ გაუთბა სულიც, სხეულიც...





არქიმანდრიტი  
ონოფრა (ნულაძე)

### მუქი, შავი, ჩაის ნაყენი!

დედამ დიდი თეფშით ვერმიშელის ფაფა შემოიტანა, მაგიდაზე დადო, ოთახიდან გავიდა, კარები გაიხურა და ისევ გარედან ჩაკეტა. ჭამე – მომაძახა გარედან. ამ საზიზღრობის სუნიც კი უკვე ცუდად მხდის. მე სიგარეტი მინდა, სი გარე ტი, მაგრამ დედა წინააღმდეგია, ისევ ცეცხლს გააჩენო. ცეცხლი კი მართლაც გამიჩნდა ამას წინათ, როცა საბანზე სიგარეტის ნამწვის ნარჩენები დავარდა. ცოტათი საბანიც დაინვა და ლეიბსაც შავი ლაქები და ნახვრეტები გაუჩნდა, მაღლობა ღმერთს ჩემი ფარდაგი გადარჩა, სამი მონადირე, სადაც ლამაზი პეიზაჟის ფონზე მდელიოზე წამომსხდარი მონადირეები ამბებს ყვებიან, სავარაუდოდ ნადირობის ამბებს. მინდა მათზე მოთხრობა დავწერო, კალამი და ქაღალდები ისევ ჩემს ოთახშია, მაღლობა ღმერთს ჯერ არ ნაუღიათ, დაავიწყდათ. ნუ წერ სისულელეებსო, სულ მეჩხუბებიან. წიგნებიც წაიღეს. ერთმა მეზობელმა უთხრა დედას: წიგნები სულ გადარევეს და გააგიჟებსო. ჰოდა, წაიღეს ჩემი წიგნები. ლამითაც შუქს მიქრობენ და მთელი ღამეები სიბნელეში ვზივარ. მე გიჟი ვარ. სექტემბერი დგება, არ მიყვარს ეს დრო, რადგან ბავშვები ქალაქში ბრუნდებიან. სკოლისთვის ემზადებიან და ეზოში საშინელი სიჩუმე ისადგურებს. დილა საღამოს მამაჩემის მანქანის მოტორის ხმა და კანტიკუნტი ფრაზები ისმის მხოლოდ, ბავშვებს ჩემთან არ უშვებენ, მაგრამ მათი ჟივილ-ხივილი მთელი ზაფხული მახალისებდა. მხოლოდ ფანჯრიდან ვადევნებდი მათ თვალს. მინდოდა მათთან თამაში, მაგრამ არ მიშვებდნენ, შენ უკვე დიდი ხარ და რა დროს შენი თამაშიაო, მაგრამ მე ხომ გიჟი ვარ. სტუმრები ისევ

ხშირად დადიან ჩვენთან, სუფრები ისევ იშლება, მესმის სადღეგრძელოები, სიმღერები, პიანინოსა და გიტარის ხმა, ნადია დეიდას შესრულებით „პანანინა ნიგვზის ტოტი“ ძალიან მიყვარს და ძალიან მახარებს მისი მოსმენა. მინდა მეც გავიდე სტუმრებთან, შავი ტყავის ფეხსაცმელებიც მაქვს, შარვალიც და ტვიდის პიჯაკი, რომელიც ძალიან მომწონს, თმებიც დამისველოს დედამ მუქი, შავი, ჩაის ნაყენით და წვრილი სავარცხლით დამვარცხნოს. ძალიან მიხდება, როცა ფოტოგრაფთან მივდივართ, მაშინ ასე გამოვეწყობი ხოლმე, მაგრამ გადაიღებები და ისევ ცუდად გახდებიო ამბობს დედა. დედაც სწორია, მე ხომ გიჟი ვარ. სიგარეტი ისევ ძალიან მომინდა, ისევ გამოჩნდა საიდუმლო სამხედრო ლაბორატორიის გვირაბი, შიგნით შემავალი რკინის რელსებით, პრაპორშიკი პავლოვი ვაგონეტზე ზის და ცეცხლმაქრობებით ცდილობს გვირაბის გულისკენ დაძვრას, ჯარისკაცებიც ვეხმარებით, გვირაბიდან დიდი მხურვალეობა გამოდის შეიძლება აფეთქება მოხდეს, პავლოვი და ჯარისკაცები გამახსენდა, მათი სახეები, სიგარეტი მინდა, გამახსენდა გვამები და მათი სახეები, ნახევრად დამწვარი სხეულის ნაწილები, სიგარეტი, აფეთქების ხმა, პავლოვი, გამხდარი პავლოვი, პოლკოვნიკი ნაი-ტურსი, თუმცა არა, ნაი-ტურსი ხომ დიდი ხანია პროზექტურაშია დასვენებული და ბოლოს ბულგაკოვმა ნახა. ნაი-ტურსი? არა, პრაპორშიკი პავლოვი, სირენების ზმუილი, საშინელი ხმაური, კოკა-კოლა აკრძალულია, დამწვარი გვამები, გაგუდული პავლოვი, მიხეილ ბულგაკოვი, ჯარისკაცები, მეხანძრეები, სირენები, ყველაფერი ერთმანეთში აირია. სიგარეტი... სიგარე...ტი. ყველაფერი გაქრა. წყვილია. ისევ წყვილია. ვხედავ თეთრწვერებიან მოხუცს, თეთრი სამოსით შემოსილს, ჩემს გარდაცვლილ პაპას გავს, რომელიც რამდენიმე წლის წინ გარდაიცვალა, კეთილი მოხუცი მღვდელი გრიგოლი, რომელიც ძალიან მიყვარდა, ვესალმები პაპას, მილიმის, მეუბნება კეთილი ანგელოზები წარმოგზავნა უფალმა შენთან, ხომ იცი უფალი, ხომ გახსოვს უფალი? ჩვენი ეკლესიის კედელზე გაჩვენებდი ხოლმე ბავშვობაშიო. მიხარია, რა თქმა უნდა მახსოვს მეთქი მინდოდა მეთქვა, მაგრამ პაპამ გამიღიმა და გაქრა. ისევ წყვილია. გათენდა, დედამ კარები გააღო და შემოვიდა, შემომხედა, ეტყობა ჩემი სახე არ მოეწონა, მიხვდა რომ წარსულის კომმარებმა ისევ შემომიტიეს, სახეშელონებული ლოგინზე ჩამომიჯდა და ჩამიხუტა. თან ცრემლებს ვერ იკავებს დედა, მის ლოყას ლოყა მივადე და ზემოთ ვიხედები ჭერში. ვხედავ ზემოდან პაპა დამცქერის, ისევ თეთრი, სპეტაკი სამოსი აცვია. გულზე თავისი დიდი ნითელთვლიანი ჯვარი უკეთია და მილიმის, გული სიხარულით მევსება და მეც ღიმილით ვესალმები, დედამ გაკვირვებულმა შემომხედა, ჩემს ღიმილიან მზერას თვალი გააყოლა. დედა ისევ ტირის, მე ყურადღებას არ ვაქცევ და ისევ ვუღიმი პაპას. დედა თმებს მისველებს მუქი, შავი, ჩაის ნაყენით და წვრილი სავარცხლით მვარცხნის. მე ხომ ეს ძალიან მიხდება. მე გიჟი ვარ.

ჭარია

„იყავით მონყალენი ადამიანთა და ცხოველთა მიმართ“  
ნმ.პაისი ათონელი.

„ყველა ცხოველს აქვს უფლება იცხოვროს ბიოლოგიური ნონასწორობის პირობებში“

ცხოველთა უფლებების მსოფლიო დეკლარაცია, მუხლი 1.

პირველად მთაზე გამოჩნდა. შორიხლოს იდგა და გვაკვირდებოდა. ორი დღის შემდეგ უფრო ახლოს მოვიდა სახლთან, რომელიც მთაზე ერთადერთი საცხოვრებელი სახლი იყო, ფერდობზე მდგარი ხის გვერდით. პირველივე შეხედვაზე მიხვდებოდით, რომ ბევრი განსაცდელი გამოეარა, სანამ, აქ, მთაზე ამოვიდოდა. ეჭვის თვალთ გვიცქერდა და გვერიდებოდა, ეტყობოდა ადამიანებზე არც მთლად კარგი შეხედულებისა გახლდათ. როცა საკვები მიუტანეთ და შორიხლო დაუდგით, მიუხედავად შიმშილისა, რაც აშკარად ეტყობოდა, საკვებთან მიახლოებაზე თავს იკავებდა. ბოლოს დიდი ხვეწნისა და სხვადასხვა მანიპულაციების შემდეგ, ბოლოჯერ გამომცდელად დაგვაკვირდა და საკვებით სახვე ჯამისკენ წელი, ფრთხილი ნაბიჯებით გამოემართა. ეს თეთრი, ძუ მეტისი გახლდათ, დიდი შავი ლაქებით, ძალზედ გამხდარი და სიკვდილის პირას მყოფი ლეკვი, რომელსაც შემდეგ ტარია დავარქვით.

ტარიას მდგომარეობა დღითი დღე უმჯობესდებოდა, ფერდები სტაბილური კვების შედეგად სწრაფად შეივსო და მოღონიერდა, სამოქმედო არეალი მოინიშნა და სისტემატიურად ამონებდა თავის ტერიტორიას, მთელი ღამეები ფხიზლობდა და მცირე გაფაჩუნებაზეც ყეფით იკლებდა იქაურობას, თითქოს უნდოდა თავისი არსებობა გაემართლებინა. განსაკუთრებით მეღიები და ტურები აღიზიანებდა. რომლებიც დაღამებისთანავე გამოჩნდებოდნენ ქვემოთა ჯაგნარში და წივილით აყრუებდნენ არემარეს. მოკლედ, ვცხოვრობდით სრულ ჰარმონიაში და ერთმანეთის კარგად გვესმოდა. მთაზე ამომსვლელ სტუმრებს სიხარულით ეგებებოდა და წამსლელ მანქანებს ქვემოთამდე ჩააცილებდა, ადგილამდე, საიდანაც მისი სამოქმედო ტერიტორია იწყებოდა. შემდეგ ვალმოხდილის გამომეტყველებით, წელი ნაბიჯებით, ბრუნდებოდა უკან.


ხანდახან, ტარია მთის ჩრდილო დასავლეთის ფერდზე განმარტოვდებოდა და დიდხანს, დიდხანს გადაყურებდა ქალაქს. ამ დროს განსაკუთრებულად სევდიანი თვალები ქონდა. მან არაფერი იცოდა საფრანგეთის ისტორიის შესახებ, არც წმინდა ბართლომეს სისხლიან ღამეზე გაეგო რამე, მაგრამ მას ახსოვდა ღამე, როცა არა ნაკლები სისასტიკით ქვემოთა ქალაქში გაუსწორდნენ მის დედას, დას და რამდენიმე ასეულ მის თანამოქმედს. მას არც საერთაშორისო კონვენციების შესახებ ჰქონდა

წარმოდგენა, რომლებიც ცხოველთა უფლებებს იცავდა. ის იმ ზაფხულის ღამეს იხსენებდა, რომელიც დედასთან ერთად უკანასკნელად გაატარა, როცა მის მკერდზე თავმიდებულს ეძინა, როცა თეთრი, დანჯღრეული მანქანა გაჩერდა, იქედან კაცი გადმოვიდა და შაშხანიდან მათი მიმართულებით რამდენჯერმე გაისროლა, დედას ცყვია თავში მოხვდა და სანყალმა ერთი ნაშთი კვანძი მოასწრო, ხოლო ტარიას და დილამდე აუტანელი ტკივილისაგან კენესოდა და მზის ამოსვლამდე გარდაიცვალა. ტარია შიშისაგან თავზარდაცემული, ხიდის მოაჯირს ამოფარებული დიდხანს იწვა გაოგნებული და ცახცახებდა. შაშხანის ხმები და დაჭრილი ძაღლების ნკავენკავი ახლა გვერდით ქუჩებიდან ისმოდა. შემდეგ ძაღლების ტირილი და ყეფა სატვირთო მანქანის ხმამ გადაფარა, მანქანა გაჩერდა, იქედან კაცი გადმოვიდა, ხელზე ცელოფანის პარკი ჩამოიცვა, ჯერ ტარიას დას დასწვდა ფეხებზე, შემდეგ დედას და ისინი მანქანის ძარაზე მოისროლა. მანქანა დაიძრა და თვალს მიეფარა. ტარიას თვალებიდან მსხვილი ცრემლის წვეთები გადმოუგორდა. მიხვდა, რომ მათ ვერასოდეს ნახავდა. ვერ ვიტყვით, რომ ცხოველთა დაცვის კონვენციითა შესახებ პოლიციის მესვეურებმა არაფერი იცოდნენ, მაგრამ ეტყობა მათ არ ეგონათ, თუ ეს კონვენციები ღამის საათებშიც მოქმედებდნენ. შესაბამისად ვერც მცირეკალიბრიანი შაშხანა იქნა მოძიებული და არც მისი პოტენციური მომხმარებელი. არც პრევენციული ზომები განხორციელებულა და მსგავსი ვანდალური შემთხვევაც რამდენჯერმე განმეორდა.

ერთ მშვენიერ დღეს მთას მონითალო ხვადი მეტისი მოადგა, დაახლოებით ტარიას ასაკის, რომელიც ჩვენ ასევე თბილად მივიღეთ. მასაც ბევრი არ უფიქრია, ჩვენთან დარჩა და ტერიტორიის მოვლა პატრულირების სიმძიმე ტარიასთან ერთად გაინაწილა. ღამით ერთად ფხიზლობდნენ და სტუმრებს ერთად აცილებდნენ, თამაშობდნენ და ბედნიერი ცხოვრებით ცხოვრობდნენ. ცოტა ხანში ლეკვებიც გაჩნდა, ღამაზები და ჯანმრთელები. ორი ტარიას გავდა, ხოლო ერთი მამას, მონითალო მარსელოს. ზამთარი მოდიოდა, ლეკვებიც წამოიზარდა და ისინი მოსავლელად მეგობრებს გადავუნაწილეთ.

გაზაფხულზე მთიდან გადმოვიდით და ახლა ქვემოთა ქალაქში ვცხოვრობთ, ტარია და მარსელო ისევ ერთად არიან, ოღონდ ახლა სივრცე ჩაკეტილია და ეზოს პირობებში უწევთ ცხოვრება. ხანდახან ქუჩაშიც გაიპარებიან და დარბიან, ტარიას ქუჩაში ყოფნა მალე ბეზრდება და ეზოში ბრუნდება. ეტყობა ქუჩაში მოძრავი მანქანები იმ სატვირთოს ახსენებს, რომლითაც მისი დედა, და და ბევრი მისი დახოცილი თანამოქმედ ნაგავსაყრელზე წაიღეს. ჩვენ ეხლაც ერთად ვართ, ვცდილობთ გამონვევებს არ ვუპასუხოთ, წარსულის სტრესები და ტკივილები დავივიწყოთ და ზეცასა და მიწას შორის ჰარმონიით ვიცხოვროთ.

„ნებისმიერი ქმედება ან გადანყვეტილება, რომელიც იწვევს ცხოველის გაუმართლებელ სიკვდილს, წარმოადგენს სიცოცხლის წინააღმდეგ მიმართულ დანაშაულს.“ – ცხოველთა უფლებების მსოფლიო დეკლარაცია - მუხლი მუხლი 7.



ჰირან ჰისა

წერილი ახალგაზრდა გერმანელს

თქვენ მწერთ, რომ სასონარკვეთილი ხართ და არ იცით როგორ მოიქცეთ, რა ირწმუნოთ, რის იმედი გქონდეთ. არ იცით, არსებობს თუ არა ღმერთი. არ იცით სამშობლოს ან, საერთოდ, ცხოვრებას, აქვს რამე მნიშვნელობა თუ არა. არ იცით რაში გამოიყენოთ თქვენი ძალები - სულიერი სიმდიდრეების ათვისებისა თუ უბრალოდ მუცლის ამოყორვისთვის, რადგან ყველაფერი სულერთია. ცხოვრება ხომ ასე საძაგლადაა მოწყობილი.

... თქვენი სულიერი მდგომარეობა მე ნორმალურად მეჩვენება. რომ არ იცით არსებობს თუ არა ღმერთი ან სიკეთე და ბოროტება - ეს გაცილებით უკეთესია, ვიდრე მაშინ იქნებოდა, ზუსტად რომ იცოდეთ ეს... წლების წინ თქვენ ეს ყველაფერი ალბათ საკმაოდ ზუსტად იცოდით, მაგრამ შემდეგ სიკეთე, რომელიც ასე ზუსტად წარმოგედგინათ, ჭეშმარიტი სიკეთე არ აღმოჩნდა, არ აღმოჩნდა ის ურყევი, მარადიული სიკეთე; ღმერთი, რომელზეც ამდენი იცოდით, არ აღმოჩნდა ჭეშმარიტი ღმერთი...

... ჩვენ მივეჩვიეთ ყვირილს, ბრალდებებს, სიძულვილს. ჩვენი ეპოქის ადამიანებმა შევითვისეთ საბედისწერო ხელოვნება - დავადანაშაულოთ სხვები, თუ თვითონ ცუდად ვართ... მე ამის წინააღმდეგ გამოვდივარ, მხოლოდ ამას გსაყვედურობთ...

თუ თქვენ ახლა იმაზე იფიქრებთ, სად შეიძლება ნუგეში და ახალი, ნამდვილი ღმერთი იპოვოთ, ნამდვილი რწმენა შეიძინოთ, - თქვენს ახლანდელ მარტოობისა და სასონარკვეთილებაში ნათელი გახდება, რომ გაბრწყინე-

ბა გარედან აღარ მოვა, არც რომელიმე წყაროდან, არც ბიბლიიდან, კათედრიდან თუ სამეფო ტახტიდან. ჩემგანაც არ მოვა იგი. თქვენ მას მხოლოდ თქვენს თავში იპოვით, ის იქ არის - სადაც დავანებულია ღმერთი - მაღალი და მარადიული... ყველა დროის ბრძენნი გვასწავლიდნენ ღმერთის შესახებ, გვეუბნებოდნენ, რომ იგი არ მოვა წიგნებიდან... იგი ჩვენში სუფევს, მან უნდა გაიღვიძოს თვით ჩვენს სულში, თუ ასე არ მოხდება, ყოველგვარი ცოდნა მის შესახებ სრულიად უსარგებლოა. იგი თქვენში ცხოვრობს, თქვენში, უწინარეს ყოვლისა, სასონარკვეთილებსა და დაღვნილებში. ადამიანები, რომლებიც იტანჯებიან თავისი დროისგან, პატარა ადამიანები არ არიან... არც ისინი არიან უბრალო ადამიანები, ვისაც გუშინდელი ღმერთი აღარ აკმაყოფილებს.

მაგრამ, სადაც არ უნდა წახვიდეთ, ვერსად წახვით წინასწარმეტყველსა და მოძღვარს, რომელიც გაგათავისუფლებდათ ძიების სიძნელებიდან, საკუთარ თავში მიქცევისგან...

... საკმარისი იქნებოდა თავი დაგვეღწია დამნაშავეს ძებნიდან სადღაც ჩვენს გარეთ და დაგვესვა კითხვა: "თვით ჩემი საქმე როგორღაა? რამდენად უდანაშაულო ვარ მე თვითონ? ხომ არ ვიყავი სადღაც მეტისმეტად ხმაურიანი, მეტისმეტად თავხედი, მეტისმეტად ადვილად მორწმუნე, მეტისმეტად ბევრის მდომი და პატივმოყვარე. სად არის ჩემში ის ნიადაგი, რომელსაც ბოროტ თესლის მიღება შეუძლია?..

წუთები, როდესაც საკუთარ თავს ამ კითხვებს უსვამ, მძიმე წუთებია. საკუთარი თავი სუსტ და ცუდ ადამიანად გეჩვენება, პატარა ხარ და გასრესილი. მაგრამ ბოლომდე გასრესილად მაინც არ გრძნობ თავს... დანაშაული და უდანაშაულობა, მართალი და არამართალი - ეს საკითხის გაუბრალოებაა, ბავშვური თამაშია და არის პირველი ნაბიჯი სინმინდისაკენ - ღმერთისაკენ - და არის ამის შეგრძნება, შეცნობა.

ამით ჩვენ ვსწავლობთ მხოლოდ ერთს: არავის მივმართოთ ტკივილიანი კითხვებით, „დანაშაულის პრობლემით“, სინდისის პრობლემებით, იმისთვის, რომ მათ გადაგვიჭრან ეს პრობლემები. ისინი ჩვენს გულში გადაიჭრება მხოლოდ, ამ გზით უნდა ვიაროთ, სხვა გზა არ არის და პირველ ნაბიჯებს ამ გზაზე ყოველი ჩვენგანი აკეთებს მარტო, თავის გულში...

...არ შეჩერდეთ არც ერთი გენიოსის, არც ერთი ბრძენი მრჩევლისა და წინასწარმეტყველის წინაშე. მათი საქმე არ არის მოგხსნან სიმძიმე და გზა გიჩვენონ. მათი საქმეა შეგახსენონ, რომ ღმერთი არსებობს და, რომ იგი ცხოვრობს ჩვენს გულში, იქ უნდა ეძიოთ და ესაუბროთ მას.

1919 წ.

თარგმნა  
დადი სულაშვილმა

აბულ ფარაჯი

თავშესაქცევ ამბავთა წიგნი

**ბ**რიგოლ იოან აბულ-ფარაჯ ბარ-ჰებრეი — შუა საუკუნეების სირიული ლიტერატურის ერთ-ერთი ყველაზე გამოჩენილი წარმომადგენელი და მისი საყოველთაოდ აღიარებული კლასიკოსია.

იმ ეპოქაში, როდესაც ცხოვრობდა და მოღვაწეობდა აბულ-ფარაჯი, ახლო და შუა აღმოსავლეთის ქვეყნებში შემოიჭრნენ მონღოლთა ურდოები ჰულაგუ-ყაენის მეთაურობით. მათ დაიპყრეს მთელი წინა აზია და შეუერთეს იგი მონღოლეთის იმპერიას.

მონღოლთა ბატონობამ თავისი ბეჭედი დაასვა მაშინდელი საზოგადოებრივი ცხოვრების ყველა სფეროს. ძველი, დიდი ხნის წინ ჩამოყალიბებული ეკონომიკური და პოლიტიკური კავშირების ნაცვლად მოვიდა ახალი ურთიერთობები.

ამ სიფათიან დროში დაიწყო აბულ-ფარაჯმა თავისი ლიტერატურული, მეცნიერული და საზოგადოებრივი საქმიანობა.

იგი დაიბადა 1226 წელს ქალაქ მალათეაში (ამჟამად ქალაქი მალათეა მდებარეობს თანამედროვე თურქეთის ტერიტორიაზე), ცნობილი ექიმის ოჯახში. ნათლობისას ბიჭს იოანე უწოდეს, შემდგომში კი, როდესაც ეპისკოპოსი გახდა — გრიგოლი. ამგვარად მისი სრული სახელია — გრიგოლ იოან აბულ-ფარაჯ ბარ-ჰებრეი.

მშობლები შეეცადნენ ვაჟისთვის ფართე და ყოველმხრივი განათლება მიეცათ. ბავშვობაში იგი სირიულის გარდა არაბულსაც სწავლობდა. შემდგომში იგი გაეცნო სპარსულ, ბერძნულ, ძველებრაულ, მონღოლურ და სომხურ ენებს. თავისი მამისა და სხვა ცნობილი ექიმების ხელმძღვანელობით აბულ-ფარაჯი გულმოდგინედ სწავლობდა მედიცინას. იგი ასევე შეცადინებოდა საღვთისმეტყველო მეცნიერებებში და ფილოსოფიაში.

1243 წელს მომავალი მწერლის მშობლიურ ქალაქს მიუახლოვდა ჰულაგუ-ყაენის ლაშქარი. დაიწყო პანიკური გაქცევა ქალაქიდან. აბულ-ფარაჯის ოჯახიც ვერ გაექცეოდა უსახლკარო ლტოლვილობის ხვედრს, რომ არა მამამისის საექიმო დიდება. იგი დაინიშნა ერთ-ერთი მონღოლი მხედართმთავრის კარის ექიმად და რამდენიმე თვის განმავლობაში განუყრელად თან ახლდა ყველა ლაშქრობაში. მაგრამ გარკვეული ხნის მერე აბულ-ფარაჯის ოჯახმა მოახერხა ქალაქ ანტიოქიაში გადასვლა, სადაც შედარებით უხიფათოდ იყვნენ. აქ აბულ-ფარაჯმა გააგრძელა განათლების მიღება, შემდგომში კი მონაზვნად აღიკვეცა.

1246 წლის ბოლოს მონასტრის ოცი წლის აღსაზრდელი იმდენად შთამბეჭდავ წარმატებებს აღწევს ყველა მეცნიერებაში, რომ ინიშნება გუბოხის (პატარა ქალაქი ქალაქ მალათეას ახლოს) ეპისკოპოსად. აქედან იწყება მისი სასულიერო კარიერა. აბულ-ფარაჯმა მიაღწია მონოფიზიტების (იაკობიანელების) მეთაურის მაღალ მდგომარეობას.

აბულ-ფარაჯი გარდაიცვალა სამოცი წლის ასაკში, 1286 წლის 30 ივლისს, ქალაქ მარალში (დასავლეთ აზერბაიჯანი).

ამ დროისთვის აბულ-ფარაჯის, როგორც მწერლის,



გრამატიკოსის, ექიმის, ასტრონომის, ფილოსოფოსის და ღვთისმეტყველის პოპულარობა იმდენად დიდი იყო, რომ მის დაკრძალვაში მონაწილეობდნენ არა მარტო ერთმორწმუნე იაკობიანელები, არამედ ნესტორიანელები, ბერძნები და სომხები.

დიდი აბულ-ფარაჯის ლიტერატურული მემკვიდრეობა. აბულ-ფარაჯის ძმის, ბარ-საუმის მიერ შედგენილ ნაწარმოებთა ნუსხა ითვლის ოცდათერთმეტ წიგნს, მაგრამ ეს საულაც არაა სრული ჩამონათვალი.

რაც შეეხება აბულ-ფარაჯის უდავოდ საუკეთესო ნაწარმოებს — „თავშესაქცევ ამბავთა წიგნი“, - იგი არის მწერლის საბოლოო ნაწარმოები, რომელიც გვიხატავს ავტორს ახალი მხრიდან — როგორც ფოლკლორის დაუღალავ შემგროვებელს. მახვილი გამონათქვამის, მარილიანი ხუმრობის, აზრიანი იგავის, ლაკონური ანდაზის, მოკლე იუმორისტული და ჭკუისასწავლებელი მოთხრობის მცოდნესა და დამფასებელს.

აბულ-ფარაჯის წინასიტყვაობიდან

...მე მინდოდა ამ წიგნში თავი მომეყარა მოთხრობებისათვის, რომლებიც ახალისებენ გონებას და ნაღველს ამორებენ გულს. დაე, მან ანუგეშოს ტანჯულნი, მალამოდ დაედოს გულგატეხილთ, მეგზურობა გაუწიოს სწავლის მოყვარულთ და მეგობრად გაუხედეს ხუმრობის მოყვარეთა და დამფასებელთ.

ამ მოთხრობების შეკრებისას მე უარს არ ვამბობდი არაფერზე, რაც ყურადღებისა და დამახსოვრების ღირსად მეჩვენებოდა და ვინც არ უნდა იყოს ჩემი მკითხველი — ჭეშმარიტი მორწმუნე, მუსლიმანი, ებრაელი, არამეელი თუ სხვა ვინმე, - ცოცხალი გონების პატრონია თუ მხოლოდ ეშმაკობით გააქვს ლელო, - დაე, ამ წიგნიდან

ყოველმა მათგანმა აიღოს ის, რაც მის სულს ეხმიანება, ის ვარდები მოკრიფოს, რომლებიც მოსწონს.

თავი I

ბარქან ფილოსოფოსთა სასარგებლო გამონათქვამები

1. ხარგი განწყობილების მიზანი

სოკრატეს ერთმა მისმა მოსწავლემ ჰკითხვა: - ამიხსენით, რატომ არ მინახავს თქვენს სახეზე ნაღველის ნიშნები? ყოველთვის კარგ განწყობაზე ხართ? - იმიტომ, რომ მე ისეთი არაფერი გამაჩნია, რის დაკარგვასაც ვინანებდი. — უპასუხა სოკრატემ.

2. არ არსებობს დრბინვის საფუძვლი

დიოგენს ჰკითხეს: - რას იზამ, ეს კასრი რომ გატყდეს, რომელშიც ცხვრობ? - ეს არ მანუხებს, რამეთუ ადგილი, რომელიც მიკავია, შეუძლებელია გატყდეს. — უპასუხა მან.

3. მრულა სარაი

ერთმა ქალმა უთხრა სოკრატეს: - ო, რა მახინჯია შენი სახე, სოკრატე! ამაზე ბრძენმა უპასუხა: - ეს სიტყვები გამანწყენებდა, შენ რომ ყველაფერს სუფთა სარკესავით ირეკლავდე, მაგრამ შენ უნესო ხარ, მრუდე სარკე კი საგნებს ამახინჯებს.

4. სოარაბი და ქალი

ხეზე ჩამომხრჩვალ ქალის ნახვისას სოკრატემ შესძახა: - ო, ყველა ხეს რომ ამისთანა ნაყოფი გამოეღო!

5. სჯობს მოკვდა უდანაშაულო

ვილაც ქალმა დანახა სოკრატე, რომელიც სიკვდილით დასასჯელად მიჰყავდათ. იგი ატირდა და შესძახა: - ღმერთო ჩემო! მათ შენი მოკვლა სურთ, თუმცა არავითარი დანაშაული არ ჩაგიდენია. სოკრატემ უპასუხა: - ო, ბრიყვო, ნუთუ გსურს, დანაშაული ჩამედინა, სასჯელი დამემსახურებინა და დამნაშავედ მოვმკვდარიყავი?!

6. შორსმჭვრეტელობა

ერთ ფილოსოფოსს ჰყავდა ქალიშვილი. მის ხელს ორნი სთხოვდნენ — მდიდარი და ღარიბი. ფილოსოფოსმა ქალიშვილი ღარიბს მიათხოვა. როდესაც ჰკითხეს რატომ მოიქცა ასე, ფილოსოფოსმა უპასუხა: - მდიდარი მთხოვნელი ბრიყვია და ვშიშობ, რომ მალე გაღარიბდება. ღარიბი კი — ჭკვიანია და დარწმუნებული ვარ, თანდათანობით გამდიდრდება.

7. საერთო ათილდობა

ერთ ფილოსოფოსს ჰკითხეს: - რა მოვლენა იქნებოდა სასიკეთო ქვეყნის უმრავლესი მცხოვრებლისათვის. მან უპასუხა: - სულელი მმართველის სიკვდილი.

8. 306 უფრო ძლიერი

- რით განსხვავდები მეფისაგან? — ჰკითხეს ერთ ფილოსოფოსს. - მეფე მონაა საკუთარი სურვილებისა, მე კი — მათი მბრძანებელი ვარ.

9. დამოვიდების ორი ხარხი

პლატონს ჰკითხეს: - რით შეიძლება დამშვიდდეს უბედურებაში ჩავარდნილი ადამიანი? მან უპასუხა: - ჭკვიანი ადამიანი მშვიდდება იმით, რომ შეიმეცნებს მომხდარის გარდუვალობას. სულელი კი თავს იმშვიდებს იმით, რომ სხვასაც დამართნია იგივე.

10. საიდუმლო

არისტოტელემ ალექსანდრე მაკედონელს დაუბარა: - საკუთარი საიდუმლო არასოდეს გაუმხილო ორს, რადგან საიდუმლო თუ გამჟღავნდა, ვერ დაადგენ, რომელია დამნაშავე. თუ ორივეს დასჯი, აწყენინებ იმას, ვინც საიდუმლო შეგინახა. თუ ორივეს აპატიებ — ისევე აწყენინებ უდანაშაულოს, რამეთუ იგი პატიებას არ საჭიროებს.

11. 306 ითვლება ჰაზიანად

ერთ ფილოსოფოსს ჰკითხეს: - ვინ შეიძლება ჩაითვალოს ჭკვიანად? მან უპასუხა: - ის, ვინც ისწრაფვის მიღწევადი მიზნისაკენ.

12. სწორი და მრული ხაზები

ერთხელ არისტოტელემ თქვა: - ჭკვიანი კაცი ყოველთვის ეთანხმება სხვა ჭკვიან კაცს, სულელი კი, ჩვეულებრივ, არ ეთანხმება არც ჭკვიანს და არც სულელს. ანალოგიურად შეიძლება ითქვას, რომ ყველა სწორი ხაზი ემთხვევა ერთმანეთს, მრუდე ხაზები კი არ ემთხვევიან არც ერთმანეთს და არც სწორ ხაზებს.

13. როცა მადა იღვიძებს

დიოგენს ჰკითხეს: - რატომ სადილობ ბაზარში? მან უპასუხა: - მადა იღვიძებს საჭმლის დანახვაზე.

14. სარისაო ცელქობა

ერთხელ დიოგენმა შენიშვნა მისცა უკანონოდ შობილ ბავშვს, რომელიც გამვლელებს ქვებს ესროდა. - შეწყვიტე ცელქობა, შეიძლება, შემთხვევით, საკუთარ მამას მოახვედრო ქვა.

(გაგრძელება შემდეგ ნომერში)

რუსულიდან თარგმნა

8. ნატროვილიმა

<sup>1</sup> აღმოსავლური ჩვეულების მიხედვით, ბაზარში ჭამა მიუღებლად ითვლებოდა. ფართოდაა ცნობილი აღმოსავლური ანდაზა: 'ბაზარში ძაღლები ნადიმობენ.'



დალი სულაშვილი

ფიროსმანი... საიდან მოვიდა ეს უცნაური ადამიანი?!

„ფერწერა ხელოვნების ერთ-ერთი ყველაზე უცნაური დარგია. ყოველთვის, როცა გგონია, რომ მან ამონურა ყველა შესაძლებლობა, მიაღწია ზღვარს, რომლის იქით ისღა შეუძლია, რომ თავისივე თავი გაიმეოროს, უცებ ყველაფერი იცვლება, მოქმედება ისე იწყებს განვითარებას, როგორც ზღაპარში, იელვებს ალაღინის ლამპარი, გაიღება კარი იქ, სადაც არავითარი კარი არ ყოფილა, მფრინავი ხალიჩა ადამიანის სულს უცხო მხარეებისკენ მიაფრენს... და მერე იწყება დავა იმაზე, თუ რა არის ფერწერაში შესაძლებელი და რა - შეუძლებელი...“

ეს სიტყვები ლუი არაგონს უთქვამს, როდესაც ლუვრის დარბაზებში გამოფენილი სრულიად უცხო ფერწერა - ფიროსმანის ნახატები უნახავს. ეს აღმოჩენა იყო ყოვლისმხილველი დასავლეთისთვის, ღია კარი, რომლის მიღმა იდუმალი, შეუცნობელი სამყარო მოჩანდა.

ფიროსმანი... საიდან მოვიდა ეს უცნაური ადამიანი, უცხო, რომელიც არსად იყო „შინ“, რის თქმა უნდოდა ფერების ენით?.. ერთი რამაა უტყუარი; დაიბადა, შექმნა საკუთარი ქვეყანა - შემოქმედება და ამ ქვეყანაშივე ცხოვრობდა. მისი მიწიური სამშობლო კი მირზაანია, ქიზიყის ერთი ლამაზი სოფელი, რომლის ხასიათი და ფერები მთელ მის შემოქმედებას გასდევს. აკი წერდა კიდეც ტიციან ტაბიძე: „ნიკო ფიროსმანი ნამდვილი შვილია ქიზიყისა, ყველა მისი სურათი აღნიშნავს მის კახურ სისხლსა და ჯიშს...“ მირზაანშიც, როგორც სხვა ქართულ სოფლებში, ხშირად შეხვდებით მზის გულზე - „მყუდროზე“ თავშეყრილ ხანდაზმულ ადამიანებს, არქაულობით სავსე ცოცხალ მატრიანებს. ისინი ერის ათასწლოვანი ყოფიერების განზოგადებული სიმბოლური სახეებია. მათი სისხლის ხსოვნაში ჩაბეჭდილია სულიერი და ქვეყნიური ისტორიები.


ფიროსმანი შეჯერებაა ამ ისტორიებისა, ამ არქივიდან, ამ მრავალსაუკუნოვანი გამოცდილებიდან იღებს სათავეს მისი შემოქმედება, გვახედებს მის სიღ-

რმეებში, ქმნის ეპოსს, რომელშიც გაცხადებულია ქართული ხასიათი და გაცხადებულია იმგვარად, რომ შორს სცილდება ეროვნულის ჩარჩოებს და საკაცობრიო შინაარსს იძენს, რადგან მარადიულ, წარუვალ, ზოგადადამიანურ ჭეშმარიტებებს სწვდება.

ფიროსმანის, როგორც მხატვრის, პირველალმოძრენი და დამფასებელნი კირილე და ილია ზდანევიჩები და ფრანგი მხატვარი მიშელ ლე-დანტიუ იყვნენ. ზდანევიჩები თბილისში არდადეგებზე ჩამოვიდნენ მშობლებთან და თან მეგობარი ჩამოიყვანეს, ისინი ხალხური შემოქმედების ნიმუშებით იყვნენ დაინტერესებულნი. ჩამოვიდნენ და თითქმის მაშინვე მოულოდნელი ფაქტის წინაშე აღმოჩნდნენ: ვაგზლის ახლომახლო დუქნები და სამიკიტნოები სავსე იყო სრულიად უცხო ფერწერული ნამუშევრებით. გაოცებულნი კითხულობდნენ ავტორის ვინაობას და პასუხად იღებდნენ: ეს მღებავი ნიკალას ნახატებიაო. „ვიდექით ფენომენალური მოვლენის წინ, ჩვენ ვნახეთ ის, რაზედაც ოცნებაც არ შეგვეძლო“, - წერდა მოგვიანებით კირილე ზდანევიჩი.

აქედან დაიწყო დაინტერესება ფიროსმანის შემოქმედებით, მისი ნამუშევრების მოძიება-შეძენა, ლეგენდად ქცეული მხატვრის ბიოგრაფიული დეტალების დაზუსტება მედუქნეებთან და მიკიტნებთან. იბეჭდებოდა პუბლიკაციები, ჟურნალების მთელი ნომრები ეძღვნებოდა მის ცხოვრებასა და შემოქმედებას.

უკვე შუა ხანს მიტანებულ მხატვარს უთხრეს: „იცით, რომ თქვენ დიდი ოსტატი ხართ და თქვენი სურათები ხელოვნების შესანიშნავი ნიმუშებია?.. თქვენი სურათებით ქართული ფერწერა ისევე ჩადგება ქართული ხელოვნების ისტორიულ კალაპოტში... თქვენ აგვიხილეთ თვალები მშვენიერ საქართველოზე, რომელიც ასე ძლიერად და სიყვარულით აგისახავთ... სამშობლოსადმი უდიდესი სიყვარული ემჩნევა თქვენს ყველა სურათს და ამისთვის დიდება და პატივი თქვენ!“





მხატვარმა იცოდა, რომ დიდი ოსტატი იყო. მაინც სჭირდებოდა ეს დასტური ადამიანებისგან, რომლებიც ჩასწვდნენ მისი ხელოვნების აზრს, გაიგეს და შეიყვარეს იგი. ეს სიხარული და შვება იყო... მაგრამ თბილისი ჭრელი ქალაქი იყო ყოველთვის, სხვადასხვანაირად უდგებოდნენ ფიროსმანს და ნამუშევრებსაც. ზოგათთვის ის „მალიარი, ტვინდასეტყვილი ნიკალაა“, ზოგი ფასეულად არ თვლის მის ნახატებს, მაგრამ არიან ისეთებიც, რომლებიც გენიოსად მიიჩნევენ და ცდილობენ, შეინარჩუნონ მისი შემოქმედება.


„ნიკო იყო მოსული, როგორც ლეგენდა აუხსნელი“, - წერდა დიმიტრი შვეარდნაძე და თვლიდა, რომ მისი ნახატები ინტუიტიურია და სულიერი ხედვითაა შექმნილი. ტიცვიან ტაბიძემ იცოდა, რომ ევროპაში განსწავლულ-ალრზდილი, ფერწერის „ზაკონების“ მცოდნე მხატვრების უმეტესობა ფიროსმანს „ვერ დაინახავდა“: „ქართული აკადემიური მხატვრობა ფიროსმანს გულცივად ხედებოდა და ტექნიკას უწუნებდა, რაც, რასაკვირველია, ასეც უნდა ყოფილიყო, რადგან ოფიციალური მხატვრობა უთუოდ ვერ მიიღებდა ფიროსმანს, რადგან ის იყო მისი სრულიად საპირისპირო რამ...“, წერდა იგი. „პრიმიტიული მხატვრობა...“ პრიმიტიულს ჩვენი უსუსურობის გამო ვუნოდებთო, -ამბობს ილია ზდანევიჩი...ეს ნიშნავდა, რომ გრძნობდნენ მთელი არსებით, გრძნობდნენ პირველები, გენიოსის პირველადომჩენები... ილია იქვე ხმამაღლა მიმართავს მთელი ევროპის ხელოვანთ: „იცით თუ არა თქვენ, რომ თბილისში არის მხატვარი, რომელიც განსაკუთრებულ დიდებას იმსახურებს?.. თქვენი კრიტიკოსები, პროფესორები, ახალგაზრდებიც და ხნიერებიც მისი მუშაობის ერთ სანტიმეტრადაც არ ღირან...“

დაუნანებლად, სიხარულით.

ფიროსმანი ქმნის კომპოზიციას უბრალოდ, ბუნებრივად, როგორც წყარო მოედინება, როგორც ფოთლები შრიალებენ. ქმნის თეორიებისა და კანონების გარეშე და ეს მხოლოდ მისი კომპოზიციას, პიროვნული ხასიათი აქვს. როგორც მხატვარი, იგი განდევილია, ინდივიდუალისტია, მხოლოდ შინაგან კანონს სცნობს და ისიც იცის, საიდან მოდის ეს უტყუარი ალლო, ეს ხატ-სახეები: მე, ჩემი წმინდა გიორგი მნამს! რომ დავწვები, მათრახით ხელში დამადგება და მეუბნება: ნუ გეშინია, ნიკალა, დახატე, ნიკალაო და მეორე დღეს ფუნჯი თავისით ხატავსო... ზოგჯერ, მოულოდნელად, ამოიძახებდა: ჩემი წმინდა გიორგი... ან: მთავარანგელოზი დიდთვალებო...

ფიროსმანი არ ცდილობს შთაბეჭდილება მოახდინოს მნახველზე. ქმნადობის დროს იგი სრულიად მარტოა, სულ სხვა მხარეს აქვს მიპყრობილი თვალი და სმენა... ეს არის გასვლა უსაზღვრო, უსასრულო თავისუფლებაში, გასვლა ყოველგვარი მოცემულობიდან, მოგზაურობა საკუთარ უსიერ ნიაღში, ქვეცნობიერში, სადაც მარტოობა კოსმიური ხდება, სადაც არ არის სიტყვები, არ არის დრო, არის მხოლოდ ხატებები, ხილვები, იქ, სადაც სხვაგვარი არსნი მყოფობენ, სადაც იდეა-ფორმების სახით მატერიაში განსახორციელებელი არქეტიპების უსასრულო გარდაქმნა მიმდინარეობს. იქ ხედვდა თავისი პერსონაჟების სახეებსაც, აქეთ ნაპირზე პრიმიტიულად რომ ეჩვენებოდათ.

ფიროსმანის ადამიანები თავის თავში განმარტოებულნი ადამიანები არიან, რალაცაზე ჩაფიქრებულნი, მზერაშეჩერებულნი. მოქეიფების სახეზეც კი ვერსად ნახავთ ღიმილს, უფრო მეტიც, ისინი არც ჭამენ, არც სვა-



ორთაჭალის ტურფა

ფიროსმანთან დასაბამიერი წყვდიადიდან, უხილავი რეალობიდან ამოიზრდება, ამონათდება ადამიანი, ხე, ცხოველი, ქვა, ცა და მიწა და მოევილინება ხილულ სამყაროს, პირველქმნილის სისადავითა და სინმინდით შემოსილი. ისინი გამოდიან ამ „სხვა“ რეალობიდან, იძენენ ფორმას, საკუთარი ენით მეტყველებენ და არიან სულიერი გამოცდილების ადეკვატური ქმნილებები. მხატვრის ქმნადობა - შემოქმედებითი პროცესი ღვთისმსახურება და მსხვერპლშენიერვაა, რადგან ქმნილში დებს ყველაფერს, რაც გააჩნია - ნიჭს, განცდას, სიყვარულს, ცოდნას, თანაგრძნობას... და დებს უშურველად,

მენ, არც ლაპარაკობენ. თითქოს იმ სიტყვაზე ფიქრობენ, ერთი წუთის წინ რომ გაიჟღერა, როცა თამადამ სადღეგრძელო წარმოთქვა და ამ სიტყვით თავის თავში ჩააბრუნა ყველა, რალაც აღმოაჩენინა და ჩააფიქრა. თამადა ხომ, ტრადიციულად, მრავლისმცოდნე, მჭევრმეტყველი ადამიანი უნდა ყოფილიყო, მის სიტყვას ძალა უნდა ჰქონოდა. მხატვართან ყველა ადამიანი პიროვნებაა და საკუთარი ხასიათი აქვს. რაც არ უნდა ეცვათ მის პერსონაჟებს - კინტოს სამოსი, ევროპული კოსტუმი, ჩოხა თუ განდევილის კაბა - ეს სამოსი მათი მეობის სამოსია. ეფექტი მიღწეულია არა დეტალების დამუშავებით, არამედ ერ-



ქეიფი ვაზის ტალავერში

თადერთი ზუსტი და ფართო მონასმით, მთავარი ლაქით, ხაზით, ფერით, ფერით და კიდევ ფერით.

დიდ, ნამდვილ თავისუფლებას, ნათელში გასვლის უნარს მიჰყავს ფიროსმანი საკრალურ სიღრმეებამდე, არსის წვდომამდე, ამიტომაც მისი ნამუშევრები მისტიკურიებია: აღდგომის მისტერია (სააღდგომო კომპოზიციები, სუფრები, სააღდგომო ბატკნები-სამსხვერპლო, მორჩილი ზვარაკები, ნატურმორტები, ანგელოზები), ქართული სუფრის მისტერია (ქეიფების სერია), მზის მისტერია („მზე და ლომი“), ვაზის მისტერია (სადაც, მაღალი კლდეების თავზე, მოქეიფეთა თავების ზემოთ ვაზებს ადამიანებთა თავების ტოლი მტევნები ასხია, თავად ვაზები კი შუბშემართული ჯვარის მწრივებად ჩარიგებულა და ყველაფერი ერთად უდიდეს ძალას ასხივებს), და სხვა.

ფიროსმანის შემოქმედება რომ სიმბოლოებით მეტყველებს, ამას თვითონაც ამბობს, როცა ორთაჭალელ ტურფებზე ლაპარაკობს: მე მათ შავი ცხოვრების შავ ფონზე ვხატავ, მაგრამ მათაც უყვართ ცხოვრება და ამიტომ ყვავილებსა და ჩიტებს ვჩუქნი. მე მათ თეთრ ზენარს ვაძლევ, მეცოდებიან და თეთრი ფერით ცოდვებს მივუტევენ.

ფიროსმანის ცხოველები ადამიანური გრძნობების მანიფესტაციებია, თავისებური პორტრეტებია და ემოციურ-მენტალური ზემოქმედების ძალა აქვთ. ისინი სახეებია უმანკოების, სევდის, მხნეობის, სინაზის, სიფრთხილის, შიშის, სიყვარულის... თითქმის ასეთივე დატვირთვა აქვს პეიზაჟებს, მცენარეთა სამყაროს... ყველაფერი მთლიანობის ნაწილებია, ერთი ხელითაა შექმნილი, ერთ წრებრუნვაში ჩართული და საერთო სათქმელს ამბობს: ცხოვრება მშვენიერია, რადგან ბალახი მწვანედ ბიბინებს, მზე ანათებს, წყარო მოჩუხჩუხებს, მთვარე

იდუმალ შუქს ჰფენს გარემოს, ხეები ჩუმად დგანან, ფოთლები შრიალებს, ანგელოზები დაფრინავენ და ღვთის თვალი ტრიალებს დედამიწაზე. ფიროსმანის შემოქმედებაში დიდი სიჩუმე, დიდი სიმშვიდე, გამოცხადების მოლოდინი დგას, რამეთუ „ისე არაფერში იგრძნობა ღმერთის არსებობა, როგორც სიჩუმეში“ (მაისტერ ეკჰარტი). ფიროსმანი განსხვავებულია, თავისთავადია, არავის ჰგავს, რაც ყველაზე მნიშვნელოვანია, აქვს საკუთარი მრწამსი და თუმცა ქართულ ფრესკულ მხატვრობასთან, მინიატურასთან, ტრადიციასთან აქვს შინაგანი სისხლისმიერი ნათესაობა, მას ეს არსად უსწავლია, ეს მასში ცოცხლობდა და საკუთარი სულის სიღმეებიდან, სულიერი ხსოვნიდან ამოჰქონდა.

ფიროსმანმა მინდიასავით იცის: „რაც კი რამ დაუბადია უფალს სულიერ-უსულო, ყველაფერს თურმე ენა აქვს, არა ყოფილა ურჯულო“, ამიტომ ყველას და ყოველს ინდივიდუალობის ბეჭედი აზის, ყველაფერი მეტყველებს, აქ შემთხვევით არაფერი ხდება და არ არის სიცოცხლის იმიტაცია. ეს თავად სულიერებით, გრძნობით განმსჭვალული სიცოცხლეა თავისი შუქ-ჩრდილებით, ავ-კარგით, კეთილთა და ბოროტით. ყველაფერი მნიშვნელოვანია, შინაარსითაა სავსე და მონუმენტურია, როგორც კახური სიმღერა - ომახიანი, იმედიანი, ცამდე ამალლებული... და კიდევ, ფიროსმანს ხშირად ახსენებენ ვაჟასთან კავშირში, რადგან მათ შორის მართლაც ღრმა შინაგანი ნათესაობაა. როცა ვაჟა ამბობს: „იას უთხარით ტურფასა, მოვა და შეგჭამს ჭიპო“, ეს მისი გლოვის სი-



სააღდგომო ბატკანი

ტყვებია, მაგრამ ეს არის გლოვა არა მწუხარებით დაჩაგრული, არამედ ბუმბერაზი, ძლიერი ადამიანისა და იმ ადგილიდან ისმის, სადაც იბადებიან მისი გმირები, მთელი მისი სამყარო, დიდი, ძლიერი, ყოვლისმომცველი, იქ სტკივა, იქ უხარია, იქ გრძნობს... ასეთსავე ადგილზე დგას ფიროსმანი, იქ იბადება მისი შემოქმედება, მისი პერსონაჟები და იქიდან გვესაუბრება ყველას, ვისაც მასთან მიახლება სურს...

„ფიროსმანი ქართული ყოფის ეპიური თვალია... აქ არის მოცემული ნამდვილი ქართული ტემპერამენტი, ხალასი მზით დაფენილი“. (გრიგოლ რობაქიძე)





ქეთევან  
ბადლიშვილი


ნეჩვოლოდოვების სახლის  
ისტორია

(ხალხთა მეგობრობის მუზეუმი  
ნაჩვოლოდოვების სახლში)

**ს**ოფელ ხორნაბუჯის ტერიტორიაზე არის პატარა, რუსული სახლი, რომელიც გარეგნულად არაფრით გამოირჩევა, მაგრამ მისი ეზო და სახლიც ბევრი ცნობილი პიროვნების ნაკვალევს ინახავს.

მე-19 საუკუნის 20-იან წლებში აქ დასახლდა გრიგოლ ივანეს ძე ნეჩვოლოდოვი, შვილად აყვანილ სათანაის-ეკატერინესთან ერთად, რომელიც ჩრდილოეთ კავკასიის ერთ-ერთი განადგურებული აულიდან ობლადდარჩენილი წამოიყვანა. ნეჩვოლოდოვი ორმოცი წლისა ჩამოვიდა ყარაღაჯში, მას უკვე მოესწრო მრავალი ჩინის მიღება და რთული, თავგადასვლებით სავსე ცხოვრების გზის გავლა... პორუჩიკის ჩინის მიღების შემდეგ მან მიიღო ანნას II ხარისხის ორდენი, ხოლო ფრანკფურტთან ბრძოლაში მან მიიღო წმ. ვლადიმერის IV ხარისხის ორდენი. იგივე ორდენი, მეორედ, მიიღო პოდპოლკოვნიკობასთან ერთად ქალაქ ნამურას ალებისათვის, სადაც პლატოვის არმიასთან ერთად იბრძოდა.

გაითვალისწინა რა მისი უთვალავი ჭრილობა და არნახული გმირობები, იმპერატორმა ალექსანდრემ ბრძანა ნეჩვოლოდოვი გადაეყვანათ კავკასიაში, ნიჟეგოროდის დრაგუნთა პოლკში, რათა მისცემოდა საშუალება გამოესყიდა დანაშაული, რაც ისტორიაში სხვადასხვაგვარად არის მოხსენიებული. მოგვიანებით ერთმოლოვმა ითხოვა მისი სრული შეწყალება (მასალა აღებულია პოტტოს „მისი უდიდებულესობა ნიჟეგოროდის დრაგუნთა პოლკის ისტორიიდან“).




დრაგუნთა პოლკის ოფიცრები ხშირად იკრიბებოდნენ დედოფლისწყაროში, ნეჩვოლოდოვების სახლში. ეს არაჩვეულებრივი ოჯახი მრავალი წლის მანძილზე ყველა რუსი ლტოლვილის თავშესაფარს წარმოადგენდა. ნეჩვოლოდოვების სახლი, თავისი საოცარი დიასახლისით, იქცა ცენტრად, სადაც თავს იყრიდა ყველა ვისაც კი ბედი დედოფლისწყაროში გადმოისვრიდა.

ნიჟეგოროდის პოლკს მინიჭებული ჰქონდა უფლება, რომ მის რიგებში ყოფილიყვნენ თავადები, გრაფები და თვით მეფეებიც კი. პოლკი მრავალეროვანი იყო. ბევრი ქართველი თავადიც მსახურობდა და იქმნიდა კარიერას ამ პოლკიდან. მათ შორის იყო ალექსანდრე ჭავჭავაძე, გრიგოლ ორბელიანი, სპირიდონ ჭავჭავაძე...

ამ სახლში ორ წელიწადს ცხოვრობდა ალ. პუშკინის ძმა – ლევ პუშკინი (ლოვუშკა – ასე უწოდებდნენ მას ადგილობრივები). აქ ხშირად უნახავთ ნ. რაევსკი – ალ. პუშკინის მეგობარი და ასევე ცნობილი პოეტი. უფრო მოგვიანებით ნეჩვოლოდოვების ხშირი სტუმრები ყოფილან მიხეილ ლერმონტოვი, ა. სტოლიპინი, ა. ოდოევსკი და სხვა. ბევრ მათგანს გულითადი საუბრისა და გართობის გარდა, გარკვეული წვლილი შეუტანია კატენკას აღზრდა-განათლებაში. მაგალითად ლ. პუშკინს მისთვის ისტორია უსწავლებია, პ. ბესტუჟევის – ბუნებისმეტყველება, ალ. რინკევიჩის უცხო ენები, ისკრიცკის – მუსიკა და ა. შ. ისინი წიგნებითაც ამარაგებდნენ ამ ოჯახს.

დედოფლისწყარო (მაშინდელი მეფის წყარო) ხსენებული პერიოდის ისტორიაში შევიდა არა იმდენად თავისი სტრატეგიული მნიშვნელობით, რამდენადაც იმიტომ, რომ აქ ასახლებდნენ პროგრესულად მოაზროვნე ადამიანებს. რუსეთის გამოჩენილ შვილთა მონინავე იდეების გავრცელება საქართველოში დეკაბრისტების სახელთანაა დაკავშირებული.

ყარაღაჯსა და დედოფლისწყაროში გადმოსახლებული დეკაბრისტები,



სარკე და მაღალი ზარდახშა ეკატერინე ნეჩვოლოვას ნივთებიდანაა



როგორც ზემოთ აღვნიშნეთ ხშირად იკრიბებოდნენ ნეჩვოლოდოვების სახლში, რომელიც იყო გადმოსახლებულთა თავშეყრის, მათი აზრთა გაზიარების, კამათის, ფიქრისა თუ ოცნების მთავარი ადგილი. ბევრი ცნობილი პიროვნება ყოფილა და საუკეთესო მოგონება ნაუღია აქედან. „ამ პატარა, ყავრის სახურავიან თეთრ სახლში თავს იყრიდა ყველა, ვისაც ბედი დედოფლისწყაროში გადმოისვროდა.“ მათ შორის იყო პოეტი მ. როზენჰაიმი, რომელიც ველარ ივინყებდა აქაურ ატმოსფეროს.

ასევე, მიხეილ ლერმონტოვიც აღფრთოვანებული ყოფილა საოცარი დიასახლისით. ამბობენ, რომ ის გარკვეულწილად თამარის ხატებაა „დემონიდან“. მის ნაკვეთებს პოულობენ ბელას გარეგნობაში „ჩვენი დროის გმირიდან“.

1858 წელს დედოფლისწყაროში მყოფი დიდ ფრანგი მწერალი ალექსანდრე დიუმა ამ სახლში სწვევია ეკატერინე ნეჩვოლოდოვას. სავარაუდოდ ამ სახლში ღამე გაუთეგია ალექსანდრე პუშკინსაც. ეკატერინეს შვილიშვილი – გრიგოლ თევდორეს ძე ნეჩვოლოდოვი, წერს პეტრე ლესნოვი, სიკვდილამდე არავის აკარებდა რკინით მოჭედილ სკივრს, სადაც თავმოყრილი იყო წიგნები, ხელნაწერები და გამოჩენილი პიროვნებების მიერ ბებიისათვის მიძღვნილი ლექსები. მხცოვანი მცხოვრებლები ამბობენ, გრიგოლ თევდორეს ძემ ეს სკივრი სიკვდილის წინ ჩამარხა ძველ ჭაში, უზარმაზარი კაკლის ახლოს, ასე რომ ეს ჭეშმარიტად უძვირფასესი განძი დღემდე აღმოუჩენელია.

იმ დროის ყველა გამოჩენილმა პიროვნებამ იცოდა ამ ოჯახის არსებობის შესახებ – აღნიშნავს გრ. იარალოვი წიგნში „პეტერბურგიდან ყარაღაჯამდე“. ნიჟეგოროდელებიდან საკმაოდ ცნობილი პიროვნება იყო სპირიდონ ჭავჭავაძე. მან დაწერა მოგონებები, რომელშიც მოგვითხრობს მრავალი ისტორიული პიროვნების შესახებ. ამ აზრს აძლიერებს ისიც, რომ პეტრე ლესნოვი „მოჭედილი

სკივრის საიდუმლოებაში“ წერს, რომ კატენკას შვილთაშვილმა მარიამ თავისი თვალით ნახა ალბომი, სადაც ცნობილი პოეტების ხელით ჩანერილი კატენკასადმი მიძღვნილი ლექსები იყო.

ბევრი საკითხი ჯერჯერობით კიდევ საჭიროებს კვლევას და ნათლის მოფენას. ამბობენ, რომ დედოფლისწყაროში მყოფ ალექსანდრე პუშკინს მონანილეობა მიუღია დუელში და მშვიდობიანად მოუგვარებია, შეურიგებია მონინალმდეგეები. ასე რომ ვისაც ისტორია აინტერესებს და ხელენიფება, შეუძლია ჩაეძიოს ძველ მასალებს; მოიძიოს კავშირები აქ მოღვაწე დეკაბრისტების შთამომავლებთან.

ამჟამად ამ ისტორიული მნიშვნელობის შენობაში ხალხთა მეგობრობის მუზეუმი. იგი განაგრძობს ფუნქციონირებას. აქ პერიოდულად ეწყობა მხატვრების, ხელმარჯვე ოსტატების, ახალი თაობის ნამუშევრების გამოფენები, პოეზიის საღამოები, სოფლისათვის გამოჩენილი ადამიანების მოგონებების თუ გარდაცლილების გახსენების დღეები.





### ნათა ვარადა

## საქართველოდან საქართველოში

ჰერათი. ქარაუხი. ალიბაგლო. ქათმისხავი. ნადირთახყვასი. ჯახი. თამარის ხიდი

**მ**რთ დღეს გაიღვიძებ და ეგ არი. მთავარი, ბიომეტრიული პასპორტი გქონდეს უბის წიგნაკში. თუ ის ყავისფერი ტყავის გაქეჩილი უბის წიგნაკი 100 წლისაა და პაპის ნაქონია, და თან პაპა, კიდე აგერ მთელი 30 წელია აღარ არი, მაშინ, მით უმეტეს.

ერთი გალავანი ერთკა კახეთ-ჰერეთს, ადრე. ეს გალავანი არის ყვარლის ერთ სოფელში, ჭიკანში, კარგად ბლომად და სიგრძე-სიგანეზედ. იმ ადგილებს გალავნებს ეძახიან ადგილობრივები დღესაც კი და საქეიფოდ დადიან ბიჭები, როცა შერიგების დღეა ან ჯარიდან ჩამოდის ვინმე, მაგრამ ერთხელ, კლასელებმა სკოლის დამთავრების 10 წელი აღნიშნეს და იქ ერთ პოლიციელს გაუვარდა პისტოლეტი და მოკლა, საგვარეულოში ერთადერთი დარჩენილი ძე, და მაშინ ეს გალავნები თითქოს ისევ გაუქმდა, ხალხის თვალსა და მესხიერებაში.

„გამარჯობა, გამარჯობანა“ - მქონდა ასეთი თამაში ადრეულ ბავშვობისას. ეს არცთუ ისე უსაფრთხო საბავშვო თამაშებიდან ჩემს მიერ მოგონილი თამაში გახლდათ. აბა, სოფელში, საბჭოთა წყობისას, ქარიან დილას, როცა მთელი გლეხობა მიყუჟულია საკუთარი ქოხმანების თბილ კუნჭულებში, რომელი ჭკუათმყოფელი გოგო გამოვა გარეთ? კარგი, გამოვიდა და სად წავიდა?! პატარა გალავანია გადახურული და მივა იქ, გამობრუნდება და მერე მეზობლის გალავანთან მოუხვევს. სიგიჟე. მაგრამ ერთხელ, ისეთი ქარიანი დღე იყო, გოგომ გალავანთან აღარ მოუხვია და პირდაპირ წავიდა ქურმუხებზე, დიან. სასაფლაოზე.

ქურმუხებს სოფლები უხსოვარი დროიდან ეძახიან იმას, სადაც ძველი სასაფლაოა და 23 ნოემბერს და 6 მაისს ესე იგი, გიორგობის დღესასწაულზე, პატარა ნიშთან მიდიან, ანთებენ სანთლებს და ლოცულობენ. ქურმუხებზე გოგო სასაფლაოს არ ელოდა, მაგრამ რაღაც ისეთი ნახა, რაც მის გარდამტეხ ასაკში დაუშვებელი იყო. მობრუნდა, სოფლის გიჟი დაინახა ხეების უკან მდგარი გამწარებით იქნევედა მარჯვენა ხელს. გამოიქცა. ქარია. ურმით ვილაც მამა-შვილი ხეს ეზიდება. გულამოვარდნილი შერბის ეზოში და პაპის თვალები ხვდება დარაჯად. იქეთ აღარ წახვიდე მარტო. არის.

კაბალი კიდევ კარგად მახსოვს, სკოლის დამთავრებისას, აფხაზეთის ომიც რომ სიჩუმის დამანგრეველ ხმაურში დასრულდა, და შიმშილი გვჭამდა, სწორედ მაშინ შემოვიდა ჩემს ცნობიერში. კაბალელი თათარი დაიმეგობრა მამამ. მეგობარი ნავთს და ბენზინს ყიდდა, თითქმის მუქთად.

იყო ამაში რაღაც ძალიან უთქმელი და თავისთავად მნიშვნელოვანი. ის ნავთი ბავშვებს პურის ფულად გვყოფნიდა. მე ხომ ცარიელი ხახვიც კი მაქვს ჩაკბენილი და მერე გადმოფურთხებული. იმ სიმწრის დღეებში, იყო ერთი მზიანი. მოიყვანა სახლში კაბალელი მამამ და მე ვარ მარტო დიასახლისი. დიდი კუფლებიანი ყურძენი გვაქვს ხეივანზე, მოვწყვიტე ორი მტევანი და დავდე საინზე, მერე კონიაკი გამოვიტანე ვერცხლის სასმისით და ვერცხლისავე ჭიქებით. იყო ამაში რაღაც ტკბილი აღმოსავლური. ილიმებოდა ის თათარი, უცხოტომელი, შავშავი თვალებით და მერე მამაჩემა თქვა: სომხებმა არ იციან ძმაკაცობაო. თათარი თუ დაგიძმაკაცდა, შენი ძმაა ბოლომდე, ღალატი არ უყვართო. მე ცხვრის სუნი დამრჩა. კავკასიელებს რას გაუგებ?!  
გურამ თიკანაძის ფოტო არის კიდევ შავ-თეთრი. ქურმუხის წმინდა გიორგი, გუმბათმორღვეული და ჯვარმოქცეული. ისეთი კადრია, კაცის დახვრეტას ჰგავს.

ეს ფოტო სტუდენტობისას ვნახე. ნაქირავებ ბინაში დარჩათ წინა მდგმურებს. ცოლქმარს, სამედიცინო უნივერსიტეტის სტუდენტებს. მთელი ბარგი ადიელებში ჰქონდათ გამონასკვული, გახსნილი და რილკე, გახსნილი და ნოვალისი. ძველი ღვთისმშობლის ხატი, საბეჭდი მანქანა, სახატავი მოლბერტები, ისიც კი, ფირის გასამუღავნებელი აპარატურა. საოცარია. ვან გოგის ამბავი, შექსპირის ტრაგედიები და საოჯახო ალბომი. ამ საოჯახო ალბომში ერთი შავტუხა და დიდთვალეა გოგო თოჯინით დგას, ამ ქურმუხის წმინდა გიორგის ხეობაში. როგორ ვნანობ რომ ის ფოტო არ დავიტოვე, გურამ თიკანაძის ფოტოსთან ერთად.

ასე, ნელა მივდიოდი საზღვრამდე. ნათია როსტიაშვილის, ჩემი მეგობარი მწერლის ენა და ხატოვნება მწერლური კიდევ ერთი საფეხური გახლავთ. ნათიას ამას წინა გაზაფხულზე ბაბუა გარდაეცვალა და თავისი გადღებულ პაპის ბოლო ფოტო დადო ფეისბუქზე. ისეთი მოხუცი იყო, ზურგით იდგა თავის ნაკვეთში, დიდი კაკლის ხის ძირას, მაგრამ მაინც ეტყობოდა, როგორიც იყო.

საქართველოდან საქართველოში მისასვლელი ხიდი გადის ატმის ბაღზე, თანაც იმ დროს, როცა წინა დღეს ხარება იყო და შემდეგ დღეს კი ბზობა გათენდება. რვა აპრილის ატმის აყვავებული ბაღი ეს არის ის, რაც უნდა ნახო სანამ არ მომკვდარხარ.

ერთ მხარეს კავკასიონის დათოვლილი ზეგანია და

ალაზნის ქალა, ახლადამწვანებული, ნორჩი, ყვავილოვანი, ხოლო მეორე მხარეს კი გურჯაანელი მიხოს მიერ გაშენებული ატმისფერა, ატმის ხეების აყვავილებული ბალი. შედისარ და იკარგები და დროც და ადგილიც ერთდროულად ქრება.

გზას განაგრძობ და ისე გადადიხარ საზღვარზე ვერც კი იგებ, რომ სხვა, მეორე ქვეყანაში შეხვედი. უბრალოდ, შენს ბიომეტრიულ პასპორტში პირველი ბეჭედი ჩნდება - საზღვარი გადალახულია, რუბიკონი დაძლეულია და შენ საქართველოდან საქართველოში გზას აგრძელებ.

ლაგოდესს ებმის ზაქათალა. ტაქსით ვაგრძელებთ კახამდე გზას. ბელაქანი. ტაქსის მძღოლი ნადირია, აზერბაიჯანელი, რუსულიც ნაკლებად იცის.

აზერი მესაზღვრის „კეთილი იყოს თქვენი მობრძანება“ აზერბაიჯანში, ახლა ნადირმა გააგრძელა. ბელაქანს რომ გავცდით იქუხა, იჭექა. და დასცხო. საზღვარს რომ გადავდიოდით ფეხით, შირაქის ველიდანაც ანათებდა ცას ელ-ჭექი და ვაშლოვანის ნაკრძალის და ზღვის ფსკერიც ნათდებოდა.

ერთ დროს, იყო ასეთი დრო კახეთი ხომ ჰერეთს ერთვოდა, იმ დაუნგრეველი გაღავნით, ცით, ჰაერით ღმერთით, ასევე, კასპიის ზღვა შავ ზღვას. და ეს ზღვის ნაწილი, სწორედ კუხეთ-ჰერეთის შუა იდვა - შირაქის საძოვრებთან, ვაშლოვანის ნაკრძალთან. ნადირთმწყემსმა სულაც არ გაიკვირვა, როცა გაიგო რომ ქართველები ქართულ სოფლებში სტუმრად მივდიოდით და თანაც, მათ შორის ერთი გასათხოვარიც ვიყავი. მოულოდნელად გზაზე მეღიები ან მელატურები გადარბოდნენ, ნადირი შეჰყვირებს: ვოოლკ. ვოოლკ. ადინოკი ვოლკ.

გვაშინებდა ან გვამხიარულებდა. ჭარ-ბელაქნის „ტეკს“ უსაფრთხოდ არ გავცდით. გამოგვეკიდა თათრული პატრული. გაგვანჩრეს. თურმე მანქანის უკან სავარძლებზე ხუთის ჩაჯდომა იკრძალება იქაური კანონით, მაგრამ ნადირი არ დაბნეულა, უცბად გადახტა და მოურიგდა პოლიციელს. თურმე, შევარდნადის დროს რომ გვეყვავდა „ტეკის“ მილიციელები და ერთი კილო მარწყვისა და ერთი გალა ნივრის ფასად გატარებდნენ გზაზე, ეს პრაქტიკა ჯერ კიდევ სჭრის იქ, ჰოდა, ცოტა ივაჭრეს და ბოლოს, რამდენიმე ათეულ მანათად დაიხსნა თავი ნადირთმწყემსმა და გზაც განვაგრძეთ.

-ჩამიშვესო სხვა ტაქსისტებმა!- გულნაკლულად თქვა.

-იქ რომ იდგნენ?! - ვკითხეთ.

-ვიცი ვინცაა.

როგორც ჩანს ნამდვილი ნადირი ის იყო.

ასე, უცნაურად მივიწვედით წინ.

რაც არი არის. აზერებს ჰყვარებიანთ მაღალგალავნიანი სახლები. ისეთი მაღალი ჩიტი რომ ვერ შეფრინდება და ჭიანჭველა ვერ შეძვრება. სახლები არც ჩანს. ეს ალბათ, დიასახლისების დამალვის კიდევ ერთი ხერხია. ნადირმა: ჩვენთან პატარა გოგოებს, 13 და 14 წლისებს არ ათხოვებენ, ეგ ალბათ საქართველოს თათრების წესიაო. თუმცა ქალი სახლში უნდა იყოს და შვილებს და ოჯახს მიხედოსო. ქალები ძირითადად სახლში არიან, და არც სამსახურებში არ დადიანო, მაგრამ აი, პრეზიდენტის მეუღლე ძალიან კარგი ადამიანიაო,

კეთილიაო. აი, კახის რაიონის სოფლებში რომ შევედით, მაშინ გამოჩნდნენ ვოლკები თუ მელატურები, ამინდიც შეიცვალა, გამოიძარა, ბნელოდა უკვე, მაგრამ სხვანაირი სინათლე ჩადგა სოფლებისკენ მიმავალ გზაზე. დაბალი ლობე და განათებული ეზო. მაღალი ხეივანი და აბიზინებული ვაზი.

საქართველოდან ქართულ სოფელში ვართ. მასპინძელიც რეკავს.

ნადირი შევითანხმეთ მეორე დღის საღამოს მოგვაკითხავს და ნაგვიყვანს. უხარია და გვემშვიდობება.

ჩვენი მასპინძელი სუყაშვილების ოჯახია.

ჯერ არ მითქვამს - ერთმა კარგმა გოგო პოეტმა, მეორე კარგი პოეტ ბიჭს პროექტის იდეა ჩაუსახა, ლიკა ჭელიძემ ლაშა ბიბიჩაძეს, ჰოოდა, მოხდა ასე, ამ პროექტმა ერთად და „ერთად.ჯიმ“ და ერთად დგომით მოიგო ჰერეთელი ახალგაზრდებისთვის თანამედროვე ქართველი პოეტების პოეზიის საღამო. ამ ნათელი მისიით ერთ-ერთი ჰერეთელი პოეტის ზაზა სუყაშვილის ოჯახისკენ ავიღეთ გეზი და ამ ოთხეულს მეხუთე ამირან ჯანჯღავაც შემოგვიერთდა, ისიც პოეტი, და თანაც მეგრელი. ერთი მეგრელი ყველგან გყავდესო, ძველებს უთქვამთ.

ამირანი და ნადირთმწყემსი ჭარ-ბელაქნის გზაზე დაძმობილდნენ. ამირანისთვის, ლამის იდუმალებაში გახვეულმა კახეთისა და დაღესტნის კავკასიონს ქედი არ მოუხრევიებია.

გვიან მისულებს ალიბეგლოში, ქათმისხევეში უფრო კი ვაშლოვანში მასპინძლების ოჯახი გარეთ დაგვიხვდა. ქართულად და გემრიელად გვიმასპინძლეს.

დიდი და ღონიერი ოჯახი ფეხზე მყარად დგას.

ვხედავთ კარგად მოვლილ ეზოს და აყვავებულ მსხლისა და ვაშლის ხეებს.

უამრავ ყვავილებს, როგორც ოთახის ასევე ბაღისას. ვხედავთ ეზო ორნაწილად არის გაყოფილი, მეორე მხარეს საქონლისა და ფრინველთა სადგომებია, ღორების ჭყვილიც მოისმის.

პირველი სართული საზაფხულოა და ამიტომ, მეორე



საბჭოთა ხელისუფლების მიერ გავერანებული ქურმუხი



სოფელ ალიბეგლოს წმინდა ნინოს სახელობის ტაძარი

ვილების სახლისა კიდევ არი ძალიან კოპნია. იმ დროს ვილვი-ძებთ საქონელი რომ გადის ბოსლიდან და გარეთ უერთდება სხვა მეზობლების საქონელს, ერთიანდება და ნახირი მიდის ქვევით ალაზნის ჭალისკენ.

კამეჩები და ძროხები ხუთ-ხუთად ეტყობა, რომ მშრომელები არიან.

შინ დარჩენილი ზმუიან ბოჩოლები და ზაქები.

წყალთან ახლოს ქვევრია მინაში და თითქოს, მის თავზე გაშენებულ ხეივანს ასცქერის მშიერი თვალებით.

ზაზა ამბობს, რომ მარნები ჰერეთელებს ეზოებში ჰქონდათ. მტერი რომ შემოდოდა პირველ ღვინოს და ქვევრს ეძებდა. ეზოებში კი ძნელი საპოვნელი იყო. ასე ინარჩუნ-

სართულზე გაშლილ სუფრაზე გვიწვევენ.

ზაზას მშობლები და ბებია და რძალი და ბიძაშვილი პატარა გოგო, ქართულად რომ გვესალმება და ისე ილიმის, თითქოს მზე ამოიწვერა.

ზაზას დედა ჭაჭაშვილია, ეთერი. ბებო, დედის დედა ნაზი, ულამაზესი თვალებით, ქართული ჭკვიანი და კეთილი თვალებით. მამას ეტყობა რომ მშვიდია და ოჯახისმოყვარე.

ქართულ არხზეა ტელევიზორი ჩართული, სუუ.. ამინდის დროა. აბა, როგორი ამინდია საქართველოში. -ჩვენ ამინდსაც კი სულ ვიგებთ, სულ ვკითხულობთ, როგორი ამინდია საქართველოში; - აქ არ შეიძლება არ აგტირებოდა.

დავლოცვით ფუძე-კერა.

მოვეყვით აქეთურისაც და იქეთურისაც.

„აქ, კორუფციაა. ჯერ კიდევ, შენი განათლებით შორს ვერ წახვალ. საბჭოთა წესებია. ჩვენთან, თათრები არ ცხოვრობდნენ, ერთი ორი ლეკური სოფელი იყო. ახლა კი ჩამოვიდნენ. მინაზე შლიდნენ სუფრას და ისე, ხელით ჭამდნენ, ამათ ჩვენიდან ისწავლეს ბევრი რამე. კახში ძირითადად ქართული სოფლებია, ქრისტიანებად დავრჩით.

როგორი ამინდია საქართველოში?!

საქართველოდან საქართველოში.

საზღვრები პირობითია.

არ არსებობს საზღვრები.

სულიერებაში ყველა საზღვარი არის ფლიდობა და ფუჭი.

არის მინა. სისხლი და არის ეს ყველაფერი ქართული.

გვიან ვწვებით.

თითქმის თენდება ბზობის დღესასწაული.

**დღე მეორე. 9 აპრილი. ბზობა. გლოვა. ტიტები და ბზები. წმინდა ნინოს ტაძარი. თამარა ბაბო. შალოშვილებში. ქურმუხის წმინდა გიორგი. დღე რომ დამანგრეველად იქცევა წამიერად. თამარის ხიდი და დაღესტნური სოფელი.**

დილა არი ნათელი, მზიანი. ნანვიმარი. ეზო სუყაშ-

დებდა საზიარებელ ღვინოს ძველად ჰერეთელი გლეხობა.

ყავა აივანზე დავლიეთ.

რძე რომ ახლადმოწველილია იმ სახლში ფუძის ანგელოზები ფერხულს მართავენ.

მანონი, კარაქი, ხაჭო, ერბო, ყველი, ნაღები.

ისეთი ამბავია რა გინდა სულო და გულო.

მზეს სხვა სითბო აქვს,

ყავასაც სხვა გემო.

გავდივართ სახლის წინ, ქუჩაში.

გამოსულან ალიბეგლოელი ქართველები, მეზობლები, კითხულობენ ზაზას, ხელს ართმევენ. გამორბის ზაზას ტოლი ბიჭი და კოცნის და გვიცინის.

ცოტა დარდი არის მათ თვალებში, ცოტა გვიანი და დაწურული სევდა.

ზურგიდან, ოდნავ წელში მოხრილები, ჩათბუნებული შედიან სახლებში.

ჩვენ მივივივართ სოფლის დასათვალისწინებლად. ბიჭი ჯარიდან დაუბრუნდათ და ერთი ოჯახი დიდ წვეულებას მართავს. მთელი სოფელია დაპატიჟებული.

9 აპრილის მემორიალია სოფლის ცენტრში, ძალიან ლამაზი, ქართული ჩუქურთმებით გაფორმებული ქვებით. ისეთია, რუსთაველზე რომ დაიდგმებოდა.

იქვე შორი-ახლოს კი სტალინის ბიუსტია.

კონტრასტი.

ალვის ხეების კორიანტელია, დიდი, ტანმაღალი და ახოვანი ალვის ხეების ფოთლების ლივლივი.

ალიბეგლოს ძველისძველი, წმინდა ნინოს ეკლესია, იცით, როგორი არის?!

აი, დაბლობზე, გაიხედავ და აზიდულია ეს კავკასიონი, მაღალ-მაღალი.

იქავე კი ეს ულამაზესი ტაძარი დგას. ჯიუტ, ნანწავებიან პატარა გოგოსავით.

ეკლესია დაკეტილია. კახის მღვდელმსახური ბზობის წირვას კახის წმინდა გიორგის სახელობის დიდ ტაძარში აღავლენს. დიდხანს ვიყავით ეზოში და ზაზაც ცდილობს მოგვიყვეს სხვადასხვა ლეგენდები, ამბები, რაც ამ სოფელს, ამ ხალხს უკავშირდება.



უცხად ახსენდება რომ აქვე თამარა ბაბო ცხოვრობს. ლექსების მოყვარე, და თავადაც პოეტი. მივედით და თითქოს ჩემი სოფლის, ყვარლის რაიონის სოფელში ვარ და მეზობლის სახლს ვსტუმრობ. აუჩქარდა გული, აკანკალდა თეთრგრძელნაწნავიანი და შავთვალწარბა ულამაზესი 85 წლის თამარა შიოშვილი და აგვიყვანა აივანზე და სკამები გამოატანინა ქალიშვილს. მოგვიყვანა ხევსურულ კილო-კავზე ჰერეთული ამბები.

როგორი პაპა ჰყავდა და ბიძები. მერე ერთი ბიძა სამამულო ომსაც შეენირა. პაპამისი, დავითი, თურმე ეკლესიას უფელიდა და ინახავდა, ამის გამო ბაქოელი თათრები მტრად მოჰკიდებინან. ერთ დღესაც, შუაღამისას მოვიდა სოფელში ამბავი რომ თათრებს მოჰყავთ მოლაო და უნდა გადაგვარჯულონო, ვინც რჯულს არ შეიცვლის. იმას მოჰკლავენო. მამაკაცები აიყარნენ და ქვევით ალაზნისაკენ წავიდნენო. ზამთარია, ყინავს. ვინც შირაქს გაასწრებს, სიცოცხლესაც შეინარჩუნებს და რწმენასაც. მდინარეში მიუსწრეს და ბევრი ჩახოცესო. დილას კი მდინარე განითლებული წყლით მოდიოდა.

მოცვივდნენ მერე სოფელში და აგვანიოკეს, გაგვქურდეს.

თამარა ბაბოს და აქაურებს ზოგადად, უცნაური კილო აქვთ. უფრო მთის ხალხს, რომ ახასიათებს, ისეთი. ხევსურები რომ საუბრობენ. ხმოვნებს ესენი კვეცენ. ასევე ძველი ხარისც შემორჩენილი აქვთ, უცნაურად სასას ენის მიბჯენით გამოითქმის.

სწრაფად თუ საუბრობს ჰერეთელი, ბევრ რამეს ვერ გაიგებ. გგონია სხვა ენააო. თუმცა კილოთი და ქართული ასობგერებით ყური მიხვდება რომ ქართულია. ბევრი სხვა რამეც გაიხსენა თამარა ბაბომ. სიამაყით თქვა რომ სოფელი ქრისტიანული წესებითა და ტრადიციებით ცხოვრობს და ქართულიც ყველამ იცის.

34 წლის 4 შვილით დავქვრივდიო. ღანძილს ვაგროვებდი, დავდიოდი ღანძილზე და გავდიოდი ალაზანს და იქეთ, მხარეს ვყიდდი. ალოებზეც მივლია, ხორბლის ასაგროვებლად, ალიონზე, გუთნისდედური მომისმენია ნაშუალამევს.

რამე დავგაბარეო, და სამახსოვროდ ქურმუხობას, ექვს მაისს ჩამოგიყოლებთო და ამან, ლოცვითი წიგნი მინდაო.

მერე შვილიშვილის ქორწინშიც დავგაპატიჟა, ჩემები ხართო, პირცარიელს როგორ გაგიშვებთ, ახლავე ქათამს მოვთუთქავო.

მამა ანდრიას წიგნი, „ნუ გეშინიან რამეთუ მე მიძლევდეს სოფელსა“ მქონდა თან წაღებული. ორადორი წიგნი, ჩემი ლექსები და მამა ანდრიას წიგნი წავიღე. ბევრ წიგნს საზღვარზე არ გატანინებენ.

ვაჩუქე მამა ანდრიას წიგნი. მასპინძელს დაფუტოვე და გადასცემდნენ.

რა უცნაური და მისტიურია ეს ამბავი. მამა ანდრიაც ქრისტიანობისთვის დახვრიტეს და ისიც დროებით მონყვეტილ მინაში განისვენებს, აფხაზეთში და ეს ჩვენი საქართველო, როგორც ჯვარზეგაკრული იესო, აფხაზეთიდან ჰერეთამდე, მაგრამ მაინც როგორი სიცოცხლიანი, უკვდავი და უფალთან შეზიარებული.

როცა უკან, სახლში მივბრუნდით, უკვე ძალიან გვიყვარდნენ ჰერეთელები. ზაზას მამამ და ბიძამ მანქანები

დაგვახვედრეს და კახისკენ ავიღეთ გეზი. ზაზას დედა და ბებო კი ფუსფუსებდნენ ჩვენთვის გემრიელი სადილი რომ დაეხვედრებინათ.

გზა, რომელიც ღამე გამოგვატარა ნადირმა და მგლებით იყო სავსე, დაგვხვდა მზიანი, ამწვანებული თხილის ბალებით, ნათესებში იდგნენ ჰერელი კაცები და ხელებს გვიქნევდნენ. მდინარე ქურმუხს კალაპოტი კი განიერი ჰქონდა, მაგრამ თვითონ ლელესავით მოდიოდა. ისეთი მოვარდნა იცის, ისეთი, როგორც წარღვნა. ორი ქურმუხია, როგორც ორია არაგვი. შავი და თეთრი. ჩვენი ქურმუხიც ასეა. მოდის კავკასიონიდან და მთის ჩქარი და გადარეული მდინარე ხდება, გაზაფხულზე, თოვლის დნობისას. რამდენჯერ სოფელში შემოვარდნილა და სახლები დაუტბორავს.

გზა-გზა გვიყვებოდა ზაზას მამა. კეთილი.

მეც მინახავს ეგ ჩქარი, თუმცა ავანისხევი ქვია, ახალსოფელში, ძველ გავაზში, იქ არის ერთი თავნმინდა უძლიერესი გიორგი. იქაც, 6 მაისს აღიან მლოცვლები მთელი კახეთიდან.

კახი დაგვხდა გალამაზებული, თურმე ერთი ძველი ქართული სახლი თავის ქართული ჭიშკრით, იმერეთში რომ ხშირად გვხვდება, წინკარს რომ ეძახიან კრამიტით გადახურული, ორი ბოძი, სწორედ ასეთი გადარჩენილა კახში და მოსწონებიათ აზერებს და მთელი კახის სახლებისათვის სწორედ ასეთი ჭიშკრები შეუბამთ. ქართული საქმე გაუკეთებიათ და ძალიანაც კარგი.

ერთი ძველი აგურისა და ქვისგან ნაგები სახლი, სწორედ ასეთი ძველი წინკარით დაგვანახეს გზიდან. თურმე მიტოვებულია და იქ უცნაური ამბავია მომხდარი.




ცოლ-ქმარი დაბინავებულა და ცოტა ხანში ორივე გამქრალა. ოცი წლის მერე კაცი დაბრუნდა და ყრუ-მუნჯად იყო ნაქცევი. არაფერს ყვებოდა, მალე კი გარდაცვლილა და აღარავინ შესულა ამ სახლში საცხოვრებლად. მეზობლები იმასაც ამბობენ, რომ სახლიდან შუალამეს უცნაური ხმები გამოდის, ქალის კივილი, ხანდახან კი ნივილიც კი.

ამ სახლს რომ გავცდით, გამოჩნდა კახის წმინდა გიორგის ტაძარი. ბზობას აღნიშნავდნენ კახელები. ჩვენც

შევედით. ამ ტაძარს ძალიან საინტერესო ეზო აქვს, აქ იმ ადამიანების საფლავებია, ვინც ისევ გააქართველა ჰერ-

ორ კლდეზე ამოშენებული აგურის ხიდი აგერ მერამდენე საუკუნეა მყარად დგას, დგას და თამარის და ჩვენი საქართველოს ოქროს ხანას, საუკუნეს აცოცხლებს, მდინარე ქურმუხსაც უძლებს.



თამარის ხიდი

ელები, ვისაც ამაგი აქვს მათ თავიდან ქართული ენის შესწავლაში და მოქცევაში.

უცნაურია, რომ თუთის ხე მათი საფლავებისკენ ბუნებრივად გადახრილა, დაუჩოქებია და კვლავ ასულა მალლა.

მოძღვარი, როგორც ქრისტეს მხედარი ასე მყარად იდგა და აღასრულებდა თავის საქმეს. ლოცვითი წიგნი თამარა ბებოს იქ შევეუძინეთ, სანამ საქართველოდან ჩავიტანთ. სანთლები დავანთეთ, ვილოცეთ წმინდა გიორგის ხატთან და იქ მყოფებს ბზობის დღესასწაული მივულოცეთ.

ტაძრის ეზოში სახელდახელოდ გავმართეთ ქართული სკოლის მოსწავლეებთან და ასევე, ქართული სიმღერისა და ცეკვის ანსამბლის წევრებთან ერთად პოეზიის საღამო. ბევრი ლექსი ითქვა, მერე ვისაუბრეთ თანამედროვე ქართველ მწერლებზე, ბოლოს კი ჰერეთელმა ბიჭებმა გვიმღერეს და გამოგვაცილეს.

ანსამბლს ქართულის ფორმები არ აქვს. აქ ჭირს ჩოხა-ახალუხების მოძიება და შეკერვა მით უმეტეს, არც გადმოტანაა ადვილი.

შემდეგ ხეობისკენ ავინაცვლეთ და თამარის ხიდისკენ წავედით.

ეს ხეობა და მიმდებარე მიწები ქართველების საკუთრებაა, თუმცა შეუსყიდიათ ბაქოელ აზერბაიჯანელებს და დალესტინის საზღვრამდე საკუთარი დასასვენებელი აგარაკის სახლები აუშენებიათ. გზაზე შემოგვხდა მალაღალავეანშემორტყმული ალიეების რეზიდენცია. თურმე ალიეების ოჯახს ყველა რაიონში სწორედ ასეთი გრანდიოზული რეზიდენცია აქვთ და საზაფხულოს, ან საზამთროდ ან სტუმრებისთვის იყენებენ.

დალესტინის საზღვარზე კი უცნაური ციხე შემოგვხდა, ისეთია ფეხს არ მიგაკარებინებსო, როგორც ჩანს ძველი მეციხოვნეებისა და იქვე, უკვე ხეობის ბოლოს თამარის ულამაზესი ხილია, მდინარე ქურმუხზე გადებული.

იქაურობა აზერბაიჯანს ნაკრძალად აქვს გამოცხადებული. ზაზას ბიძამ, აქვე ახლოს არის ლეკების სოფელიო. ციხე-ქალაქი. ლეკები გვეძმობილებიან ქართველებს, ნათესავებს გვინოდებენო და გვაქვს ასეთი ძმობა, სანადიროდ გვეძახიან ხოლმეო. თურმე ამათ საზაფხულოდ მალლა ალპურ ზონებისკენ აჰყავთ საქონელი და იქ ლეკები და ქართველი მწყემსები ერთად ბინადრობენ. შატილს ჰგავსო ძალიან ის სოფელი, გადაბმული სახლებიაო და ბანიანი ციხეები. აგიყვანდით, თუმცა ახლა

იქ დიდი თოვლია და შეგცივდებათო.

შემდეგ კი დავეშვით კახიდან და შემოვუარეთ ამ ულამაზეს ხეობას და წავედით ქურმუხის წმინდა გიორგისაკენ.

ასასვლელი ჰგავს ნეკრესის გზას. იქვე აზერებს გამოუკრავთ თავიანთ თათრულ ენაზე, რომ ეს ძეგლი ალბანურიო და მესამე-მეოთხე საუკუნეებს ეკუთვნისო. აბრეშუმის გზაზე რომ დგას ეგეც კი ეწერა, მაგრამ აი, შემდეგ ცამეტ საუკუნეზე მეტი რომ უკვე წმინდა გიორგისაა ეგ კი დავინწყებიათ.

აქ, მართლაც უცნაური გარემოა, როგორც ჩანს ვულკანურ ქანზე, რომელზეც ულამაზესი აკაციების ტყე გაჩენილა ხანძრის ჩაქრობის მერე, შავ-შავი ვულკანური ქანები აქლემების კუზებს წამგვანებია. ზაზამ, ერთხელ თურმე აქაურ ბერებთან აქლემების მექარავენებს რალაც შეეშალათ და ბერებმა ძაან ცუდად მიანწყველეს და დილით გაქვავდნენო და ახლა ამ აქლემებს ვუყურებთო. ბორცვებზე ადიხარ და თვალწინ გეშლება მთელი მინიერი სასუფეველი. ზურგს უკან კავკასიონია, მთების ზურგიდან ერთი-ორი თეთრი ფთილა ღრუბლისა თუ ამოიპარება, დანარჩენი სანახაობა კი წინაა. შირაქის ველი, მთელი ალაზნის ხეობა, მთელი ველი და სიგიჟე შენს თვალწინაა, მთავარია თვალი არ მოგჭრას ამ სილამაზემ, იტვირთო, შეძლო დაიტიო შენს პატარა მოლეკულა კოსმოსში.

მოხდა კიდევ ერთი უცნაური ამბავი: ღიაა ეკლესია. ეს იმდენად იშვიათი რამეაო, ზაზას მამამ და ბიძამ ვერაფერს ვიტყვიო. მხოლოდ გიორგობას, 6 მაისს იხსენებო, დანარჩენ დღეებში სულ დაკეტილიაო. აგურის ტაძარს ახლა გუმბათიც აქვს და ჯვარიც. გურამ თიკანაძის ფოტოზე რომ არის დაქცეული, იქ მართლა წარმართულსა ჰგავს. ეს ხომ ადრემთვარის ტაძარი იყო და თურმე ბერად ადამიანს შეუთქვამდნენ, ზურგზე ჯაჭვს მოახვედნენ და ნატები, ტაძრის ქურუმები, ფეხშიშველს ატარებდნენ ტაძრის გარშემო, ეს ფეხშიშველა სიარული ხომ ახლაც არის შემორჩენილი, მერე კიდევ ზღრუბლთან დანას, მახელს დაარტყამდნენ და ამ კაც-



მსხვერპლზე უნდა გაგველო, ფეხი დაგვეგდა, რაღაცა მადლი წაგველო.

სანთლები დავანთეთ, ვილოცეთ. საქართველოს ჯვრიდან ჩამოსვლა და აღდგენა-გამთლიანება ჩავუთქვით, ლექსებიც გადავძახეთ ქვევითა საქართველოს და დავბრუნდით. სატაცურები და უამრავი მწვანელობები, ყვავილობები და უცნაური ხატის ტყე.

ასეთი საოცარი რამეა ჰერეთი.

სახლში დაღლილები მოვედით.

სახელდახელო სუფრაც გაანწყვეს.

ისეთი გემრიელი რამე მოგვიხარშეს სხვაგან რომ ვერ ვხედავ, ჰერეთული ამბავია, ნაზი ბებომ გვასწავლა:

**რეცეპტი ჰერეთიდან**

**ნაკები ცომი მოხარშული ქათმის წვენში**

*ცომს მოვზელთ და გავაპრტყელებთ, დავჭრით კუბიკებად,*

*მერე ცერა თითის გასმით მივცემთ ფორმას.*

*ჩავყრით მდულარე მოხარშულ დედლის წვენში, ბულიონში და*

*მოვხარშავთ.*

*იჭმევა წვენთან ერთად, სურვილისამებრ მოხრაკულ პამიდორთან ერთად, რომელიც ახალი ქინძითაა შეკაზმული.*

კიდევ, სხვანაირი გემრიელი ღვინო აქვთ აქურებს, ღვინო და ჩაი. აღმოსავლეთია, კავკასია.

წამოვედით და დავემშვიდობეთ ულამაზეს საქართველოს, რომელიც საზღვრების იქეთაც და აქეთაც საქართველოა.

ნადირმა არც ერთი წამით არ დააგვიანა.

გზაზე ამირანმა აინწყვიტა, რა თქმა უნდა, ჯაჭვი და ბევრი იმღერა, სიმღერა ამირანისა სხვა დროს.

ჯარიდან ახლადჩამოსული ბიჭის ეზოში გაშლილი სუფრებიც ნელ-ნელა ირეოდა. სოფელი თითქოს ბზობას დღესასწაულობდა, ამ ახლანვეულის სახელით.

**პ.ს.** უკვე ბზობა, 9 აპრილი მთავრდებოდა. საზღვარს ისევ ფეხით ვკვეთდით, ისევე განვიმდა.

მე ძევვის ბავშვთა სახლისთვის მზიურის პარკში პოეტებთან ერთად საქველმოქმედო საღამო უნდა გამემართა, მაგრამ ჰერეთი დამემართა. ჩემი მეგობრები კი ქარსა და წვიმაში, ზუსტად 25 ლარის გამო გაიყინენ, ასე იყო.

აზერმა მესაზღვრემ, სანამ დამიდასტურებდა უკან დაბრუნებას, ორჯერ ამომხედა და ერთხელ კამერაში ჩამახედინა, ზაზას უთხრა თავის ენაზე, შეხედავ ბავშვს ჰგავს და აქ კიდევ მეექვსეა თარიღი.

გამალიმა, ალბათ, სახე ჩამომტიროდა, მაინც. ჰერეთის გამო და ისეც.

ატმის ბალს კოკისპირულ წვიმაში გავცდით.

და დავბრუნდით საქართველოდან საქართველოში.



ქურმუხის წმიდა გიორგის სახელობის ტაძარი



მარინა მასარაშვილი

არბოშიკი

აქართველოს უკიდურეს აღმოსავლეთ ნაწილში მდებარეობს დედოფლისწყაროს მუნიციპალიტეტი, რომლის ჩრდილო დასავლეთით არის სოფელი არბოშიკი. მისი გეოგრაფიული კოორდინატებია ა.განედი 46°10' და ჩ.გრძედი 41°41'. სოფლის ჩრდილოეთით მდებარეობს სოფელი მაჩხაანი, სამხრეთით სახნავ სათესი მიწები, ხოლო ჩრდილო დასავლეთით სოფელი მირზაანი. სოფელი მუნიციპალიტეტიდან 23კმ-ითაა დაშორებული.

არბოშიკი ადრე სილნალის რაიონში შედიოდა, ხოლო 1938 წლიდან, როდესაც მოხდა რაიონის გაყოფა არბოშიკი მიეკუთვნა ნითელწყაროს (წ/წყარო გასაბჭოების მერე ეწოდა).

ხეობა დასავლეთიდან აღმოსავლეთისკენაა მიმართული. ჩრდილოეთიდან და სამხრეთიდან სოფელს აკრავს ბორცვები, რომელთა შეფარდებითი სიმაღლე 40-50მ-ია. ხეობაში მოსახლეობის სიმჭიდროვის გამო, ბორცვების შემადღებულ ნაწილში მოსახლეობის მნიშვნელოვანი ნაწილი დასახლდა. ამგები ქანების მნიშვნელოვანი ნაწილი დანალექია. არის გაშიშვლებული ქანები, სადაც კარგად მოსჩანს მათი შემადგენლობა და განლაგება. ამგები ქანები შედგება: თიხის, ქვიშის, ქვიშაქვებისაგან. სოფლის მიდამოში არ მოიპოვება სასარგებლო წიაღისეული.

სოფლის რელიეფი ბორცვიანია. ზღვის დონიდან 600 მ. სიმაღლეზეა. არბოშიკს შუაზე ჰყოფს მშრალი ხეობა. სოფელი ამ ხეობის გაღმა-გამოღმა მხარესაა გაშენებული. წყალშემცველი ფენები ზედაპირთან ძალიან ახლოს მდებარეობს, ამიტომ წყალი ამოდის 5-7მ. სიმაღლეზე. სამეურნეო დანიშნულებისათვის და სასამელად მოსახლეობა ამ წყალს იყენებს. სოფელში ასეთი


ჭები ბევრია.

ჰავა საქართველოს აღმოსავლეთ ნაწილში კონტინენტურია ზამთარი ხანმოკლე და ცივი, ზაფხული ხანგრძლივი და ცხელი. გარდამავალი პერიოდები გაზაფხული და შემოდგომა კარგადაა გამოხატული. ყველაზე ცივი თვე იანვარია. მშრალ და დაბალი ტემპერატურით, რომელიც ზოგჯერ -5 -10 - მდე ეცემა. ხშირად იჭრება ცივი ჰაერის მასები, რაც იწვევს ტემპერატურის მკვეთრ დანევას, ხოლო ხანდახან ტემპერატურა +5 +6 გრადუსს აღწევს. ზაფხულობით სოფელში ნალექები მცირე რაოდენობით მოდის. გარდამავალი პერიოდები არც ისე ცივია. ამ დროს ხშირად იცის ნისლი და ღრუბლიანობა. ნალექების დიდი რაოდენობა ამ პერიოდებს ემთხვევა. წლის განმავლობაში ნალექების რაოდენობა 300 — 400 მმ-ია. თავსხმა წვიმები მოდის მაისის და ივნისის პირველ ნახევარში, რომლებიც იწვევს ღვარების წარმოქმნას და მშრალი ხეობები ამ დროს ძალიან დიდდება.

სოფელში ტყე-სტეპის ზონისათვის დამახასიათებელი მცენარეულობაა. განსაკუთრებით ბალახოვანი მდელოები. გაზაფხულობით როდესაც დათბება და წვიმებიც ხშირია, ბალახოვანი მცენარეები სწრაფად იზრდება და ბუნებაც ძალიან ლამაზად გამოიყურება. სოფელში გვხვდება სიმშრალის მოყვარული მცენარეები, განსაკუთრებით აკაცია. იმ ფერდობებზე, რომლებიც ჩრდილოეთით



სოფლის შესასვლელი დედოფლისწყაროს მხრიდან



სოფელ არბოშიკის ხედი

მდებარეობს და სამხრეთული მიმართულება აქვს მხოლოდ ბუჩქნარები იზრდება, ჯაგეკლიანები, მათ შორის მეორადი სახეობა ძეძვი, ხოლო ის ფერდობები რომლებიც სამხრეთით მდებარეობს და ჩრდილოეთის მიმართულება აქვს დაფარულია ტყის საფარით. ტყის ძირითადი შემადგენელი მცენარეებია: მუხა, რცხილა, ნეკერჩხალი, იფანი. ტყე მდიდარია ნაყოფის მომცემი მცენარეებით, გვხვდება: შინდი, ზღმარტლი, კუნელი, პანტა, მაჟალო. სოფელში უხვადაა დარგული ნაყოფისმომცემი მცენარეები: ვაშლი, მსხალი, ლეღვი, ბრონეული, ატამი, ქლიავი, გარგარი, კაკალი და სხვა. სოფლის განაპირა მიდამოებში იშვიათად გვხვდება გარეული ცხოველები: ტურა, მაჩვი, მგელი, ზღარბი, გარეული კურდღელი, კვერნა. ფრინველებიდან ბევრია: ბელურა, ჭილყვაკი, კაჭკაჭი, გვრიტი, შაშვი.

ამგები ქანების უმეტესობა დანალექია. გვხვდება შავმიწა და ნაბლა, ხოლო, გამიშვლებულ ადგილებში ხირხათიანი ნიადაგები. სოფელში 8 ბუნებრივი წყრო და 2 არტერიული ჭაა. მათი სახელები ძირითადად სოფლის საგვარეულო უბნების სახელებიდან წარმოდგება. უთრუთაანთ წყარო, სეფიანთ წყარო, გოგანთ წყარო, გზირიან წყარო, ნანწკარა წყარო, ხუციანთ წყარო.


არბოშიკის შესახებ ძალიან ძუნწი ცნობებია შემონახული. მხოლოდ ზეპირი გადამოცემით თუ შეიძლება ცოტაოდენი მნიშვნელოვანი მასალის შეკრება მისი ისტორიის შესახებ. სოფლის სახელწოდების შესახებ ზუსტი ცნობა არ არსებობს, თუმცა მრავალი ლეგენდა თუ მოსაზრებაა ამასთან დაკავშირებით. რამდენად დასაჯერებელია ეს ლეგენდები ამის განსჯა ძნელია. ერთ-ერთი ლეგენდის მიხედვით თამარ მეფე ყოფილა დღევანდელი არბოშიკის ტერიტორიაზე. კვირიკეზე (ეკლესია) რომ ასულა დაუსვენია. თანმხლებთ უკითხავთ: როგორია თქვენი შთაბეჭდილება ამ ადგილზე? გადმოუხედა და უთქვამს: „რა ვიცი ერბოში კი არისო და“. ასოების შეცვლით წარმოშობილა სახელწოდება არბოშიკი.

არსებობს სხვა ლეგენდაც. ერეკლე მეფე ერთ-ერთი ბრძოლის დროს გედიქის ხევთან ყოფილა დაბანაკებული. ახლო მახლო სოფლებიდან მეფისთვის სურსათი მიურთმევიათ, მათ შორის ყოფილა ქადა, რომელიც ერეკლეს ძალიან მოსწონდა და უკითხავს - ვინ მოიტანა ეს ქადა ერბოში რომ ცურავსო. ამის შემდეგ ადგილს საიდანაც ეს ქადა მოიტანეს არბოშიკი დაარქვეს.

არსებობს მოსაზრება, რომ არბოშიკისათვის ეს სახელი რუსებს დაურქმევიათ. აქაურ მოსახლეობას ბევრი



გოგანთ წყარო



არბოშიკი-„გზირიანი“  
გვიან ბრინჯაოს ხანა  
ძვ. წ. აღ. II ათასწლეულის  
დასაწყისი

ურემი ჰყოლიათ და ქირით დადიოდნენ თურმე საშოვარზე. „Арба“ - ურემი, „Арбавшик“ - მეურმეს ნიშნავს. საიდანაც წარმოშობილა სიტყვა არბოშიკი. არბოშიკის სახელწოდება ხევეების სახელწოდებებთან უნდა იყოს დაკავშირებული. „დარაბაში“ - ხევის თავს მდებარეს ნიშნავს. „ჰარაბაში“ კი ყველაზე ზემოთ, თავში მდებარეს. საფიქრებელია, რომ ერთ-ერთი ამ ფრაზიდანაა წარმოშობილი სოფლის სახელი. თავდაპირველად დღევანდელი არბოშიკის ტერიტორია ტყიანი ადგილი ყოფილა. შიშიანობის (თათრების შემოსევების) დროს აქ იმალებოდა ახლო - მახლო სოფლებიდან გამოქცეული მოსახლეობა და შემდეგ საცხოვრებლადაც აურჩევიათ.

ეს ადგილი წყლით მდიდარი ყოფილა და ამასაც მოუზიდავს ხალხი, რადგან ქიზიყის მრავალი ადგილისათვის დამახასიათებელია წყლის უქონლობა. ვარაუდობენ, რომ სპარსელთა შემოსევების დროს, ესე იგი XVII საუკუნეში არბოშიკი, როგორც სოფელი არსებობდა. ეს კარგად ჩანს ტოპონიმებიდან, როგორიცაა „გედიქის ხევი“ და სხვა. დღევანდელი სოფელი არბოშიკი, როგორც ჩანს (თუნდაც საფლავების დათარიღებიდან) XVII საუკუნიდან არის გაშენებული. თუმცა გათხრების შედეგად მის მიმდებარე ტერიტორიაზე აღმოჩენილია უძველესი დროის ნამოსახლარები. სოფელს ეკუთვნის ტერიტორია, რომელსაც „გზირიანი“ ეწოდება. მჭიდრო დასახლების გამო, მცხოვრებლებმა XX საუკუნის 90-იან წლებში დაიწყეს ამ ტერიტორიაზე დასახლება. ჭების ამოთხრის დროს დაახლოებით 20 მეტრზე აღმოჩენილია უამრავი არქეოლოგიური ნივთები: თიხის, რკინის და ბრინჯაოს სამაჯურიც კი. სკოლა დაინტერესდა აქ აღმოჩენილი


მასალებით. მოინვია კახეთის არქეოლოგიური ცენტრის სპეციალისტები და აღმოჩნდა, რომ „გზირიანის“ ტერიტორიაზე მსხვადასხვა შრეა, რაც იმაზე მიუთითებს, რომ აქ ხალხი ცხოვრობდა სამ მსხვადასხვა პერიოდში: პირველი პერიოდი არის ძვ.წ.აღ II- I ათასწლეული ანუ გვიან ბრინჯაოს ხანა, მეორე პერიოდი ძვ.წ.აღ. VI-II საუკუნე; მესამე პერიოდი ფეოდალური ხანა. არქეოლოგების მხრიდან დიდი იყო ინტერესი აქ აღმოჩენილი ნივთებისადმი, მაგრამ რადგან ჩვენ ქვეყანას არა აქვს ეკონომიურად იმის საშუალება, რომ აქ აწარმოოს არქეოლოგიური გათხრები, ყველაფერი ხელუხლებელია. გზირიანში აღმოჩენილ მასალას სკოლა ინახავს და უფრთხილდება იმის მოლოდინში, რომ დადგება დრო როდესაც ყველაფერს ზუსტად დაადგენენ და თავის სახელს დაარქმევენ არქეოლოგები.

მოსახლეობაში გადმოცემით არსებობს აზრი, რომ „გზირიანში“ ადრე სიცოცხლე ჩქეფდა, მაგრამ იქ გავრცელებულა „შავი ჭირი“, მოსახლეობას მიუტოვებია იქაურობა და წასულა სხვა ადგილას (მის მიმდებარე ტერიტორიაზე) საცხოვრებლად. აქ აღმოჩენილია ადამიანის



არბოშიკი-„გზირიანი“  
ანტიკური ხანა  
ძვ. წ. აღ. VI-II სს.





ძვლები. არქეოლოგების ვარაუდით აქ შეიძლება სამარხ-იკ ყოფილიყო. დღეს არბოშიკის ძველ უბნებში საკმაოდ მჭიდრო დასახლებაა, ასეთი მჭიდრო დასახლება მტრის ხშირ თავდასხმებზე მიუთითებს. სოფელში ალადაშვილები ყველაზე დიდი გვარს წარმოადგენენ. XX საუკუნის 10-იან წლებში სოფელ მირზაანიდან არბოშიკში მოსულან ხუციშვილები, გონაშვილები და სხვანი, რომლებიც დასახლდნენ სოფლის ბოლოს აღმოსავლეთით - კოტაანის უბანში, ხოლო სოფლის თავში - ფარხაჩაანებში 1934 წლიდან ჩასახლდნენ სოფელ ზემო მაჩხაანიდან მოსული ხალხი, რადგანაც მაჩხაანში სასმელი წყლის ნაკლებობას განიცდიდნენ. არბოშიკის სახნავ-სათესი საძოვარი მინდვრები სხვადასხვა ადგილზე აქვს: შირაქში, ტარიბანაში, ვაკეში, ხირსაში, იორზე და მწარე წყალზე. მინდვრები საკმაოდ დიდია. არბოშიკელების ძირითადი საქმიანობა ძველადაც და ახლაც არის ხვნა-თესვა, მეცხოველეობა და მევენახეობა. ადრე არბოშიკელ გლეხთა ნაწილს უჭირდა ცხოვრება, რადგან მათ არ გააჩნდათ საწარმოო საშუალებანი, ამიტომ „ბედის საძებნელად“, შორს, სხვაგან, ძირითადად განჯაში მიდიოდნენ და იქ მცხოვრებ გერმანელებთან დაქირავებულნი თვეობით რჩებოდნენ. დღესაც დაგისახლებენ განჯაში სისტემეტიურად მომუშავეებს: ზაქარია პატატიშვილს, თედო ჭრელაშვილს, ილია ბენაშვილს, მოსე ალავერდაშვილს, გიორგი ფაციაშვილს განჯიდან ცოლიც მოუყვანია.


ძველად არბოშიკში იშვიათად მოიძებნებოდა წერა-კითხვის მცოდნე ადამიანი. საქართველოში საბჭოთა ხელისუფლების დამყარებამდე მხოლოდ მღვდლის ან დიაკვნის შვილები თუ ახერხებდნენ განათლების მიღებას სიღნაღის ან თბილისის სასწავლებლებში. არბოშიკში, ისე

როგორც ქიზიყში, თავადები არ ყოფილან.

სწავლამონყურებული არბოშიკელები მოკლებულნი იყვნენ საკუთარ სკოლას. ახალგაზრდობის მცირე ნაწილი ძლივს ახერხებდა მეზობელ სოფლებში მირზაანში და ქვემო მაჩხაანში სწავლას, სადაც ლებულობდნენ 4-7 კლასის განათლებას.

1924 წელს ააშენეს სასკოლო შენობა დაწყებითი კლასებისათვის. მეორე მსოფლიო ომში სოფლის მოსახლეობის უმრავლესობა იყო ჩაბმული. 360 ჯარისკაცი დაკარგა სოფელმა. მათ სახსოვრად აშენდა შინმოუსვლელთა ობელისკი. სამამულო ომს შეეწირა არბოშიკელი ახალგაზრდა პოეტი დავით პატატიშვილი. მისი სახელობისაა დღეს არბოშიკის სკოლა.


სოფელი ამაყოფს თავისი ღირსეული შვილებით. აქ გამოიზარდა მრავალი გამოჩენილი ადამიანი, რომელთაც ასახელეს სამშობლო: იმერეთის ეპისკოპოსი გიორგი (ერობის სახელი დავითი) ალადაშვილი, აკადემიკოსი ალექსანდრე ალადაშვილი, პროფესორი ვახტანგ ალადაშვილი, ფილოსოფიის მეცნიერებათა დოქტორი არჩილ გონაშვილი, ეკონომიკურ მეცნიერებათა დოქტორი ვლადიმერ დათუკიშვილი, მხატვარი ალექსანდრე ალადაშვილი, საოპერო მომღერალი ტარას ბალაშვილი (მღე-



აკადემიკოსი ალექსანდრე ალადაშვილი

როდა „ლასკალას“ თეატრში, დამსახურებული პედაგოგი დავით ალადაშვილი; კიდევ მრავალი სხვა ვისითაც ამაყობს სოფელი.

ოღითგანვე სოფელზე თვითონ სოფლის მცხოვრებნი ზრუნავდნენ. არბოშიკში უცხოვრია ვინმე მურია ალადაშვილს. ეს კაცი უშვილო ყოფილა. უმუშავია იორზე.



მურია ალადაშვილი

ერთხელ ივრიდან წასულა სოფელში. ამით უსარგებლიათ თათრებს და მიჯნა (მიჯნა დიდი ქვის ლოდი ყოფილა) გადმოუნევიათ, თან მურიასათვის შეუთვლიათ, როგორც იტყვი ისე და იმით გცემთ პატივსო, მაინც შვილი არა გყავს და ძირიო... პასუხი ასეთი ყოფილა: სოფელში, რაც ბავშვია ყველა ჩემი მომავალიაო. წასულა სოფლის კაცებთან ერთად მოუკიდა ზურგზე ის ლოდი და ორი იმდენი მანძილი თათრებისაკენ გადაუნეგია. დღესაც მისეულ სახლში საბავშვო ბაღია მოთავსებული.

სოფელში იხსენებენ დათუკიშვილ ილას (ცეტა ილა), რომელიც შეძლებისდაგვარად ზრუნავდა სოფელზე. ერთხელ სოფლის მეცხვარეს ლეკები დასცემიან. მოუკლავთ მწყემსი და ცხვარი გაუტაციათ. ეს გაუგია ცეტა ილას და რამდენიმე კაცით გამოსდგომია ლეკებს, ცხვარი წაურთმევიათ და რა თქმა უნდა ცხვრის გამტაცებელი ლეკებიც არ გაუშვიათ ცოცხალი. ცეტიც იმიტომ დაურქმევიათ, რომ სიმართლისათვის ყოველ ბრძოლაში დაუფიქრებლად მიდიოდა ყოველგვარ რისკზე. სოფლებები და სოფელი მას „ცეტა ილას“ სახელით სცნობდა.

როცა საბჭოთა ხელისუფლება დამყარებულა რამდენიმე სული ძროხა და ცხვარი ჰყოლია, ამიტომ კულაკად ჩაუთვლიათ და საქონელი სულ ჩაუბარებინებიათ. როგორც ეტყობა ჭკვიანი კაციც ყოფილა და ამბის გასარკვევად თბილისში წასულა. მეგობრებთან ერთად შესულა მაშინდელ ცეკას პირველ მდივანთან, მაგრამ ის და მისი მეგობრები იქიდან ველარ გამოვიდნენ და დახვრიტეს 1928 წელს.

ცეტა ილა მეგობრობდა „დედას ლევანასთან“, იმ დედას ლევანასთან, რომელიც ქართული სიმღერების არაჩვეულებრივ შემსრულებლად და ხალხური მელოდიების გადამრჩენად ითვლებოდა მაშინაც და ახლაც.


დღეს ხმალ-ხანჯლის სცენიურ სამშვენისადლა დარჩა. თითზე ჩამოსათვლელი გვყავს ხმლის ოსტატიც - სულ საქართველოში თხუთმეტამდე კაცი თუ იქნება. მათ შორის არის არბოშიკელი ზაზა ალადაშვილი, რომელიც მებმლეც არის, ჭაჭვის პერანგებსაც ქსოვს და ფარებსაც აკეთებს.

ხელობით შემდუღებელს 90-იან წლებში დაწყებულმა გაჭირვებამ ააღებინა ხელში ჩაქუჩი და მიიყვანა გრდემლთან. მას მერე მის ქურაზე იჭედებოდა კაზაკური, არაბული, შამირი, კახური პირები, თურქული, მონღოლური სატევრები, ქართული ხმლები, ეს ყველაფერი კი ნახატიდან ან ფოტოსურათებიდან არის აღებული. ყველა ორნამენტი განსხვავებული, ძალიან ლამაზი და გამორჩეულია, თუმცა მისთვის და ჩვენთვისაც ქართულს ვერაფერი შეედრება. ქართულში არის წარწერებიც, გვხვდება ყურძენიც, ყაყაჩოებიც და რა თქმა უნდა ჯვრებიც. ხელობა მარტო მან კი არა მისმა ცოლმა და შვილმაც ისწავლა, სურვილი აქვს ასწავლოს სხვებსაც.

არბოშიკელებს განსაკუთრებით უყვართ თავიანთი სოფელი და მის პრობლემებზე შესტკივათ გული. ასეა სოლომონ გოგაშვილი ანსამბლ „ჩვენებურების“ წევრი. უკვე 12-14 წელია ფესტივალ „არტგენტან“ ერთად მოგზაურობს საქართველოს რეგიონებში. ამ ფესტივალის ფარგლებში ყოველწლიურად სხვადასხვა რეგიონში ტარ-



ილო (ცეტა) დათუკიშვილი და ვარდო ბაცაცაშვილი



წმინდა კვირიკესა და ივლიტას სახელობის ტაძარი

დება შემოქმედებითი ღონისძიებები და ხედავდა როგორ იცლებოდა სოფლები. იმ განცდამ, რომ არბოშიკიც განახევრდა და აღარ არის სოფლის ნახევარზე მეტი მოსახლეობა სოფელში და სოფელზე ფიქრმა და დარდმა მიიყვანა ბატონი სოლომონი გადანყვეტილებამდე – მიგრაციის პრობლემა მუსიკალურ ჭრილში გადაეწვიტა. სულ ახლახან გამოვიდა კლიპი. კლიპის შინაარსი ერთი ჩვეულებრივი ქართული სოფლის რეალობას ასახავს, რომელიც დაცლის საფრთხის წინაშეა. ამ სოფლის მაგალითით მთელი საქართველოს სოფლების სატკივარია ასახული და ქართველი კაცის გულისტკივილი.

არბოშიკს ყავდა თეატრალური დასი. ქართული ხალხური სიმღერის შემსრულებლებითაც იყო განთქმული.

სოფელი რისი სოფელია თუ რამე მითიური ამბავი არ მოისმინე. არბოშიკელები მაშინვე გაამბენ ბაცაცაანთ ალზე. დიდი ხნის წინ, როცა ჯერ კიდევ ჩვენი ბებია პაპები ბავშვები იყვნენ ბაცაცაშვილების გვარის ერთ-ერთი ოჯახის წევრმა შენიშნა, ცხენს რომ საბალახოდ უშვებდა, ცხენი იქიდან გაოფლილი, შეშინებული და ფაფარდანული ბრუნდებოდა. ამიტომ ამ კაცს ცხენისთვის დაუსხია კუპრი და იმავე საღამოს ცხენს მოუყვანია ქალი, რომელიც ცხენზე დამჯდარა, კუპრს კი ჩამოსვლის საშუალება აღარ მიუცია. ქალი ყოფილა გაშლილი თმით და გრძელი ფრჩხილებით. ქალისთვის დაუჭრიათ ფრჩხილები და დაუმალაათ. რასაც ეუბნოდნენ ქალს ან ავალებდნენ ყოველთვის სანინააღმდეგოდ იქცეოდა. ეს ქალი წლების მანძილზე ცხოვრობდა მათთან და ემსახურებოდათ. ერთხელ ბავშვის წყალობით უპოვია ალს თავისი ფრჩხილები. როგორც კი ფრჩხილები აუღია მაშინვე გამქრალა სახლიდან. სოფელში კი დარჩა გამოთქმა: რა ბაცაცაანთ ალივით უკულმა უნდა გელაპარაკო?!

სოფელს ამშვენებს მალალ გორაზე აღმართული წმინდა კვირიკესა და ივლიტას სახელობის ეკლესია, რომელიც XVII ს-ის ძეგლს უნდა მიეკუთვნებოდეს. ტაძ-

არი ერთნაგიან ბაზილიკას წარმოადგენს, რომელსაც მიშენებული აქვს XIX საუკუნის დროინდელი ქიზიყის ტაძრებისათვის დამახასიათებელი სამრეკლო.

28 ივლისს, წმინდა კვირიკეს ხსენების დღეს სოფელში დიდი ზემია. ამიტომ სხვადასხვა კუთხეში მცხოვრები არბოშიკელები ამ დღეს თავს იყრიან და წმინდა კვირიკეს სახელობის ტაძარში აღევლინება ნირვა-ლოცვა ღამისთევით.

ამავე ტაძრის ეზოშია დაკრძალული მიტროპოლიტი გიორგი ალადაშვილი (1850 — 1924). სხვადასხვა წლებში იგი განაგებდა გურია - სამეგრელოს, იმერეთის, ნილკისის და ჭყონდიდის ეპარქიებს. საქართველოში კომუნისტური ხელისუფლების ძალადობით დამყარების შემდეგ მცხოვანი მიტროპოლიტი პენსიაში გადის და განაგებს წმინდა სტეფანე ხირსელის სახელობის მონასტერს. უღმერთოთა მიერ მონასტრის დარბევის შემდგომ მიტროპოლიტი გიორგი იძულებული გახდა მშობლიურ სოფელს შეჰკედლებოდა, სადაც რამდენიმე კვირაში აღესრულა.



მიტროპოლიტი გიორგი (ალადაშვილი)





ზაზა ალადაშვილის ნაკეთობები

სოფლის სამხრეთ-აღმოსავლეთით 1, 5 კილომეტრის მანძილზე მდებარეობს ხომხელის (ადგილის ტოპონიმი) წმ. გიორგის სახელობის ტაძარი, რომელმაც ჟამთა სიავეს ვერ გაუძლო. ტაძარი დღეისთვის აღდგენილია სოფლის ყოფილი მკვიდრის მამა გიორგის (გუგენიშვილი) თაოსნობით.

სოფლის სამხრეთ-დასავლეთით, დაახლოებით 1 კილომეტრის მანძილზე, მდებარეობს ტყის მასივი, რომლისთვისაც დამზადებული დაურქმევიათ. სწორედ ამ ადგილას აუგიათ „ღვთისმშობლის“ სახელობის ტაძარი.

ოდიტგანვე სოფელში განვითარებული ყოფილა მემინდვრობა, მევენახეობა, მეცხოველეობა. ძველად სოფელში ჰყავდა კამეჩები. ჰქონდათ ყველის წარმოება. კამეჩები ურემშიც ჰყოლიათ შებმული და გამწვევ ძალადაც ითვლებოდა. სოფელში განვითარებული იყო მეცხვარეობა, ამიტომ კარგად იცოდნენ და დღესაც იციან მატყლის დამუშავების ხელოვნება. სათანადო დამუშავების შემდეგ იყენებდნენ ბუნებრივ საღებავებს: ენდროს, კაკლის წენგოს, ხახვის ფოჩს, კომპის ფოთოლს და სხვა.

ძაფისაგან ქსოვდნენ წინდებს, პაჭიჭებს (უძირო მაღალყელიანი წინდა) ხურჯინებს, ცხენის გადასაფარებლებს, ფარდაგებს, ხალიჩებს. ყველა ეს საქმიანობა მივიწყებულია, თუმ-



ცა შემორჩენილია წინდების ქსოვის ხელოვნება. თითქმის ყველა ოჯახში ინახება ნაკვანძით ქარგვის ხელოვნების ნიმუშები. გამოირჩეოდა მარიამ ბალიაშვილი, რომლის ნამუშევრები სოფ. მირზაანის ნიკო ფიროსმანის სახლ-მუზეუმში ინახება.

საყოფაცხოვრებო დანიშნულები-სათვის წნელისაგან ამზადებდნენ გოდრებს, გოგროხებს, ლასტებს. ლასტებს იყენებდნენ ეზოების შემოსალობად და ხილის გასაშრობად.

სამშენებლო მიზნით წვავდნენ აგურს, კრამიტს, კირს, ამზადებდნენ ალიზს. გაჯის წარმოება არ იცოდნენ სოფლის მეცხოვრებლებმა, ამიტომ იოსებ ნინიკოს ძე ტეტელოშვილმა ნახა და ისწავლა სხვაგან, საცდელად კი პირველი გაჯი მან ყარლოზე გამოწვა. სოფელში იყო სამჭედლო, სადაც ამზადებდნენ შრომის იარაღებს.

არბოშიკელები ტრადიციების მიმდევარი და პატივისმცემელი ხალხიც არიან. დღესაც ბევრი ოჯახია, სადაც საგვარეულო ზედაშე აქვთ. საზედაშე ღვინოც ისხმება პატარა ქვევრში და სანთელიც ყოველთვის ინთება. სოფელში მოსული სტუმარი ღვთის კაცია სოფლის მოსახლეობისთვის, სტუმარს აქ არც სიყვარული მოაკლდება, არც პატივისცემა და გამგზავრებისას სოფლის ნობათსაც ხელგაშლით ბარაქიანად უნობათებენ.



ნანა ჭიჭინაია

ატირეთ წვიმები

ლიაობის დღეს, 2 აგვისტოს, დედოფლისწყაროს ილია ჭავჭავაძის სახელობის მნიგნობართა ასოციაციის ოფისში ცნობილი პოეტის თემურ ჩალაბაშვილის წიგნის – „ატირეთ წვიმები...“ პრეზენტაცია გაიმართა.

წიგნი სრულიად საქართველოს კათალიკოს პატრიარქის ილია მეორის ლოცვა-კურთხევით გამოიცა. პოეტმა ეს წიგნი ძვირფასი მშობლების, რუსუდან ღვინდუაშვილისა და ბეჟან ჩალაბაშვილის, ხსოვნას მიუძღვნა.

პრეზენტაცია მნიგნობართა ასოციაციის თავმჯდომარის ვანო ნატროშვილის პატრონაჟით გაიმართა, მნიგნობართა ასოციაციის თანათავმჯდომარემ ნანა ჭიჭინაიამ ასოციაციის წევრებს სიუპრიზი მოუწყო; თუ ერთი წლის წინ სათნოების სახლში მზია ხეთაგურის წიგნის „ლამის დარაჯი“ და სულ მოკლე ხანში ცენტრალური ბიბლიოთეკის სამკითხველო დარბაზში ეთერ ფაცურისას წიგნის „მუხის ფოთლები“ პრეზენტაციაზე თავად ავტორები ვერ ესწრებოდნენ, ამჯერად ასოციაციის წევრებს და პოეტის თაყვანისმცემლებს თემურ ჩალაბაშვილი პირადად შეახვედრა. მე პირადად ვესწრებოდი 29 მაისს რუსთაველის თეატრის დიდ დარბაზში თემურ ჩალაბაშვილის 65 წლის საიუბილეო შემოქმედებით საღამოს და მისი ახალი წიგნის „ატირეთ წვიმები...“ პრეზენტაციას, სადაც პოეტმა მქუხარე აპლოდისმენტების ფონზე წაიკითხა თავისი ახალი ლექსები და საღამოს დამთავრებისთანავე ვთხოვე, როცა მოახერხებდა ჩვენი ასოციაციის ოფისში ასოციაციის წევრებისათვის თავად წაეკითხა ეს საოცარი ლექსები. იგი უყოყმანოდ დამთანხმდა და ელიაობის დღეს გვეწვია ჩვენს ოფისში და სიტბოთი და სიყვარულით გაჯერებული საღამო გვაჩუქა, რომელიც სულ ორი საათის განმავლობაში მიმდინარეობდა. ერთ მუშტად შეკრულ სტუმრებს პოეტის მონოლოგი გვაერთიანებდა:


„კარგად ვიცი, ვინცა ვარ,  
თუ ვინმეა მეცა ვარ,  
როცა ვტირი, მინა ვარ,

გავიცინებ – ზეცა ვარ,  
როგორც ბევრი ამქვეყნად,  
მოვსულვარ და ქეც წავალ...“


პოეტის შემოქმედებაზე ვრცლად ისაუბრა მხარეთმცოდნეობის მუზეუმის დირექტორმა ლალი გურასპაულმა: თემური ჩვენი კუთხის, ქიზიყის ღვიძლი შვილია, იგი ჯერ დიდი ადამიანია, შემდეგ დიდი პოეტი, მისი ლექსები ერთი ამოსუნთქვით იკითხება და სარბიელი თემურ ჩალაბაშვილს დაუთმო:

უსიყვარულობა კმარა

რომ არ მოვეფეროთ დიდხანს,  
მზესაც მოაკლდება სითბო,  
მკვდარი ქართველები გვიყვარს,  
მათ არც უცოცხლიათ თითქოს.  
ძმობას გაჯერებულს ფიცით  
განა ვინარჩუნებთ დიდხანს,  
შეძლება, გიყვარდეს, ვიცით,  
ვპასუხობთ ვინც არას გვეკითხავს.  
ზოგჯერ სიავით და შუღლით  
ერთურთს ვეურჩებით, ვურცხვობთ,  
ხშირად ერთმანეთი გვძულს და  
უფრო ვეფერებით უცხოს.  
არა, ქართველებო, არა,  
ერთურთს შევხიდოთ უფრო,  
უსიყვარულობა კმარა,  
ჩვენში თუ უფალი უფლობს.  
რამდენი უცხოელი ერი  
ჩვენ ჯიმ-ნარმომობას ნატრობს,  
მუდამ შინა გვყავდა მტერი,  
გარეთ დავეძებდით პატრონს.



თემურ ჩალაბაშვილი



ავტორმა, ჩემი თხოვნით, მეუღლისადმი მიძღვნილი შესანიშნავი ლექსიც წაგვიკითხა:

ასე ნელ-ნელა სიცოცხლე ჩემი  
დავანანილე სტრიქონ-სტრიქონად...

**გეტა ვარ, გეტა! – მესმის  
ტელეფონით შუაღამისას**

გამომაფხიზლებს  
როდემდე ნეტა,  
ხმა ტელეფონით –  
გეტა ვარ, გეტა!  
თან ვბრაზობ,  
თანაც ოცნებით ვთბები —  
თან სიჭაბუკის  
მესხმება ფრთები.  
დიდხანს ბუზლუნი  
„ნერვების წყვეტა“,  
ოღონდ მესმოდეს –  
გეტა ვარ, გეტა!

და ასევე:

**ნაგვიანევი ლექსი**

ყველა მიყვარდა და ჩემგან თურმე  
ყველას თავისი წილი მიჰქონდა,

**ძველი მოტივეზიდან**

რაც კი ლექსად მიწერია,  
ყველა ჩემი ნართიმია,  
მახრჩობს სულის მისტერია,  
მტანჯავს გულის არითმია...  
შენ ერთადერთს – მამულს ნუ მთხოვ,  
დანარჩენი – დამითმია!

მნიგნობართა ასოციაციის წევრებმა ფერმერმა გია ნატროშვილმა და მეღვინე-ტექნოლოგმა გოდერძი გონაშვილმა აღნიშნეს, რომ თითოეული ლექსის სტრიქონი სალბუნად ედება მკითხველის გულს, თემურ ჩალაბაშვილის უჭკნობმა ნიჭმა ისევ და ისევ გამაკვირვა. მთელი გულისყურით ვუსმენდი, ვგრძნობდი და ვფიქრობდი თემურის ირგვლივ დრო როგორი უძღურია, მისი თითოეული სტრიქონი შედეგია – დასძინა გოდერძი გონაშვილმა.

სალამოს დასასრულს პოეტმა მადლობა გადაუხადა მნიგნობართა ასოციაციის თავმჯდომარეს ვანო ნატროშვილს, თანათავმჯდომარეს ნანა ჭიჭინაძეს და თითოეულ წევრს, რომელთა ძალისხმევითაც გაიმართა ეს მშვენიერი საღამო.





მხატვარი (ხატმწერი)  
გუჯა ტურაშვილი

